


魏姓風  
 氏氏俗  
 補考通  
 證略姓  
 篇氏







風俗通姓氏篇

應劭纂  
張澍編輯補注

叢書集成初編

(補印本)

風俗通姓氏篇及其其他二種

一九三七年六月初版  
一九五九年十月補印

商務印書館出版

上海大眾文化印刷廠印刷

# 輯風俗通姓氏篇序

昔春秋時。周之史伯。魯之衆仲。晉之胥臣。鄭之公孫揮。楚之觀射父。皆善言族姓。炎黃以來。如指諸掌。而以姓氏箸書傳後者。周則有左丘明世本之氏姓篇。戰國則有荀况之血脈譜。漢則王符潛夫論之氏姓志。鄧氏官譜。潁川太守聊謀之萬姓譜。徵君管寧之姓氏歌。斯爲最古。而泰山太守應劭風俗通姓氏篇。繼之。濟厥所祖。推究更改。雖有附會。大致典礪。惜其篇散佚。不爲完書。予於輯世本之暇。輒搜簡尋牘。粹蒼成帙。輒以穴管。正其疏漏。後見抱經盧氏叢書。亦嘗此篇。殊多闕略。聊復刊布。貽之同好云。

# 風俗通姓氏篇原序

萬類之中。惟人爲貴。春秋左氏傳。官有世功。卽有官族。邑亦如之。公羊譏衛滅邢。論語貶昭公娶於吳。謂同姓也。蓋姓有九。或氏於號。或氏於諡。或氏於爵。或氏於國。或氏於官。或氏於字。或氏於居。或氏於事。或氏於職。以號。唐、虞、夏、殷也。以諡。戴、武、宣、穆也。以爵。王、公、侯、伯也。以國。曹、魯、宋、衛也。以官。司徒、司空、司城也。以字。伯、仲、叔、季也。以居。城、郭、園、池也。以事。巫、卜、陶、匠也。以職。三鳥、五鹿、青牛、白馬也。廣韻。平御覽。太

樹按廣韻。又引姓氏篇序云。凡氏之興九事。一氏於號。唐、虞、夏、殷是也。四氏於國。齊、魯、宋、衛是也。又云。凡氏於諡。戴、武、宣、穆是也。凡氏於字。伯、仲、叔、季是也。又云。氏於事。巫、卜、陶、匠是也。氏於居者。城、郭、園、池是也。氏於職焉。三鳥、五鹿是也。北史高構傳。引風俗通云。姓有九種。或氏於爵。或氏所居。字句與御覽所引微異。皆是以意改刪。非仲遠原文。又按唐書柳芳氏族論。引巫、卜、作巫、乙。亦非。

# 風俗通姓氏篇

漢 泰山太守汝南應 劭纂 清 武威張 澍編輯補注

姓氏篇上

澍按顏師古注急就篇云應劭纂風俗通多設人姓而為章句偶讀斯效急就之為也又按史記荀卿列傳集解引徐廣以為應劭氏姓注亦即此篇以篇為注恐誤

東方氏伏羲之後帝出於震位東方子孫因氏焉平原厭次漢大中大夫東方朔鄭樵氏族略胡三省通鑑注吳曾能改齋

錄漫

澍按路史注引云東方氏伏羲氏之後出於女媧

東陵氏秦東陵侯邵平之後又齊景公時有隱居東陵者氏焉神仙傳有東陵聖母鄧名世古今姓氏辯證

澍按氏族略引云東陵氏東陵侯邵平子孫氏焉無齊景公以下數語又按博物志東陵地名聖母姓杜名姜應氏以聖母姓東陵誤矣一云女邢姓師劉綱能易形變化適海陵杜氏漢帝賜號東陵聖母

或謂為晉康帝時人者誤劉遴之神異錄聖母廣陵人神仙傳海陵人

東郭氏東郭牙齊大夫東郭咸陽其後也司馬貞史記索隱

澍按桓公謀伐莒謀未發而牙知之見呂氏春秋又左傳齊有東郭偃東郭賈卽大陸子方孔叢子東郭亥欲攻田氏執贄見夫子而訪焉呂氏春秋秦相百里奚齊使東郭蹇如秦平準書食貨志東郭咸陽齊之大鬻鹽也官大農丞領鹽鐵事

東關氏晉東關嬖五之後漢有將軍北亭侯東關義辯證

澍按鄧名世云東關晉之門名其先晉守關大夫以地爲氏義卽其後不可云嬖五後也

中氏漢有少府中京李賢後漢書注

澍按廣韻引府下有卿字又北海相景君碑有修行中香字季逮劇人

中行氏漢有諫議大夫中行彪晉中行偃之後後漢書注

澍按漢有燕人中行說爲宦者降匈奴師古云行音胡郎反

中壘氏劉向爲漢中壘校尉支孫以官爲氏辯證氏族略

冲氏漢有博士冲和辯證

澍按華陽國志節士冲昱成都人少受學於嚴季后爲季后畫策免汶山夸之難近刊本作仲昱訛

銅鞮氏晉銅鞮伯華之後銅鞮晉之別邑也氏族略

澍按後有同蹄姓卽銅鞮也



僮氏。漢有交阯刺史僮尹。孫愐廣韻通鑑注。

澍按姓纂童氏出老童。路史謂童僮出童律也。東漢循吏童恢。謝承書作僮恢。東觀記作种恢。

蒙氏。東蒙主以蒙山為氏。秦有將軍蒙驁生武。武生恬。皆仕秦。氏族略。

澍按姓纂云蒙氏高陽後。封以為蒙。雙有蒙氏。雙氏。又按管子齊有蒙孫。佐桓公立霸者。

重氏。顓頊帝重黎之後。少昊時重為南正。司天之事。黎為北正。司地之事。氏族略。

澍按少昊四叔。重該修熙焉。知重非句芒之後乎。又逸周書重氏伐有鄗。又重丘氏以美女遺青陽。皆

宜有後也。耿弇傳大槍渠帥重異。或作重遇。又作重連。

公乘。姓也。魯有公乘子皮。見列女傳。張說姓源韻譜。

澍按晉書音義引上四字。又按公乘。秦第八爵。當是以爵為姓者。公乘子皮欲為魯相。其姐勸勿為也。

公玉氏。齊湣王臣有公玉冉。漢有公玉帶。其後也。史記索隱。

澍按公玉冉。呂氏春秋作公玉丹。師古漢書注曰公玉。姓也。帶。名也。呂氏春秋齊有公玉丹。此蓋其舊

族。而說者讀公玉為宿。非也。單姓玉者。後漢司徒玉况。自音宿耳。又按公玉帶。濟南人。進黃帝時明堂

圖。鄭夾漈以公玉帶為黃帝時人。誤甚。楊震碑陰有勃海公玉子舉。

公族氏。晉成公立嫡子為公族大夫。韓無忌號公族穆子。見左傳。漢有勃海公族進階。後漢書注。

澍按公族進階見王純碑陰門生人名內黨鋼傳云勃海公族進階與扶風魏齊卿並危言深論不隱  
藥彊自公卿以下莫不畏其貶議屣履到門

公賓氏公賓姓也魯大夫公賓庚之後漢有校尉公賓就東海人

通鑑注

澍按魯一作晉庚一作庾均語左哀公八年傳吳伐我克東陽而進公賓庚公甲叔子與戰於夷獲叔  
子與析朱鉏獻於吳子又一引無校尉二字公賓就即斬王莽首者

公旗氏戰國策齊威王時左執法公旗蕃左傳齊悼子公旗之後

林寶元和姓纂

澍按姓源引云齊悼公子子旗之後

終氏桀內史終古後氏焉姓纂漢有諫議大夫終軍

辯證

澍按王莽時有終帶見匈奴傳

終古氏終古桀內史也因氏焉

氏族略

終黎氏嬴後有姓終黎者是也

裴嗣史記集解

澍按世本云終黎嬴姓國路史云徐之別封應劭云鍾離子國在九江蓋其後徙于此吳滅之終黎即  
鍾離楚將有鍾離昧漢有鍾離意字子阿

農氏神農氏之後

廣韻

龍丘氏。琴引。有楚龍丘子。後漢吳有龍丘萇。隱居太末。志不降辱。太末有龍丘山。顏師古急就章注。

澗按琴操九曰楚引。楚游子龍丘高所作也。文選注引琴操云。龍丘高出游三年。思歸故鄉。望楚而長嘆。故曰楚引。氏族略引云。龍丘氏。漢有高士龍丘萇。吳郡人。

雍氏。文王子雍伯之後。氏族略。

澗按鄭莊夫人雍姑。國姓。纂云。宋之雍氏。本姑姓。寰宇記。雍氏。黃帝後姑姓是矣。是雍。不止文王後也。鄭有雍糾。齊有雍廩。漢有雍齒。封什邡侯。

功氏。晉大夫司功景子之後。或去司單爲功氏。辯證。

弓氏。魯大夫叔弓之後。漢有光祿勳弓祉。姓纂。

澗按。漢有帶方太守弓遵。見魏志。

嵩氏。漢有嵩極。予子。見史記。辯證。

澗按路史國名記。帝侏次妃有娥。後有嵩氏。又按西京雜記。安定嵩真。與予菟曹元理。並明算術。是嵩真。嵩極。予子。各一人。鄧名世以應劭爲失考。誤矣。

移氏。高後采高堂。公子雍食采於移。後爲氏。後漢書注。澗按路史國名記。漢有弘農太守移良。容齋隨筆。洪邁。

澗按移良。卽承宣官旨。停楊震棺於道側者。氏族略引作靳良。辯證引作南郡太守。皆誤。

爲氏。魯昭公子公爲之後。漢有南郡太守爲昆。廣韻容

隨氏。隨侯之後。漢有博士隨何。後漢有扶風隨蕃。廣韻

澍按論語疏。隨侯姓祝。名元暢。是隨侯姓祝也。茲當云。隨國之後爲審。光武時有偏將軍隨弟。弟音悌。

義氏。堯卿義仲之後。廣韻

澍按太平寰宇記。灤城塘縣。在州西北一百一十里。隨末縣令義士暄。置有城塘以爲名。

卑氏。鄭卑謚之後。漢有北平太守卑躬。議郎卑整。廣韻

澍按後漢書注引云。卑氏。鄭大夫卑謚之後。漢有卑躬。爲北平太守。胡太傅碑有太傅掾雁門卑整。袁

宏紀作畢。整誤。後漢皇后紀。熹平四年。小黃門趙祐議郎卑整。上言云。春秋之義。母以子貴。今冲帝母。

虞大家。質帝母。陳夫人。皆誕生聖皇。而未有稱號云云。卽爲太傅掾者也。又按卑謚論語。左傳皆作禘。

古今人表作卑。顏師古注音脾。

離氏。離婁。孟子門人之後。漢有中庶子離常。氏族略

澍按辯證引云。離氏。漢有中庶子離常。鄭氏引之後二字。在離常下。今改正。離婁。本黃帝時人。廣韻以

爲孟子門人。亦異聞也。

池氏。漢有中牟令池瓊。又有池仲魚。城門失火。仲魚燒死。故諺曰。城門失火。殃及池魚。廣韻

澍按瓊一作瑗事見說苑

師氏樂人替者之稱自晉師曠之後始以為氏漢有東海師中作雅琴師氏八篇證

澍按博古圖周有師餘又殷有師涓師延魯有師乙師摯師金鄭有師叔師悝魏有師經未必皆後於師曠是師姓久矣不自曠始也而氏族略引云師氏師樂人替者之稱晉有師曠魯有師乙鄭有師悝師觸師闕師成與此異

師尹氏師尹三公官也以官為姓周有尹喜尹吉甫孔穎達毛詩疏

澍按金石錄補引作三公官氏也又按崧高詩注云尹官氏也蓋以尹為官以吉為姓不連師字

尸氏其先封尸鄉後以為氏秦有尸佼為商君師著書廣韻

澍按氏族略引云尸氏其先封尸鄉因為氏齊相有尸臣與廣韻引不同又按漢書注尸子魯人鞅死佼逃入蜀作尸子二十篇凡三萬餘言魯一作晉

邳氏奚仲為夏車正自薛封邳今泗州故下邳郡即其地也其後為氏後漢有衛尉信邳彤廣韻族略通氏

注鑑

澍按邳彤在雲臺二十八將中字偉君

伊氏即伊祁氏之後也裔孫伊尹名摯相湯生陟奮漢有議郎伊推又伊嘉為雁門郡尉石顯黨氏族略

澍按水經注百蟲將軍顯靈碑云將軍姓伊氏諱益字隕斃帝高陽之第二子伯益者是伯益姓伊矣又云有莘氏女采桑伊川得嬰兒於空桑中言其母孕於伊水之濱夢神告之云云莘女取而獻之命養於庖長而有賢德殷以爲尹曰伊尹也是伊以地爲氏者又按儒林傳伊推爲公羊學官侍郎嘉又爲御史中丞王莽封伊子奉伊尹後

纁氏嫫祖之後或爲纁氏左傳晉七與大夫纁虎辯證

澍按氏族略引無或爲纁氏四字纁虎與共華叔堅雖歆特宮山祁等皆里克丕豹之黨

鷓夷氏范蠡適齊爲鷓夷子皮後人以爲氏辯證

澍按氏族略引云鷓夷氏本范蠡自號也視此略

皮氏周卿師士樊仲皮之後漢有皮尙後漢有諫議大夫皮究氏族略

澍按樊皮字仲文此則以名爲氏者非樊仲皮也又按漢有度尙無皮尙有皮常當係鄭氏引訛非仲璣原文有誤也漢有涼州刺史皮揚見西羌傳儒林傳滿昌授齊詩於琅邪皮容鄭氏引作究字亦誤資氏資成陳留人氏族略

澍按陳留風俗傳云資黃帝之後食采益州資中因以爲氏又按資成係後周時人鄭氏引誤仲璣原文當與罔稱傳語同也資成云云係後人附益者

司寇氏。蘇忿生爲周武王司寇。後以官爲氏。禮記司寇惠子魯大夫。廣韻氏族略

澗按辯證引云司寇氏蘇忿生爲周武王司寇。支孫氏焉。無末數句。

司鴻氏。古有司鴻。苟著書。漢有諫議大夫司鴻儀。辯證

澗按氏族略引作中大夫一引諫下無議字

司馬氏。出程伯休父。重黎氏世序天地。封爲程國。伯休父字也。其後爲司馬氏。氏族略

澗按左傳晉有司馬寅。司馬齊。秦有司馬錯。衛有司馬食其。司馬狗。國策魏有司馬喜。

司功氏。晉大夫有司功。景子士丐弟佗。因官氏焉。氏族略

澗按路史注引無士丐以下八字世本云。晉士丐弟佗爲晉司功。以官爲氏。與此微異。

期思氏。楚大夫居期思城。因爲氏。辯證

澗按廣韻引云期思氏有期思國。又按期思在汝南郡。故蔣國琴操。有期思革子。一作思革子。

期氏。楚期思公復遂之後。有去思者。單爲期氏。辯證

澗按廣韻引云期氏有期思國。

訾氏。帝馨妃訾姬氏女之後。氏族略漢有樓虛侯訾順。急就爲注

澗按國策趙簡子家臣訾祐。袁山楛書。沮儁死。其督戰訾寶。負尸埋之。又按姓苑云。訾本出祭氏說。誤。

綦母氏。漢有廷尉綦母參。戰國策。綦母子與公孫龍爭辯。氏族略

澍按左傳。晉有大夫綦母張。國策之綦母生。卽綦母恢。又按漢胡母班。蔡邕集。作綦母班。劉表與綦母

闔。共定五經章句。

旗氏。齊卿公孫窳之孫。纒施。字子旗。子孫以王父字爲氏。後漢有九江太守旗况。氏族略

澍按廣韻引。作旗光。鄧名世辯證。作旗汎。鄭樵又作旗况。宜以孫樞作旗光爲是。

差氏。人姓。急就篇

澍按左傳。疏云。差車。鮑氏臣。又按哀公十六年。楚子問帥於太師子穀。子穀曰。右領差車。與左史老。皆相令尹司馬。以伐陳。其可使也。是齊楚俱有差車。

威氏。齊威王之後。廣韻武陵威生不識母。見一老婦。供養爲母也。辯證

澍按氏族略引云。威氏。齊威王之後。以田氏始王。故其後以爲氏。此是釋威王氏。複姓也。通志引於威氏下。誤矣。

威王氏。漢有中郎威王弼。出自楚威王後。廣韻

澍按氏族略引。作漢有威王弼。無中郎字。亦未引末句。

肥氏。其先有封肥鄉者。戰國策。趙賢人肥義之後。漢有肥韶。英布將肥赫。又仁恕掾肥親。氏族略



澍按姓纂引云。肥氏。漢有肥韶。英布將肥赫。又按靳黈傳。斬趙將賁郝。注音肥釋。儒林傳。淮南賁生。受詩於韓嬰。成帝時有郎賁麗。善爲星。注音肥。

非氏。周有非子伯益之後。漢有大司農非調。廣韻

澍按韻會引云。周有非子。卽嬴秦祖。不知何据。百官表。非調。由光祿大夫爲司農。亦見河渠志。又按谷朗碑。與永寧侯相碑。非子。皆作扉子。

魚氏。宋公子魚賢而有謀。以字爲族。有魚石。魚府。廣韻

澍按氏族略引云。宋桓公子公子目夷。字子魚。子孫以王父字爲氏。漢有長安富人魚翁叔。

魚孫氏。宋魚石奔林之後。羅泌路史注

澍按魚石奔楚。其孫在國者。因以爲魚孫氏。羅泌引奔林。林字脫下體正。並有闕文。宜云魚石奔楚。其後以魚孫爲氏也。

余氏。秦由余之後。廣韻氏族通鑑注

澍按國語。潞。洛。泉。余。滿。皆赤狄隗姓也。應氏說疏。

夫餘氏。吳公子夫概奔楚。其子在國。以夫餘爲氏。今百濟王夫餘是也。廣韻

澍按其在國氏族略引作餘子在吳。無末句。

諸氏漢有洛陽令諸於廣韻容齊隨筆

澍按漢洛陽令誥施誥音詐從工從白非諸於也。因形近而訛。又按呂氏春秋齊簡公之臣諸御鞅說

苑楚人諸御已。又云越有諸發。執一枝梅遺梁王。

諸葛氏葛嬰為陳涉將軍有功而誅。漢文追錄封其孫諸縣侯。因以為氏。廣韻裴松之吳志注氏族略通鑑注

澍按一引無軍字。文下有帝字。封下無其孫二字。又一引無縣字。均脫誤。漢有司隸校尉諸葛豐。濟陰

太守諸葛禮。

儲氏齊大夫儲子之後。王莽時有儲夏。後漢書注

澍按漢書儲夏自請願說瓜田儀。莽以為中郎。東觀漢記光武勅趙熹從騎都尉儲融受兵二百人。通

利道路。鮑永傳光武遣諫議大夫儲大伯持節徵永。永收繫大伯。

渠丘氏晉有渠丘公。乃莒也。路史國名記

澍按左傳成八年申公巫臣會渠丘公。注曰城陽縣有渠丘里。寰宇記莒子朱居為渠丘公。莒邑也。楚

子重伐莒。圍渠丘者。齊亦有渠丘。乃雍廩邑。

毋車氏漢有樂安毋車伯奇。為下邳相。有主簿步邵南。時人稱毋車府君。步主簿。廣韻

於陵氏陳仲子齊世家辭爵灌園於於陵。因氏焉。漢莒文志有於陵欽。急就章注

澍按列女傳有於陵子終卽陳仲子又按於陵欽著易吉凶二十三卷

區氏歐冶子之後轉區氏又音歐王莽時有郎中區博吳有區景長沙人至蒼梧太守氏族略

澍按博爲中郎將非郎中又按水經注區景乃蒼梧太守長沙吳巨之都督也景爲步騭所殺未爲太

守此文有脫誤桂陽太守周憬碑有曲紅長區祉字景賢

沮氏也黃帝時史官沮誦之後漢有射聲校尉沮儻漢書注

澍按呂氏春秋晉侯使沮廝賊趙盾左傳作鉏廝韓子吳有蹇融與沮衛犒荆袁山楛書曰沮儻年二

十五爲李催殺其督戰訾寶負其尸而瘞之又按袁紹謀士沮授廣平人袁尙將沮鵠守邯鄲死於戰

瞿氏漢有漢南太守瞿茂急就章注

澍按莊子齊物論瞿籬子問於長梧子而太平寰宇記漢時蜀有瞿籬子登仙疑樂史說誤

巫氏凡氏於事巫卜陶匠是也漢有冀州刺史巫捷廣韻

澍按氏族略引云巫氏商有巫賢漢有冀州刺史巫捷又有巫都著養性經又按光武時淄川巫炎字

子都有陰道之術卽此人

須姓太昊之後廣韻太昊之後裔須句國之後路史注左傳楚有須務本史記魏有須賈通鑑注漢功臣表有平

陸侯須無辯證

澗按漢有須誦爲郡主簿獲臯詣獄引械椽口出齒獲免見東觀記

廬氏古廬子國後有廬氏國名記

澗按國語注廬楚邑戡犁爲廬大夫其後以爲氏

蒲氏漢有詹事蒲昌又有蒲遵廣韻氏族略

澗按蒲衣八歲爲舜師蒲姓始此又有扈氏之後有蒲氏蒲昌潁川人字君都受詩於匡衡或作滿意

屠氏漢未有屠景先河東人氏族略

澗按晉太史屠柔預知晉君中山國之亡見呂氏春秋淮南子諸書又晉有屠蒯屠岸賈秦有都尉屠

睢

屠門氏琴引有秦屠門高路史注

澗按一引秦下有倡字王莽傳有杜陵屠門少假號稱漢將

胡母氏本陳胡公之後也公子完奔齊遂有齊國齊宣王母弟別封母鄉遠本胡公近取母邑故曰胡母

氏也漢有執金吾胡母班廣韻後漢書通鑑注

澗按漢末名士傳云班字季皮太山人少與山陽度尚東平張邈等八人並輕財赴義振濟人士世謂

之八廚列仙傳胡母班爲太山府君齋書詣河伯河伯貽其青絲履甚精巧事極恠又按秦本紀有太

史令胡毋敬。作博學篤儒林傳。有胡母生。卽胡母子都。公羊壽之弟子。齊人。爲景帝博士。董仲舒著書稱其德。年老歸教於齊。齊之言春秋者宗事之。夏侯孝若集。辛憲英外孫胡母暢。上夫人錦被。乃反臥。胡非氏。胡公之後。有公子非。其後子孫因以胡非爲氏。廣韻戰國有胡非子著書。纂

樹按胡非子。墨翟弟子。莪文志。有胡非子三篇。

壺氏。漢有諫議大夫壺遂。廣韻大鴻臚壺充國。纂姓

樹按史記。晉世家有壺叔。呂覽作陶狐。說苑作陶叔狐。壺遂與司馬遷共定律曆。壺充國隨司馬相如

開西南夷者。袁宏漢記。有侍中壺崇。百官表。執金吾壺信。英雄記。有冀州牧壺壽。

塗姓。塗山氏之後。後漢書注漢有諫議大夫塗暉。廣韻氏族略

樹按塗暉。字子真。杜陵人。受尙書於胡常。氏族略。以子真與暉爲二人。誤矣。

西鄉氏。宋大夫西鄉錯之後。見世本。尸子。有隱者西鄉曹。辯證氏族略

樹按路史注引。無之後以下十一字。

洎氏。注音圭。漢有大鴻臚洎丹。廣韻漢書注。後

樹按洎丹。字子玉。南陽人。作易通論七篇。易家宗之。見儒林傳。又注弘。字孟。爲符節令。從嬴公受春秋。

一作眭弘。

黎氏九黎之後。尙書西伯戡黎亦見毛詩。氏族略

澍按呂氏春秋武王封堯後於黎氏。廣韻黎侯國之後。

鞮氏晉銅鞮伯華之後。晉之別邑也。又有銅鞮氏。氏族略

澍按鞮氏當是周官鞮人以官爲氏者。鄭樵以爲東鞮之後。誤矣。

稽氏黃帝臣太山稽之後。稽黃秦賢人也。漢貨殖有稽發。氏族略

來氏子姓。商之支孫采食於邾。因以爲氏。其後避難去邑。齊有來章。秦末徙義陽之新野。楚有來英。漢功

臣表鞮侯來蒼。氏族略

澍按來蒼在高祖時。明帝世有度遼將軍來苗。

哀氏魯哀公之後。因諡以爲姓。漢王莽時有哀章。梓潼人。後漢書注。急就章注。

澍按哀章。哀宏漢紀作襄章。莊子衛人哀貽。它貌惡。魯哀公召而觀之。是哀公時已有哀姓。何得云爲

哀公後乎。

臺氏金天氏裔孫曰臺駘。其後氏焉。漢有侍中臺崇。廣韻。後漢書注。

澍按山陽公載記臺作臺。爲曹操所殺。袁宏紀誅侍中臺崇。討有鼻也。逸民傳有臺修。字孝威。鄴人。隱

武安山。

枚氏。六國有賢人枚被。通鑑注

澍按司馬貞云。蓋以銜枚爲氏也。孔叢子。魏有枚彥。又按漢宏農都尉枚乘子皋。淮南人。王莽時。越舊

太守枚根。淮南王客枚赫。

裴氏。伯益之後。後漢書注。漢有敦煌太守裴遵。姓纂

澍按非子孫鍼。封鬻縣。號鬻君。因以爲氏。六世孫陵。當周僖王世。徙封解邑。乃去邑從衣。至光武時。裴

遵自雲中徙居河東。

眞氏。漢有太尉長史眞祐。廣韻氏族略

澍按呂氏春秋。禹得皋陶化益。眞窺橫革之交。五人佐禹。是眞氏。始夏世也。漢有太醫令眞欽。董賢使

求傅氏臯者。

申徒氏。本申屠氏。隨音改爲申徒氏。申徒狄。夏賢人也。湯以天下授之。恥以不義聞也。自投於河。申徒嘉

兀者。鄭人也。見莊子。漢有西河太守申徒建。氏族略

澍按急就章。引云。申屠氏。申屠狄後也。今莊子云。申屠嘉兀者也。與鄭子產同師於伯昏無人。鄭樵引

脫嘉字。据補。又按建先爲更始繡衣御史。後爲西屏大將軍。文帝時。丞相申屠嘉。七世孫申屠剛。又申

屠蟠。字子龍。百官表。有茂陵申屠博。次孫爲京兆尹。

垣氏秦邑也。因為姓。秦始皇將有垣。漢西河太守垣恭。後漢書注

澍按今史記作桓。東觀漢紀垣副以漢中亭長降宗成。自稱輔漢將軍。氏族略引云。後漢公孫述傳。

南陽人宗成起兵。為其將垣副所殺。又一引云。西河太守略陽垣恭也。

新垣氏。魏將新垣衍。畢公高之後。漢書文帝時。新垣平善望氣也。氏族略

澍按陳留風俗傳。畢公封於新垣。後因氏焉。魏將新垣衍。後改為梁垣氏。孔叢子。魏有新垣固。

春氏。楚相黃歇。春申君之後。氏族略

澍按尚書大傳。齊宣王時有春子名衛。呂氏春秋。齊有春居。一作香居。未必係黃歇後也。在黃歇之先。

神氏。神農之後。漢有騎都尉神曜。廣韻

澍按路史注引云。漢有神曜出神農。又按黃帝臣有神皇直。與力牧等討蚩尤者。神氏宜出此。

頻氏。漢有酒泉太守頻暢。廣韻容齊隨筆

澍按氏族略引作頻陽。誤。

淳于氏。春秋時之小國也。桓公五年。不復其國。子孫以國為氏。氏族略

澍按一引末有云。其地本在密州。高密為杞所并。遷江南。又按秦有淳于越。齊有淳于髡。漢有大司農。

淳于賜。水衡都尉淳于長。太原太守淳于信。太倉令淳于意。又校曆律昏明宦者淳于陵渠。



倫氏黃帝時樂人伶倫之後。或單爲倫氏。廣韻辯證氏族

澍按伶倫氏一作冷淪。又作冷綸。淪綸集韻音鱗。疑非。

鈞氏楚大夫元鈞之後。漢有侍中鈞喜。廣韻

澍按氏族略引作御史非。

文氏。出文王。路史注周文王支庶以謚爲氏。越有大夫文種。氏族略

澍按支庶一作支孫。文種字子禽。見越絕書。左傳楚有文無畏。呂氏春秋吳王闔閭臣文之儀。墨子作

文義。陳有大夫文之錯。漢有廬江文翁名黨。

勤氏魯大夫有勤成。路史注辯證氏族略

芸氏晉有大夫芸賢。本雲姓。春秋時改芸。姓纂

澍按戰國策晉大夫有芬質。此作芸賢。氏族略又引作芬賢。未詳孰是。姑分載之。

芬氏晉大夫芬賢。見戰國策。氏族略

殷氏氏於號。唐虞夏殷是也。王應麟急就章補注

澍按廣韻云。武王克紂。子孫分散。以殷爲氏。又按國策衛有殷順。且秦有會稽太守殷通。東觀記殷肅

與班固善。一作段肅。儒林傳方房授易於東海殷嘉。嘉爲博士。又陳翁生授尙書於琅邪殷崇。百官表

中尉殷容

聞人氏少正卯魯之聞人其後氏焉漢有太尉聞人襲又太子舍人聞人通漢論石渠至中山中尉後漢書注

澍按氏族略引云少正卯魯之聞人其後遂以聞人爲氏然聞達之人皆謂之聞人何必少正卯以惡

聞也漢有太子舍人聞人通漢沛人治后氏禮通鑑注引無漢有以下二十三字又按襲字定卿通漢

字子方均沛人

園氏氏於居城郭園池是也漢四皓園公廣韻

澍按園公陳留傳作園公一云園公名庚襄邑人

軒轅氏軒轅即黃帝也姓公孫或言姬姓亦省作軒氏漢有諫議大夫軒和氏族略

澍按路史蒼林氏之後有軒氏

軒丘氏楚文王庶子食采於軒丘其後爲氏漢有梁相軒丘豹路史

澍按軒丘豹見梁孝王傳

尊氏太昊之世諸侯尊盧氏之後路史注

澍按廣韻引無太昊之世諸侯六字律曆志有侍郎尊大諸姓書將大連下典星讀誤甚

屯氏混沌氏太昊之良佐漢有屯莫如爲常山太守蕭該漢書音義急就章王應麟困學紀聞

澍按儒林傳作毛莫如少路。顏師古注毛亦作屯也。廣韻云後蜀錄有法部尙書屯度原注徒渾切與蕭該音徒本反不同。姓苑云屯氏渾沌氏之後去水爲屯。漢有太山守屯莫誤去如字。又以爲太山守非也。少路係太山人魯伯授易者。

元氏魏武侯公子元食邑於此因而遂氏焉。前漢書地理志

澍按姓纂引云元氏魏武侯公子元之邑其後以爲氏一云元氏出衛元咺之後。

孫陽氏秦穆公時孫陽伯樂善相馬漢有侍御史孫陽敖。姓源韻譜賈執英賢傳

澍按鄭樵引作秦穆公子誤矣孫陽字伯樂亦稱孫叔又曰孫明卽郵無政郵良也顏師古以伯樂與王良時代不同敖鄧元亞作放。

賁氏秦非子之後魯有賁浦賁音奔又音肥漢功臣表有賁赫告黥布反封期思侯。氏族略

澍按漢書音義引云賁氏秦非子之後漢有賁赫一引云漢有郎中賁光又按賁赫卽肥赫仲遠不宜

又作奔音讀也董憲將賁休舉蘭陵城降臧宮李賢注賁音奔

盆氏盆成括仕齊孟軻知其必死其子逃難去成爲盆氏漢有中郎將盆謚。辯證

澍按晏子春秋景公宿於路寢之宮夜分聞西方有男子哭者公悲之明日朝問於晏子對曰西郭徙居布衣之士盆成适也父之孝子兄之順弟也又嘗爲孔子門人今其母不幸而死衽棺未葬家貧身

老子孺恐力不能合。拊是以悲也。是适與景公同時學於孔子。與孟子徒別一人。

盆成氏。盆成括。仕齊。孟軻知其必死。其子逃難。改氏成焉。廣韻

根氏。魯邑名。以爲氏。根牟子。古賢者。著書。路史注

澍按辯證引云。六國根牟子。無古賢者三字。姓苑云。根牟子。周人。陸璣毛詩草木鳥獸蟲魚疏。卜商爲

詩序。授魯人曾申。申授魏人李克。克授魯人孟仲子。仲子授根牟子。根牟子授趙人荀卿。又按根牟。

姓子。魯宣公取之。左定王七年。杜注琅邪。陽都東之牟鄉城。樂史云。根牟國。卽密之安丘。

恩氏。陳大夫成仲不恩之後。廣韻

澍按恩氏。宜出伯益子恩成之後。統譜引云。陳大夫成恩之後。有脫字。

丹氏。堯使子朱。居丹淵。爲諸侯。晉有大夫丹木。愈就章廣韻

澍按晉大夫先丹木。此云丹木。誤。又按路史引云。丹朱子陵。以父封爲氏。漢長安富人丹玉。鄧名世引

作丹玉君。君一引作居。

安氏。漢有安成爲太守。廣韻氏族通鑑注

澍按姓書。皆以安出昌意之子安也。班固云。安姬姓。今壽之安豐。前漢書。武五子傳。昌邑王賀相安樂。

冠氏。古賢者。鵬冠子之後。廣韻氏族略

澗按鷓冠子楚人與馮驩善

但氏漢有巴郡太守但望字伯闔太山人姓

澗按王莽傳西域都護但欽又西域都護但護濟陰太守但巴

蠻氏荆蠻之後本姓盤急就章

澗按氏族略引云左傳楚圍蠻氏

瞞氏荆蠻之後本姓蠻其支裔隨音變改爲瞞氏廣韻

澗按辯證引云後世音訛遂爲滿氏或曰本姓盤改焉左傳衛有司徒瞞成

關氏關令尹喜之後一云夏大夫關龍逢之後漢有長水校尉關陽廣韻氏族通鑑注

澗按韓非子鄭大夫關期思漢河隄謁者關並護羌校尉關寵公孫瓚將關靖

環氏出楚環列之尹後以爲氏楚有賢者環淵著書上下篇漢河東太守環餘朱寵友人環玉都姓

澗按環淵卽蠓淵亦卽蛭淵也又按隗囂將環安公孫述將環饒吳有環濟著要略

班氏楚令尹鬬班之後廣韻

澗按秦人班壹避地樓煩生孺孺生長長生稚稚生彪彪生固後有超勇伯嗣游始見漢書

山氏古烈山氏之後晉大夫山祈爲七輿大夫漢有武都太守山昱氏族略急就章

澗按王莽封山遵奉皋陶後列仙傳山圖隴西人後漢黃門令山冰與陳蕃同坐免

千氏漢有蜀郡都尉千獻章急就

澗按氏族略引作千獻非也魏略武都氏帥有千萬

縣氏縣成父孔子門人漢有甘陵相縣芝吳中書令縣默氏族略

澗按路史康叔之後有縣氏禮記有縣瑣縣賁父

弦氏弦子之後楚滅弦弦子奔黃以國為氏左傳鄭有商人弦高辯證

澗按廣韻引云弦氏弦子之後左傳鄭有商人弦高晉有弦超又按弦高使其友奚施先告鄭自以牛

犒秦師見淮南子弦超乃魏濟北郡人與神女成公智瓊遇者此句非應氏原文孫愐誤引也宜作弦

施即弦多齊有大夫弦章字子旗韓非作弦商新序作弦寧漢有弦訢為博士見儒林傳

宣氏宋宣公之後氏於謚子孫以謚為氏路史注漢馮翊雲陽人宣秉字巨公為大司徒司直子彪為爭菟

太守辯證

澗按氏族略引云宋宣公之後也子姓後漢有司空宣酆漢年表有安南侯宣虎急就篇注引云宣氏

周宣王之後漢有宣義宣虎

爭氏爭都古諸侯國也子孫以國為氏氏族略通鑑注

澗按國名記引云。于氏。出古于都。于都。少昊時諸侯。又按列仙傳。于俗。河閒人。無景。

田氏。陳公子完。始食采於田。由是改爲田氏。史記注

澗按索隱云。據史文。敬仲奔齊。以陳田二字聲相近。遂爲田氏。正義云。敬仲既奔齊。不欲稱本故國號。故改陳字爲田氏。二說與仲瑗說異。

鮮氏。武王封箕子於朝鮮。其子食采於朝鮮。因氏焉。後漢書注

澗按鮮于血脈譜云。子佗之子曰文生。而有文在手。左曰魚。右曰羊。遂姓鮮氏。又按漢有鮮遂。著太乙保生論一卷。

鮮于氏。武王封箕子於朝鮮。其支子仲。食采於于因。以鮮于爲氏。通鑑注漢有平原郡尹鮮于褒。姓纂

澗按漢書注引云。武王封箕子於朝鮮。其子食采於朝鮮。因氏焉。又按第五倫傳。倫始以營長謁郡尹鮮于褒。褒異之。署爲吏。後又薦倫於京兆尹閻興陰。興傳有上谷鮮于哀。宜卽褒字相似而易。漢有鮮于妄人。善星曆。光武時。清河太守鮮于冀幽訟事。見水經注。

虔氏。陳留有虔氏。黃帝之後。莊子有虔天根。氏族略

澗按路史。顓頊之孫虔仁。又文王之後有虔仁氏。黃帝之子十四人中無虔姓也。當從羅泌謂出於顓頊者近是。又莊子虔天根。或引不連虔字。以天爲姓。繁陽令楊君碑陰。有故民虔進。字仲進。楊震碑陰。

有馮翊虔建侯。

騫氏閔子騫之後。後漢騫宏。廣韻注。急就驚注。

澍按氏族略引云。仲尼弟子閔子騫之後。其孫文。以王父字爲氏。閔損。字子騫。正字通引云。漢金城騫包。誤。按包爲吐谷渾視熊博士宏。漢質帝時。避地昆吾。爲金城別駕。因家焉。包乃其後。應劭漢末人。安得引之。熊。西秦錄作熊。

顓孫氏。陳公子顓孫仕魯。因氏焉。其孫顓孫師。字子張。爲孔子弟子。生申祥。娶子游之女。辯證。

澍按說苑。公孟子高。問君子之禮於顓孫。子英與曾子同時。英一作莫。

蕭氏。宋樂叔以討南宮萬。立御說之功。受封於蕭。列附庸之國。漢相國蕭何。卽其後也。廣韻。

澍按唐表。蕭氏爲微子宋公之弟仲衍。八世孫戴公生子衍。裔孫大心。平南宮長萬有功。封於蕭。以爲附庸。子孫因以爲氏。至漢丞相鄼文終侯。何二子遺則。則生彪。始徙蘭陵。又按儒林傳。五經名儒蕭望之。東海孟卿事蕭奮。以禮授后蒼。魯閭丘卿。又胡常授穀梁春秋於梁蕭秉君房。王莽時爲講學大夫。刀氏。齊大夫豎刀之後。廣韻。戰國時有刀勃。漢有刀閒。齊人以富聞。子孫居勃海。後漢有侍中刀瑩。氏族略。

澍按豎刀。寺人。安得有後。漢陽嘉四年。初聽中官養子爲後。周時安得有此。辯證引云。刀勃之後爲是。又漢戊己校尉刀護。後漢彭城人。刀隄。在朝鯁直。東海刀子都。起兵衆六七萬。更始拜爲徐州牧。一作



力子都。復古編。刁宜作刀。刀韶聲同而字異。本一姓也。

聊氏。漢有聊蒼爲侍中。著子書。號聊子。又有聊謀爲潁川太守。著萬姓譜。子孫因官爲族。廣韻辯證

澍按聊齊地。殆大夫食采。子孫以爲氏也。聊蒼嚴助傳作膠倉。趙人武帝時。

繇氏。咎繇之後。辯證漢有西部督郵繇延。姓

澍按繇延見邳惲傳。歐陽欽教稱其天性忠直。邳惲以延資性貪邪。外方內圓也。又按藝文志有繇敍

兵勢一篇。或謂卽由余。非是。

廡氏。廡秦邑也。秦始皇將軍廡公之後。漢有太守廡宣。急就漢有廡祀。魯有廡欽。辯證

澍按索隱云。廡公蓋廡邑公。史失其名。又按韓勅碑有涿郡太守魯廡次公。樂安相廡季公。又碑有廡

恢。元世魯人。

暈氏。衛大夫史暈之後。漢有御史大夫暈錯。廣韻通鑑注

澍按一云周景王子。王子朝之後。朝亦作暈。儒林傳錯受尙書於伏生。石門碑有暈漢彊。

饒氏。漢有饒斌爲漁陽太守。廣韻

澍按路史。饒嵬姓。齊大夫采邑。以爲氏。姓苑。臨川人有饒姓。漢有魯陽太守饒威。因家焉。纂文云。漢中

常侍饒喜。

徭氏東越王徭句踐之後其後以徭爲姓漢有將軍徭偉後漢書注

澍按東觀漢記作淫偉又按徭偉爲更始鎮淮陽反擊走張卬爲岑彭攻破見岑彭傳

搖氏東越王搖句踐之後廣韻

澍按漢功臣表海陽齊侯搖毋餘以越隊將從破秦以都尉擊項籍侯王子侯表有搖未央卽毋餘系

孫之子

僑氏黃帝孫僑極之後氏族略

澍按僑一作蟠又作橋少典娶有僑氏亦作有橋也賈逵云古諸侯

高陵氏秦昭王弟高陵君之後漢有諫大夫高陵顯急就章

澍按項羽本紀宋義使於齊道遇齊使者高陵君顯張晏曰顯名也高陵縣名晉灼曰高陵屬琅邪缺

秦之高陵不在琅邪也此人與齊使同姓名

高堂氏齊卿高敬仲食采於高堂因以爲氏氏族略通鑑注

澍按國名記引云高堂氏高傒采又按漢儒林傳高堂生博士禮十七篇謝承云秦氏季代有魯人高

堂伯則伯是其字生者漢已來儒者皆號生亦先生者省字呼之耳翟酺傳有尙書令高堂芝

苗氏楚大夫伯棼之後賁皇奔晉食采於苗因而氏焉廣韻通鑑注漢有長水校尉苗浦王莽時有苗訢氏族略

澍按說苑上古醫曰苗父是苗姓遠矣。苗訖王莽司中也。又按更始幽州牧苗曾。靈帝時大長秋苗祀。又有中常侍苗光苗萌。

毛氏毛伯文王之子也。見左傳。漢有毛桴之爲壽。張令。

蕭該音義

澍按穆天子傳有毛班國策趙有毛遂儒林傳魯伯授易於泰山毛莫如少路莫如至常山太守毛公。趙人治詩大毛公名萇小毛公名亨。

敖氏顓頊師大敖之後。

廣韻

澍按路史注引大敖上無師字。又云梁析亦謂顓頊大敖之後。詩云溥狩于敖是也。

皋氏皋陶之徒。左傳越大夫皋如。漢有司徒長史皋誨。

氏族略

澍按皋如吳越春秋作句如。韓詩外傳有皋魚。漢有東平尉皋丹。翟義以丹爲御史大夫。見翟義傳。揚州從事皋宏。桓榮薦爲議郎。見謝承書。

陶氏凡氏於事。巫卜陶匠是也。漢有陶舍陶青。

急就章

澍按左傳成王封唐叔殷民七族有陶氏。又周司徒陶叔晉大夫陶狐亦曰陶叔狐。漢書百官表開封侯陶青爲御史大夫。生丞相陶青。

阿氏阿衡伊尹號其後氏焉。

廣韻

澍按辯證氏族略引云伊尹為阿衡子。一作孫以官為氏又按大荒南經不死之國阿姓是阿姓遠矣。

過氏過國夏諸侯後因為氏漢有兗州刺史過栩。廣韻漢書注

澍按栩辯證引作羽正字通引作朽均誤又按風俗通栩作翔百官表有大行令過期風俗通又云光

武中興以來五曹詔書題鄉亭壁歲補正多有闕繆永建中兗州刺史過翔箋纂卷別改著版上一勞

而求逸

那氏朝那東夷也以國為氏其後單姓那氏。辯證氏族略

澍按東觀記那刪字次孫早孤以孝聞

麻氏齊大夫麻嬰之後漢有麻達注論語又有麻光為御史大夫。廣韻通鑑注路史

澍按氏族略引無末句呂氏春秋麻朝相馬酷吏傳有麻戊律麻志麻光明麻法為大司農中丞

沙氏晉有沙廣。辯證氏族略

澍按路史宋微子後有沙氏華陽國志沙壺續漢書作沙壹水經注作沙臺乃南夷姓

瑕丘氏魯桓公庶子食采於瑕丘子孫氏焉。辯證項羽紀漢有瑕丘申陽氏族略

澍按桓公一引作莊公漢書注孟康以為瑕丘人姓申名陽非也文穎云姓瑕丘洞冥記有仙人瑕丘

仲亦見列仙傳

蛇音移氏。高俟采高堂。公子雍采於移。後爲氏。齊棠公姜姓。故郭偃不娶之。路史注

澍按蛇顏師古音移。後人多讀爲余。考蛇丘本以地爲氏。宜如字讀。

蛇丘氏。蛇丘公族采。漢有蛇丘炳。路史注

澍按蛇丘炳官侍御史。又有河內太守蛇丘惑。惑一作彘。

家氏。出於周家伯爲幽王太宰。又家父爲太宰。其後氏焉。氏族略漢有家羨爲劇令。廣韻

澍按魯有子家駒。亦爲家氏。晉大夫家僕徒。韓之戰。步揚御戎。家僕徒爲右。見左傳。

牙氏。周大司徒君牙之後。以字爲氏。廣韻

澍按氏族略引云。周穆王大司徒君牙之後。以王父字爲氏。

方氏。方雷氏之後。辯證漢有方賀。氏族略

澍按莊子黃帝臣方明爲御。古今人表堯時有方回。百官表有司隸校尉東海方賞。君賓爲左馮翊。此

作賀非。又謝承書方儲母死。負土成墳。鸞鳥栖樹。

方叔氏。鼓方叔之後也。見世本。漢功臣新壽侯方叔無咎。姓

陽成氏。陽成胥渠。晉隱士也。漢有諫議大夫陽成公衡。功臣表。梧齊侯陽成延。傳封六代。王莽時。陽成修

獻符命。氏族略  
辯證

澍按陽成、一作陽城。桓譚新論：陽城子張，名衡，爲講學祭酒。蜀人卽陽成公衡也。百官表：軍正陽成延爲少府。

王史氏。周先王太史，其後號王史氏。漢有新豐令王史音。氏族略辯證

澍按先王，一引作宣王音。鄧氏引作普。又按清河太守王史篆，生音爲新豐令。藝文志：禮家有王史氏。二十一篇。注：七十子後學者。劉向別錄云：六國時人。博物志：漢西都時有醇儒王史威長。

王人氏。王人子突之後，因氏焉。漢有東平太守王人宰公。辯證氏族略

澍按：一引東平作安平。

皇氏。三皇之後，因氏焉。左傳：鄭大夫皇頡、皇辰。宋有皇氏，世爲上卿。本皇父充石之後，以字爲氏。漢有琅邪相皇運。吳有青州刺史皇象。氏族略

澍按皇氏出自子姓。宋戴公子充石，字皇父，爲宋司徒。其孫南雍缺，以王父字爲皇父氏。或去父稱皇氏。

穰氏。田穰，直諸田之族。穰，所食之邑也。因以爲氏。穰直爲齊大司馬。氏族略

澍按竹書紀年：梁將穰疵，是梁亦有穰姓也。穰疵，呂覽作襄庇。史記義縱傳：河內豪穰氏。

將具氏。齊太公子將具之後，見國語。漢藝文志：六國時將具子彰著書五篇。漢章帝時有謁者將具彌。纂姓

澍按太公子一引作齊公子見英賢傳今藝文志作將鉅子

將匠氏漢官有將匠少府因官爲氏吳中散大夫將匠彘曲陽令將匠熙氏族略

抗氏衛大夫三抗之後漢有抗喜爲漢中太守又有抗徐爲長沙太守後漢書注

澍按廣韻引作伉喜爲大中大夫謝承書曰抗徐字伯徐丹陽人少爲郡佐史有膽智策略三府表徐

有將率之任特遷長沙太守

張氏黃帝第五子揮始造弦實張網羅世掌其職後因氏焉又張王李趙皆黃帝所賜姓也見易是類謀

廣韻

澍按莊子黃帝游具茨張若前馬唐世系表以揮爲少昊青陽子則黃帝時何以有張若耶其說誤周

有張仲晉有張老張趨張幣張孟談張柳朔墨子作長柳朔智伯臣張武秦有張若張唐韓有張翠楚

有張旄燕有張魁張丑魏有張儀

襄氏楚大夫襄老之後漢有襄楷急就篇

澍按襄乃以諡爲氏者非襄老之後也左傳牢成御襄罷師又襄伊死崔杼之難又按楷字公矩平原

隰陰人善天文陰陽之術魏相傳高祖時大謁者襄章

彊氏晉有大夫彊劍漢有彊華通鑑注漢陽太守彊釋之氏族略

澍按氏族略引彊作驪而彊華又入彊字下均誤又按續漢書彊華潁川人彊音其兩反廣韻作巨良反

梁氏伯益治水封於梁路史注

澍按晉有大夫梁弘梁益耳梁由靡梁嬰父孔子弟子梁鱣

嘗氏齊孟嘗君之後廣韻

澍按史記西南夷傳秦時嘗類略通五尺道

蒼氏八凱蒼舒之後漢有江夏太守蒼英子孫遂爲江夏人氏族略

澍按一引云黃帝子蒼林高陽才子蒼舒蒼姓本於此漢有江夏太守蒼英因官居焉遂爲江夏人又

按太平寰宇記蒼野衛之賢人也

匡氏匡魯邑也句須爲之宰其後氏焉廣韻漢有匡衡通鑑注

澍按孟子有匡章韓子齊宣王時有匡倩

商丘氏衛大夫食邑於商丘因以爲氏漢有御史大夫穉侯商丘成又有商丘子胥高邑人見列仙傳韻譜

澍按成以大鴻臚擊衛太子力戰獲反將張光封稭侯征和閒坐爲詹事侍祠孝文廟醉歌堂下曰出

居安能鬱鬱大不敬自殺又按列子范氏之藏火子華曰能入火取錦者從所多少皆予之商丘開入



火往返而身不燒。

羊氏漢有幽州刺史芳乘廣韻

澍按氏族略作芳垂敷辯證作芳華敷又漢有芳丹據新豐見馮異傳。

堂氏堂楚邑也大夫五尙爲之其後氏焉廣韻

澍按堂與棠通左傳之棠君尙卽五尙也韓詩外傳堂衣若叩孔子之門。

唐谿氏吳夫槩王奔楚封唐谿因以爲氏漢有唐谿典爲五官中郎將後漢書注

澍按唐谿卽堂谿亦卽棠谿也先賢狀典字子度太室西闕銘典字伯并延篤傳注云字季度又按儒

林傳唐谿惠授公羊春秋於冥都。

昌氏出黃帝子昌意之後氏族略

澍按黃帝臣昌騫乘見莊子或云昌寓字廣成殷時女子昌容見列仙傳周昌佗見戰國策漢東海

相昌豸見後漢書昌霸見魏志。

橫氏韓王子成號橫陽君其後爲氏廣韻氏族略

澍按氏族略引作韓公子咸誤後字作子孫索隱曰橫陽邑名在韓韓公子成初封橫陽君張良立爲

韓王也又按荀子橫革佐禹是橫姓不始橫陽君也羅泌云劉後有橫氏。

京氏鄭武公子段封於京。號京城太叔。其後氏焉。漢有京房。受易本姓李。歛律自定爲京氏。急就

澍按廣韻引無受易以下十二字。又按儒林傳之京房。梁丘賀從之受易者。非定考課法之京房也。

乘氏。楚大夫公子乘之後。以王父字爲氏。又乘睢。古賢人。見世本。漢有煮棗侯乘昌。乘平聲。或音臙。又有

乘引。治易爲博士。氏族略

澍按乘引。一作桑引。又北海相景君碑陰。有書佐乘禹。字伯度。劇人。乘平聲。或音臙。六字。疑非仲瑗原

文。

卿氏。趙相虞卿之後。廣韻或云。楚項梁將卿子冠軍之後。戰國策。有卿秦爲魏將軍。證

澍按史記。燕王喜使卿秦伐趙。則秦乃燕將也。氏族略引云。或云。項羽將卿子冠軍。宋義之後也。其說

誤。卿秦尙在前。又按孔宙碑。有館陶卿瑱。字仲雅。

甥氏。晉大夫呂甥之後。廣韻

澍按陰飴甥。姓瑕呂。名飴甥。亦曰呂甥。

衡氏。衡阿衡也。伊尹官也。見詩傳。漢有衡咸。爲講學祭酒。音義

澍按咸。齊人。字長賓。爲王莽講學大夫。五鹿充宗授易者。趙氏金石錄。載浚儀令衡立碑。亦云。出自伊

尹。

衡氏伊尹爲湯阿衡子孫以官爲氏。一云魯公子衡之後子孫以王父字爲氏。漢有衛尉卿衡方。急就篇氏族略

澍按廣韻引云阿衡伊尹之後鄧氏引云魯公子公衡之後以王父字爲氏。又按以官爲氏氏族略引

云以衡爲氏。又云漢有衡威衡驃卿誤。今改正。方字興祖平陸人。位至步兵校尉。見漢碑。儒林傳。莒衡

胡受田何易於淄川楊何叔元。漢又有浚儀令衡立字元節。

衡伯氏伊尹之後。路史注

荆氏漢有九江太守荆修。容齋隨筆

澍按荆芊姓子爵季連封國荆楚一也。春秋初書荆。僖公後始書楚。國策魏有荆伯柳。漢書公孫述騎

都尉荆邯。

行氏周有大行人之官。因氏。漢有行祐爲趙相。後漢書注

澍按後漢書任城孝王國相行弘。隗囂將行巡。

弘氏衛大夫弘演之後。漢五鹿充宗受學於弘成子。成子少吞五色石。大如燕卵。遂大明悟。爲天下通儒。

辯證衛大夫弘演之後。漢有宦者弘恭爲中書令。氏族略

澍按弘演鄧名世作弘延誤。今改正。

恒氏楚大夫恒思公之後。見世本。漢有東安長恒裴。子孫因居之。氏族略

榮氏周成王卿士榮伯之後也。後漢有京兆尹榮郤。廣韻急就篇

澍按廣韻急就篇皆引作營伯。考周有榮伯無營伯也。今改正。又按應劭漢官儀云以執金吾榮郤為

左僕射。獻帝記司隸榮郤即其人。郤郤邵三字必有一誤。

嬰氏晉大夫季嬰之後。廣韻晉大夫趙嬰齊之後氏焉。辯證

城氏氏於居者城郭園池是也。廣韻戰國策城渾南游於楚。辯證

澍按城渾周人說楚新城令者。

勝屠氏即申徒氏也。史記漢有河東太守勝屠公。姓

澍按漢繁陽令楊君碑陰有故吏勝屠□季嚴勝屠曜子節。

丁若氏齊丁公子懿伯食采於丁因氏焉。辯證漢有遂與令丁若謀字堅固。韻

澍按丁若謀姓纂作丁若賢字宏固氏族略引作晉遂令丁若堅高密人疑誤。

青陽氏青陽黃帝子國語曰青陽為己姓黃帝娶方雷氏女生青陽少昊氏也後世以為氏漢有東海太

守青陽悖又有東海王國中尉青陽。精辯

澍按氏族略引云青陽氏黃帝子也始得姓焉見國語云云悖一引作倍。

青烏氏漢有青烏子善術數。廣韻

澗按風俗通引青烏氏書說雞者東方之牲也。

青牛氏廣韻

澗按鄧名世引方技傳之封君達號青牛道士者誤宜引老子之騎青牛其事在先也又按魏略初平中山東有青牛先生者字正方客三輔曉知星麻風角鳥情常食莞華青箱年似五六十者人或親識之謂其已百餘歲矣屢累年四十餘隨正方游學得其術又隨正方南入漢中漢中壤正方入蜀

靈氏齊靈公之後或云宋公子靈圍龜之後晉有餓者靈輒廣韻

澗按聖賢羣輔錄舜友靈甫漢功臣表有陽羨定侯靈常神仙傳靈壽光扶風人

洽氏黃帝臣典樂洽倫之後左傳秦大夫洽莖周有洽州鳩漢功臣下相侯洽耳元帝功臣駟望侯洽廣洽氏族略

澗按洽倫一作洽綸或作洽繇又按耳以客從入漢擊破齊田解軍堅守彭城扼布侯廣以溼沃公士

告男子馬政謀反侯儒林傳顏安樂授公芊於淮陽洽豐次君豐淄川太守方術傳洽壽光行容成御

婦人法水經注作靈壽光

伶氏周有大夫伶州鳩漢有護羌校尉伶徵後漢書注

澗按徵爲邊章韓遂等攻殺徵一作徹又按呂氏春秋周武君使人刺伶悝於東周伶悝僞令其子速

哭曰誰刺我父也。

冥氏夏禹後因國爲氏。漢有冥都爲丞相史。廣韻漢書音義漢書注

澍按蕭該音義引云冥侯國。妣姓禹後見史記。漢有冥都爲丞相史。又按冥都堂谿惠弟子泰山人治

公羊春秋見儒林傳。

瓶氏漢有太子少傅瓶守。廣韻後漢北海瓶巽字子然孔融以其賢配社祭之證

澍按孔融傳作甄子然。近人引後趙錄北海瓶子然誤甚。又按第五種傳種門下掾孫斌謂其友人同

縣閭子直及高密甄子然云云。是子然高密人。卽孔融配社之人也。亦不作瓶。

猷氏衛有猷康。氏族略

澍按一引云漢有猷康隴西人。

由氏秦相由余之後。又楚大夫王孫由子有忠勇之節。楚人亦謂其族爲由氏。漢有由章至長沙太傅。急就

篤氏族略

澍按漢書儒林傳作申章昌爲複姓。氏族略引作長沙太守由彰誤。

牟氏牟子國祝融之後。因氏焉。漢有太尉牟融。廣韻通鑑注氏族

澍按史記田敬仲世家齊大夫牟辛牟融字子億北海安丘人。周堪授尙書於牟卿爲博士。牟長受歐

陽歛尙書爲河內太守。俱見儒林傳。

牛氏。漢有牛崇爲隴西主簿。馬文淵爲太守。羊喜爲功曹。涼部云三牲備具。廣韻

澍按宰相世系表。牛氏本自殷商。封微子於宋。其裔司寇牛父。敗敵長丘。死之子孫以王父字爲氏。漢有牛邯爲護羌校尉。因居隴西。後徙安定。再徙鶉觚。安定牛氏出自漢隴西主簿崇之後。百官表。齊相牛抵爲御史大夫。

蠻氏。晉大夫部蠻之後。呂氏春秋云。陳有惡人曰敦洽。蠻麀狄頽。廣頽顏色如漆。陳侯悅之。廣韻

周生氏。姓也。漢有豫章太守周生豐。後漢書注

澍按魏志。有敦煌。徵士周生烈。晉中經簿。周生烈。字文逸。本姓唐。養於外家。遂以周生爲氏。馮衍傳。令狐略爲司空長史。讒衍於尙書周生豐。注引豫章舊志云。豐字偉防。太山南武陽人也。建武七年爲豫章太守。清約儉惠。

州氏。晉有州綽。州賓。其先食采於州。因以爲氏。又淳于氏。謂之州公。其後亦爲州氏。姜姓。春秋時小國也。衛有公子州吁。漢有州輔。氏族略

澍按公子州吁。名也。以爲姓。州名吁誤。博古圖亦同此謬。穀梁作祝吁。又豈姓祝乎。州輔。中常侍長樂太僕封吉成侯。饜縣人。姓書以爲閩中人者誤。卽水經注所謂州苞也。

疇氏。擊疇。古之諸侯。後有擊氏。疇氏。路史國名記

樹按氏族略引云。疇氏。擊疇之後。或作儻。急就章云。越有疇無餘。

丘明氏。魯左丘明之後。又云。齊太公封於營丘。支孫以地為氏。世居扶風。漢末丘俊持節江淮。屬王莽篡位。遂留江左。居吳興也。廣韻通鑑注。隨紀。

樹按丘光庭兼明書引廣韻云。丘氏。魯左丘明之後也。明曰。丘明。出自齊太公之後。不因丘明得姓。漢藝文志。左丘明。姓左。名丘明。豈其子孫以父祖之名為姓乎。且昭二十三年。左氏有邾大夫丘弱。則左氏為傳時。已有丘氏。非丘明之後也。審矣。

婁氏。邾婁之國。子孫或以婁為氏。或以邾婁為氏。陸終產六子。其第五子曰安。賜姓為曹。邾即安之後。安之裔曰邾挾。周初受封為附庸。挾之後。不得其名字。十二世至儀父。始通於大國。魯隱公之元年。與隱公盟于姑蔑。其後為楚所滅。齊大夫婁禮其後也。氏族略。

樹按今左傳作偃。鄭夾。濼引誤。史記漢高祖時有婁敬。齊人為戍卒。說高祖西都關中。

謀氏。周卿士祭公謀父之後。廣韻。以字為氏。氏族略。

鮒氏。漢有人姓鮒。名生。急就章。

樹按史記注引楚漢春秋鮒生。本姓解。



侯史氏董狐爲晉侯史官因氏焉。氏族漢有侯史吳。姓

澍按一引云漢有御史大夫桑弘羊吏侯史吳。

侯叟氏。驪叔安之後。有侯叟氏。路史注

投氏。郇伯周畿內侯桓王伐鄭投先驅以策其後氏焉。漢有光祿卿投調。元和姓纂

澍按呂氏春秋有相馬投伐褐相馬胸脅。

投壺氏。晉中行穆子相投壺因以氏焉。廣韻

澍按姓苑云投壺氏東筦人。

鍼氏。衛有大夫鍼莊子。廣韻

澍按鍼卽箴字左傳杜注鍼其廉反。

箴氏。衛大夫箴莊子之後。姓纂

澍按一引云衛有大夫箴莊子。

林氏。林放之後。廣韻

澍按逸周書史記解有林氏路史云比干死其子堅避難長林山爲林氏應說誤姓譜云平王世子林開之後又按莊子林回奔千金之璧列子林類年且百歲拾遺穗于故畦並歌而進孔子適衛望見使

子路訊之。儒林傳。濟南林尊。字長賓。事歐陽高為博士。論石渠至太子太傅。高祖功臣林摯。斬章邯所置蜀守。

樹灌氏。夏諸侯也。子孫氏焉。氏族略

樹桀。桀臣有樹觀。又桀樹灌氏祝融之裔。世本云。妘姓。

陰氏。陰康氏之後。周有陰不佞。辯證氏族略

樹按史記龜策傳。紂囚文王石室。陰兢救之。

陰氏。管修自齊適楚為陰大夫。其後氏焉。廣韻注。陰。采地。大夫陰忌。陰不佞。陰里。其後氏焉。急就章。

樹按管修夷吾七代孫。在陰忌等之後。又文王時有陰兢。則謂出陰康氏者。是。漢有陰識。字次伯。陰興。

字君陵。皆光武后戚。宣帝時陰子方之後也。

岑氏。古岑子國之後。出姬姓。周文王異母弟耀子渠。武王封為岑子。漢有岑彭。廣韻急就篇

樹按彭字君然。棘陽人。官征南大將軍。

澹臺氏。澹臺滅明。字子羽。武城人。漢有博士澹臺恭。氏族略

樹按漢書儒林傳。恭字伯敬。會稽人。又按陳留風俗傳曰。陳留縣裴氏鄉有澹臺子羽家。又有子羽祠。

民祈禱焉。京相璠曰。今泰山武城縣有澹臺子羽家。縣人也。未知孰是。寰宇記曰。澹臺墓在吳縣南十

八里平城。又有澹臺湖。宜從京相璠說。

堪氏。八元仲堪之後。廣韻

三閭氏。三閭大夫屈原之後。急就篇

澗按離騷序曰。三閭之職。掌王族三姓。曰昭。屈。景。序其譜屬。率其賢良。以厲國士。

三烏氏。凡氏於職。三烏。五鹿。是也。漢有沛上計三烏羣。古三烏大夫之後。急就篇

澗按氏族略引云。三烏羣爲上郡計。

三飯氏。三飯棄之後。有三飯氏。急就篇

三州氏。三州孝子之後。有三州氏。急就篇。孝子傳有三州昏。姓

奄氏。奄國號。卽商奄也。魯地。衛祝佗曰。因商奄之民。以命伯禽。今兗州有奄城。尙書。成王既踐奄。左傳。秦

大夫奄息其後也。氏族略

澗按奄息。子車氏也。應說非。辯證引云。周成王既伐奄。其子孫以國爲氏。

兼氏。衛公子兼之後。氏族略

聘氏。周文王弟十子聘季載之後。氏族略

澗按鄭夾漈云。世系譜。聘季載。文王第十七子。周有聘啟。

邯鄲氏以國爲姓。漢有邯鄲淳。急就漢有衛尉邯鄲義。姓

澍按趙旃子勝是爲須子食采邯鄲。故曰邯鄲勝。後有邯鄲午。廣韻引云邯鄲氏因國爲姓也。漢有衛

尉邯鄲義。又按梁冀傳作廷尉袁敞傳。梁冀擅朝內外阿附。惟袁盱與廷尉邯鄲義正身自守。卽此人

也。漢有涼州刺史邯鄲商爲張猛殺。

南鄉氏。晉國高士全隱於南鄉。因以爲氏。急就漢羽林左監南鄉槐。姓

監氏。衛康叔爲連屬之監。其後以爲氏。漢有監居翁。證

澍按呂氏春秋秦大夫監突。韓子宋之富賈監止。史記田齊世家監止爲齊簡公相。注監一作闕。闕止

字子我。又按南粵傳注監桂林監也。居姓翁名應氏以監爲姓。誤。史記秦使監祿鑿渠運糧。韋昭云監

御史名姓也。

# 風俗通姓氏篇

姓氏篇下

奉氏。漢有光祿奉册上戴就爲主事。後漢書注

委氏。周有委人掌斂甸稍芻薪之賦。以共委積。後以世官爲氏。漢有太原太守委進。辯證

澍按廣韻引末一句。

樗里氏。琴九引有樗里牧恭。急就篇

澍按樗里氏當爲樗里厥之後。以地爲氏。地在渭南之陰鄉。一作褚里厥。

李氏。李伯陽之後。廣韻

澍按李氏出自皋陶。世爲大理。後避難改李氏。李與理通。他書言指樹爲姓者妄。

俟氏。有俟子。古賢人著書。廣韻

澍按氏族略引云。俟子著書。六國時人。漢藝文志有俟子一篇。李奇注。或作倅子。

幾氏。宋大夫仲幾之後。以王父字爲氏。氏族略

澍按仲幾字子然。此以名爲氏者。仲幾公子目夷之孫。

處氏。史記趙有辯士處子著書。故有處姓也。後漢書注漢有北海太守處興。廣韻

澗按路史伯益之後有處氏。盧抱經本太守引作北海相誤。李章傳安丘大姓夏長思反。囚太守處興。

據營陵城。章發兵誅之。興歸郡。以狀上。卽是人也。

所氏。宋大夫華所事之後。漢有所忠爲諫議大夫。史記正義後漢書注後漢平原所輔。氏族略困學紀聞

澗按氏族略引作所事。脫華字。又按穀梁隱九年。俠卒。俠者。所俠也。是華所事之先。魯已有所氏。顏師

古急就章注。所所。斫木聲也。古有虞衡之官。因主伐木。遂以爲姓。據此。非以王父字爲氏也。其說非。徐

文靖管城碩記。引後漢劉茂傳注。所輔爲所忠之子。而以爲字誤。今本劉茂傳。章懷注云。所。姓也。風俗

通曰。宋大夫華所事之後也。漢有所忠爲諫議大夫。並無所輔爲所忠之子語。食貨志。所忠言世家子

弟富人。或鬥雞。走狗馬。弋獵博戲。亂齊民。又見司馬相如傳。所輔見獨行傳。以身代縣令。劉雄死。太守

以狀上。除父奉爲郎中也。

禹氏。禹之支庶以爲氏。路史注

澗按廣韻。邠子之後。以國爲姓。去邑從禹。漢孔宙碑陰。有故吏泰山南城禹規。字世舉。

甫氏。出自炎帝裔孫伯夷爲堯太嶽。封其後爲甫侯。子孫以國爲氏。廣韻辯證

澗按甫與呂通。尙書呂刑。稱甫刑。呂侯亦稱甫侯也。急就篇引云。甫氏。甫侯之後。周有甫瑕。

府氏漢有司徒掾府悝廣韻氏族略

澍按府氏出自周官內府外府世其官者以爲氏

子獻氏齊大夫子獻之後也楚文王之時子獻遂爲大夫氏族略

澍按辯證引云陳桓公孫子獻之後

子師氏出自鄭大夫子師僕之後漢有北平太守子師將石辯證

澍按氏族略引脫石字又一引作子師磐

子弓氏子夏門人有子弓釋文

澍按史記商瞿傳易于楚人馯臂子引正義云一作子弓王弼論語注朱張字子弓荀卿以比孔子荀

子子弓短楊倞注子弓蓋仲弓也

武氏宋武公之後氏於謚漢有武臣廣韻

澍按路史引云隱公時有武氏子又按武臣是秦末人漢高祖時有武虎封梁鄒侯漢敦煌長史武班

碑云昔殷王武丁克伐鬼方元功章炳勳藏王府官族分析因以爲氏與應說不同夏臣有武羅仲遠

以爲宋武公之後者非矣

武強氏漢武強侯王梁其後因射爲氏廣韻

澍按路史云周頃王之孫武強滿為武強氏。又按武強城在陽武縣。漢高帝六年封騎將莊不識武強侯。先子王梁矣。應說誤。

武成氏平原君趙勝封武成君。因氏武成焉。路史注漢有武成黑。氏族略

澍按定公元年蔡侯吳子唐侯伐楚。武城黑謂子常曰。吳用木。我用革。不可久也。不如速戰。注黑。楚武城大夫。應氏以為漢人誤。武城作武成。亦訛。

五鹿氏五鹿衛邑也。晉公子重耳封舅犯於五鹿。支孫氏焉。漢有少府五鹿充宗。氏族略注

澍按衛邑當作晉邑。疑傳寫訛。廣韻引云五鹿氏氏於職焉。三烏五鹿是。又按儒林傳充宗字君孟。受

易於梁丘臨。充宗授于平陵士孫張仲方。張為博士。至揚州牧光祿大夫給事中。

魯氏凡氏於國。齊魯宋衛是也。戰國有魯仲連。魯句踐。漢有魯賜。魯翁孺。魯恭。急就篇補注

澍按公羊傳有魯子莊子。有魯遽。

鬼谷氏鬼谷先生。六國時縱橫家。通鑑注

澍按程子鬼谷子姓劉名務滋。鬼谷其所居。非姓。鬼谷一作歸谷。

古氏古公賈父之後。因氏焉。言古公者。猶言先公也。晉平公時有舟人古乘。漢有孝子古初。蜀有廣漢功

曹古牧。氏族略漢有東平憲王從官古霸。急就篇



澍按後漢書注引云古姓周有古公亶父其後氏焉又按一引云太王去豳適岐稱古公其後氏焉古乘一作固乘又作固桑古初長沙人光武時遭父喪未葬隣家失火初匍匐樞上以身捍火火爲之滅

太守鄧惲甄異之以爲首舉見鄧惲傳古牧廣漢人見蜀志

古成氏苦成子之後後隨晉改焉漢有廣漢都尉古成雲氏族略

五王氏齊自威宣潛襄至王建五王建虜於秦因以爲氏氏族略

旅氏周大夫子旅之後漢高功臣昌平侯旅卿傳封六代氏族略

澍按路史云呂侯之後有旅氏又按功臣表昌平作昌圍疑應氏誤又有共嚴侯旅罷師漢高帝八年

封近人戴震校水經注以旅罷師改爲盧非也

虎氏漢有合浦太守虎旗其先八元伯虎之後氏族略

澍按急就篇引云漢有虎義虎乘

扈氏有扈氏之後趙有扈輒漢有扈雲爲千人官廣韻急就篇

澍按周書異記周太史扈多張耳時有扈輒彭越將亦有扈輒漢有上郡太守扈育廣漢太守扈商

邱氏漢有上郡太守邱柱廣韻

澍按集韻亦引作邱柱氏族略引作邱社宜作邱柱爲是

豎氏豎闔寺之官賤者為之齊有豎刀後以為氏辯證

澍按禹臣有豎亥見山海經鄭大夫豎附見左傳豎姓出此豎刀奄人何得有後

采氏漢有度遼將軍采皓廣韻

澍按采紀姓黃帝子夷鼓始封於采為左人有采氏王符以采為任姓

宰氏周卿士宰孔之後有宰周公閱亦周太宰以官為氏也孔子弟子宰予字子我姓纂

隱氏漢有隱翁云隱公後念就篇

澍按吳人隱游能作木鳶魏安釐王時人見異苑又河閒中尉隱哀哀一作襄見漢書吳廷尉左監隱

蕃青州人見吳志

滿氏荆蠻有瞞氏音舛變為滿氏廣韻一云胡公滿之後辯證漢有滿昌氏族略

澍按漢儒林傳滿昌潁川人字君都傳尚書為詹事一作蒲昌又作滿意又漢有茂陵滿黔子橋為左

馮翊見公卿表賈捐之傳薦謁者滿宣立為冀州刺史

蹇氏漢有蹇蘭為交阯刺史後漢小黃門蹇石氏族略

澍按蹇宜為太昊臣蹇修之後或秦大夫蹇叔後蹇石宜作蹇碩為上軍校尉也晉巴蜀流人亦有蹇

碩見杜弢傳

筦氏。周筦蘇。楚大夫。見呂氏春秋。漢有筦路爲御史中丞。音該

澍按。筦蘇。呂氏春秋作芻諱。儒林傳。疏廣授公羊于琅邪。筦路。一作莞路。

管氏。管夷吾。齊桓佐也。見論語。漢有管號爲西河太守。音該

澍按。漢有管少卿爲燕令。管霸爲中常侍。徵君。管寧。字幼安。

典氏。漢有校尉典章。多力者。生滿。氏族

澍按。姓纂。黃帝父少典。襲封者有典氏。典章。陳留人。爲曹操都尉。

衍氏。宋徵仲。衍之後。氏族

澍按。論衡。有零陵太守沈鄂。門下掾衍盛。

廣氏。廣成子之後。氏族

澍按。廣。出自廣武君之後。漢有廣浩。百官表。中尉廣意。又按。謝承後漢書。廣。漢儒。字叔林。爲東郡太守。

烏巢于廳事屋梁。兔產于牀下。

顯氏。有顯甫爲周卿。見詩韓奕。廣韻

勉氏。漢有勉昂。勉就

澍按。勉昂爲上郡太守。路史。勉氏。康叔後。

搃龍氏。陶唐氏之後。有劉累學搃龍事。夏孔甲賜搃龍氏。劉累之後也。漢有侍御史搃龍羣。氏族略。困學紀聞。

澍按王粲英雄記羣作宗也。搃或作御。

吳氏。吳英氏之後。一云少昊之後。氏族略。路史注。

澍按羅泌云。氏姓重出。亦多有之。如賀氏。楚出。而慶亦爲賀。來本邾後。而來織亦爲來。孔氏。宋後。而孔達出于衛。孔張出于鄭。陳又有孔寧。齊有孔虺。孫氏。晉出。而一出于商。一出于衛。漢荀卿亦曰。孫。楚。宋皆有司馬。楚衛皆著子南。周楚之王孫既異于衛。秦宋之王臣復別于楚。諸國之分侯姓。三代之殊。王氏不可勝數矣。

矯氏。晉大夫矯父之後也。前漢右將軍矯望。後漢有矯慎。後漢書注。

澍按矯望。矯慎字。亦作矯。見百官表逸民傳。

老氏。顓帝子老童之後也。左傳。宋有老佐。論語。老彭。卽彭祖也。或云老氏。老聃。老萊子之後。並無聞焉。以其老也。故以老稱之。遂爲氏。氏族略。

浩氏。漢有青州刺史浩賞。急就篇注。

澍按前漢五行志。建昭五年。兗州刺史浩賞。禁民私所自立社。百官表。賞爲大鴻臚。徙左馮翊。翟方進傳。有北地浩商。爲義渠長。所捕亡。魏書。王凌傳。注。有浩詳。知星。東平人。

浩羊氏。齊大夫浩羊氏。名嘉。辯證。氏族略。

倭氏。漢有倭疆。周大夫原伯倭之後。後漢書注。

澍按原伯倭。左傳作絞。倭疆。山陽人。更始拜爲橫行將軍。見劉永傳。

圈氏。楚鬻熊之後有圈氏。廣川書跋。圈。援也。從國卷聲。今市語韋氏爲圈家。急就篇。

漢有圈稱。纂陳留風俗傳。又

有圈宣明。郭林宗傳。有陳留人圈文生。氏族略。容東觀餘論。黃長。

澍按圈稱。陳留風俗傳自序云。圈公之後。圈公爲秦博士。避地南山。漢祖聘之不就。惠太子卽位。以圈

公爲司徒。一引風俗傳云。秦博士周庚。以常居圈。故謂圈公。路史引風俗傳。圈氏。本出其國南陽葉縣。

南有卷城。陳留志。圈公名庚。字宣明。襄邑人。始居園中。因號園公。或曰。姓圈。名秉。又按蔡邕集。有圈典。

魏志注。圈文生以貨穢見捐。郭林宗所謂文生多情也。

我氏。六國時有我子著書。爲墨子之學。姓纂。

澍按藝文志。有我子一篇。

社南氏。其先齊倡。徙居社南。因以爲氏。廣韻。

社北氏。齊倡有居社北者。亦以爲氏。漢高煬一作娶扶風社北氏女。辯證。

蔣氏。周公之亂也。廣韻。

澍按周公第三子伯齡封蔣子孫氏焉漢有蔣詡杜陵人字元卿靖氏單靖公之後以謚為氏一云齊田氏之族靖郭君之後廣韻氏族略

澍按周公子靖淵封邢為侯其子孫以王父字為氏也

有氏有巢氏之後仲尼弟子有若魯人漢有有祿氏族漢光祿勳有光急就

澍按有祿官尚書令王符潛夫論云有歸姓

糗氏漢有糗宗為嬴長廣韻氏族略

壽氏吳王壽夢之後有壽越壽於姚吳大夫漢末兗州牧壽良後漢書注氏族略

澍按秦有客卿壽燭魏有壽餘華陽國志壽良字叔和成都人良弟緝字文平官涪陵太守

耦氏宋卿華耦之後漢有侍中耦嘉廣韻氏族略

澍按左傳注華耦華督曾孫也

后氏共工氏之子句龍為后土自三代以來祀為社神子孫以後為氏漢有少府后蒼氏族略

澍按孔子弟子后處齊人又越大夫后庸左傳作舌庸國策齊相后勝儒林傳后蒼字君東海邳人事

夏侯始昌蒼亦通詩禮為博士至少府

沈氏周文王第十子聃季食采於沈即汝南平輿沈亭是也子孫以國為氏證

澍按魯有沈猶行。齊有沈同。

仲氏凡氏於字。伯仲叔季是也。湯左相有仲虺。廣韻漢有廷尉仲定。金石錄

澍按仲虺列子作仲虺。呂氏春秋作仲嚳。或謂萊朱卽仲虺也。又按廷尉仲定碑略云君諱定。聖漢龍興家于成陽。父張掖廣漢太守。以父勳拜琅邪太守。南陽陰府君察孝不行。南郡胡公除濟陰。復舉孝廉。拜尙書左丞。除郎中。遷彭城呂長。徵試博士。太傅下邳趙公舉君高行。遷豫州刺史。將軍從事。符節令。豫章太守。徵議郎。拜大尙書。遜位。復徵拜將軍長史。遷城門校尉。執金吾。拜大中大夫。遷廷尉卿。託病乞歸。云云。趙明誠云。定漢史無傳。惟風俗通元和姓纂具戴姓名官爵。今據補。

仲鳥氏漢有仲鳥羸。容齋隨筆

用氏古用國。見毛詩。在高堂乃用地。故有用姓。漢有用虯爲高唐令。路史國名記。容齋隨筆。急就篇。氏族略。

雍氏文王之子雍伯之後。廣韻

澍按世本黃帝臣雍父。作杵曰。先於雍伯矣。氏族略引云。文王第十三子雍伯之後。又按賈逵云。雍氏黃帝之孫。姑姓之後。爲宋大夫。其說是。

遂氏舜後箕伯直柄伯戲中衰。商封之於遂爲遂氏。漢有雲中太守遂成。路史注。漢有丞相司直琅邪遂義。

子貢爲左馮翊。辯證

備氏。宋封人備之後。廣韻

利氏。漢有利乾為中山相。廣韻

澍按利乾之前有利幾為項羽將。又按姓纂。楚公子食采于利。因以為氏。路史。老子之後有利氏。

肆氏。宋大夫肆成之後。漢有漢陽太守肆敏。姓纂

澍按廣韻。姓苑。作漁陽太守成。一引作臣。又按東觀記。馬嚴從其故門生肆都。學擊劍騎射。又云肆仁。

與劉珍等同著作東觀。

嗣氏。衛嗣君之後。廣韻漢有嗣居仁。姓纂

澍按鄧名世曰。嗣氏。本亂氏。因國諱改。宋避亂。字原有嗣氏也。

忌氏。周公忌父之後。廣韻以王父字為氏。氏族略

被氏。漢有太中大夫被通。牒柯太守被條。辯證

澍按宜為舜師被衣之後。呂氏春秋。鄭大夫被瞻。被條。一作枚條也。

義渠氏。義渠狄國為秦所滅。後因氏焉。漢有光祿大夫義渠安國。宣帝使行覘諸羌。辯證

澍按氏族略引。無宣帝以下七字。

懿氏。本齊懿公之後。氏族略



澍按懿公桓公子桓公時已有懿氏應說非羅泌引云懿氏出齊懿公妾

摯氏摯疇古諸侯國也見毛詩周有摯荒或言帝嚳子摯之後漢貨殖有茂陵摯綱氏族略

澍按路史引云古之諸侯後有摯疇氏摯氏疇氏高士傳有摯峻字伯陵與司馬遷善摯恂字季直馬

融從之受業

貴氏出自陸終之後漢有貴遷為廬江太守廣韻容齋隨筆

澍按漢永興宛令李孟初神祠碑有琅邪開陽貴咸又漢有司空中郎將貴霸氏族略作晉人誤

既氏吳王夫槩之後因避仇改為既氏漢有長安令既良氏族略

澍按當作吳王弟夫槩之後諸書引均脫弟字長一作南令一作長良一作諒又按湯七佐有既子黯

不始夫槩矣

御氏漢有御氏為司空長史名長卿史記索隱

澍按左傳注御叔御邑大夫是御姓以邑為氏也又按秦有御庶子爵或以爵為氏如公乘姓也

御龍氏陶唐之後有劉累學攝龍事夏孔甲賜氏曰御龍氏氏族略

遇氏漢有遇沖為河內太守廣韻容齋隨筆

澍按氏族略引云東安太守正字通引云遇沖東莞人均誤

露氏。漢有上黨都尉露平。廣韻。氏族略。

澍按司馬貞三皇紀。露氏姜姓。又露瑒父。晉大夫。見國語。潛夫論。陸渾之戎六姓。五曰露。羅泌云。露參盧之封。茶陵露水鄉。有露水山。字亦作潞。蓋商周閒衍于河東北。余姓纂云。黃帝封榆罔支子于路。又按鮑永傳。永初爲郡功曹。王莽以宣不附己。欲滅其子孫。都尉露平承望風旨。規欲害永。太守苟諫擁護。召以爲吏。今本露作路。誤矣。

鑄氏。鑄國。堯後。左傳。臧宣叔娶於鑄氏。姓纂。

澍按公子譜云。鑄姬姓。路史。周有鑄仁達。姓苑。堯後以國爲氏也。

庫氏。古守庫大夫之後。以官爲氏。後漢有輔義侯庫鈞。廣韻。

澍按王伯厚姓氏急就篇。引云。古守庫大夫後。以官爲氏。王嘉曰。孝文時居官者。長子孫以官爲氏。倉氏。庫氏。倉庫吏之後也。後漢金城太守庫鈞。庫鈞一作庫鈞。又按善文云。鈞字巨公。竇融傳。鈞爲金城太守。前書音義曰。庫卽倉庫吏後也。今羌中有姓庫。音舍。云承鈞之後。

庫成氏。本苦成氏。方言音變爲庫成。氏族略。

布氏。戰國時趙有布子善相馬。氏族略。

澍按馬防傳。羌豪布橋等圍南部都尉于臨洮。是西羌亦有布姓也。

具氏。晉大夫具丙之後。漢有中山太守具褒。姓纂氏族略。

步氏。漢有下邳主簿步邵南。廣韻。

志。澍按左傳。晉步揚食采于步。後因氏。孔子弟子步叔乘。漢有汝南步游張爲令。遇母于取慮。見十三州

厲氏。春秋厲國。在義陽隨縣北之厲鄉。楚與國也。其後以國爲氏。漢有義陽侯厲溫敦。辯證。

澍按匈奴傳。烏厲溫敦與烏厲屈同降漢。急就篇氏族略引云。厲氏齊厲公之後。漢有魏郡太守義陽侯厲溫。見功臣表。誤脫敦字。又按郡國志。厲山神農所生。左傳。僖十五年齊伐厲。是以邑爲氏也。以爲齊厲公之後者尤謬。

賴氏。春秋時有賴國。其後以國爲氏。漢有交阯太守賴先。辯證氏族略通鑑注。

澍按先一作光。交阯太守宜是賴光蜀。漢有太常賴恭子宏官令史。又按賴通厲。然賴與厲異。

會氏。陸終第六子會人之後。辯證漢有武陽令會相。廣韻。

澍按急就章。相作榘。氏族略引云。會氏陸終之子。帝乙之後。邳姓。有武陽令會炳。又按晏子春秋。景公臣會譴。

世氏。戰國時有秦大夫世鈞。廣韻。漢有九江都尉世寵。姓纂。又世碩著子書。氏族略。

澍按世出自衛世叔之後也。世鈞一作泄鈞。鈞又作均。世碩著養性篇。見論衡藝文志。陳人世碩著世子二十一篇。七十子之弟子。

帝疇氏。路史注

第一氏。其先齊諸田徙園陵者多。故以次第爲氏。漢書注

第二氏。田廣之孫田登爲第二氏。纂姓

第三氏。田廣之孫田癸爲第三氏。纂姓

第五氏。齊諸田之後。漢高祖徙諸田。而有第一至第八氏。漢第五倫。其後也。纂姓

澍按倫字伯魚。子頡字子陵。孫種字興先。又有督軍御史第五永。見謝承後漢書。又鄭康成師。京兆第

五元。通京氏易。見鄭卒傳。

第八氏。亦齊諸田之後。田廣弟英爲第八門。因氏焉。漢有第八矯爲王莽講學大夫。姓纂氏族略

艾氏。龐儉母艾氏。廣韻通鑑注齊大夫艾孔之後。後漢汝南孝廉艾伯益。急就篇

澍按商時有艾侯。武王俘之。其子孫以爲氏。又按艾孔。卽左傳裔款。益一作堅。汝南先賢傳。太守李偃

選周子居。黃叔度。艾伯堅。郅伯向。封武興。盛孔叔。爲六孝廉。

桂氏。漢有揚州刺史桂褒。燕人。氏族略

澍按刺史一引作太守。又按桂氏族譜云：桂貞爲秦博士，遭秦坑儒，改姓香。其孫避地朱虛，改姓炁。第四子居齊，改姓炁，不忘所自出也。太尉陳球碑陰有城陽炁橫，漢末被誅，有四子，一守墳墓，姓炁，一子避難居徐州，姓香，一子居幽州，姓桂，一子居華陽，姓炁。此四字皆九畫，古惠切，與族譜說異。

蒯氏，晉大夫蒯得之後，又衛有蒯賸，見左傳。前漢有蒯徹。氏族略

澍按河南有蒯鄉，蓋以邑爲氏者。衛公子蒯賸，非姓蒯也。蒯徹，卽蒯通，著書名雋永。

蕢氏，與蒯同音。魯有蕢尙。姓纂

澍按蕢尙，畫宮于道，受哀公弔。曾子謂不如杞梁妻之知禮，見檀弓。

戴氏，姬姓之後，春秋有載國，陳留外黃是。廣韻路史注

澍按鄭樵云：疑卽戴姓之訛也。又按荀子解蔽篇：唐鞅蔽于利權，而逐載子。楊倞注：載，讀曰戴。

內史氏，周內史叔興之後，周又有內史過，內史遷，內史叔服，善相人。氏族略

澍按左傳：魯莊三十二年，傳有神降于莘，王問諸過，在惠王十五年也。魯僖十一年，王使召武公及過。

賜晉侯命，在襄王三年也。僖十六年，隕石于宋五，六鷁退飛過宋都，叔興聘于宋，宋襄公問焉，在襄王

八年也。魯文元年，王使內史叔服會葬，在襄王二十六年也。是過在叔興之前，內史氏宜爲過之後。且

杜注：叔服字是叔服，非內史氏矣。而內史遷並無其人，蓋因過字訛遷，遂妄列之，不知仲遠原文有

誤。抑夾滌引舛。又按周有五史。內史掌六典。八法。八則。八枋之貳。過之先有爲是官者。以爲氏。非叔與之後。始有此姓也。疑杜預注叔爲氏者。亦非。秦有內史騰。攻韓。得韓王。

大氏。大庭氏之後。又大填。大山稽。並黃帝師。大款。爲顓帝師。禮記。大連。東夷之子。氏族略

澍按漢有大利善琴。曆官有大伍公。知東方朔爲歲星。

大庭氏。出古天子大庭氏之後。急就篇

澍按英賢傳。太庭氏。古天子號。一云炎帝時諸侯。魯有太庭氏之庫。

戴氏。凡氏於諡。戴。武。宣。穆。是也。廣韻宋有戴惡。不勝盈之。辯證漢有戴德。戴聖。戴崇。戴長樂。戴野。急就篇

信氏。魏公子信陵君無忌後氏焉。史記。趙有信期。秦將信梁。辯證

澍按氏族略。引云。信氏。魏公子信陵君之後。

信都氏。張敖尙漢魯元公主。封於信都。因氏焉。一云。本申屠氏。古者信申音同。故爲信都。姓纂氏族略

澍按漢高陽令楊著碑陰。有博陵信都晏和。

運期氏。漢梁鴻改姓運期氏。廣韻

澍按漢書逸民傳。鴻易姓運期。名耀。字候光。而列女傳。鴻自名曰運期。字俟光。彼此舛異。疑列女傳誤也。

慎氏慎到爲韓大夫。著慎子三十篇。氏族略

澍按慎到趙人。藝文志作著書二十四篇。仲瑗云三十篇。疑訛。又按左哀十六年。吳伐慎。白公敗之。是以邑爲氏者。九域志楚縣。白公之邑。故白公救慎也。魯有將軍慎子。楚有太子傅慎子。漢高帝有慎夫人。

獻氏晉獻公之後。秦大夫有獻則。見戰國策。廣韻氏族略

澍按國策注。獻則楚人。爲芊戎游說者。應氏以爲秦人非。

段氏段干木之後。廣韻姓段。名干木。氏族略路史注

澍按一引風俗通云。段氏段干木之後。有出遼西者。本鮮卑檀石槐之後。又按應仲瑗以爲姓段。名干木。蓋以呂氏春秋有干木光於德。與魏都賦干木之德之言而誤。唐百官表。遂謂封段而爲干木大夫。舛矣。羅泌云。段干李姓。邑也。初邑段。後邑干。因邑而氏。國策有段規。呂氏春秋有段喬。儒林傳胡毋生。弟子有段仲溫。廣川人。又有北地都尉段邛。驃騎將軍段志。中郎將段郴。酒泉太守段彭。西域都護段會宗。段禧。博士段猷。太尉段熲。安西將軍段煨。皆武威人。

建氏。楚太子建之後。後漢元后傳。有建公居趙。幽王臣建德。氏族略

澍按廣韻引云。楚王子建之後。漢元后傳。有建公。統譜引云。楚王子建之後。漢元后傳。有建公。建居。建

德俱中丘人。又按建公名居，非建公外，別有建居也。建德為趙王遂之相，不聽王反，為王燒殺。

諫氏周禮有司諫子孫，以官為氏。漢有治書侍史諫忠。廣韻辯證

澍按氏族略作持書御史。

灌氏古諸侯斟灌氏之後子孫氏焉。辯證

澍按氏族略引云：斟灌氏夏諸侯也。子孫氏焉。又有張氏冒灌氏。又按漢有騎將灌嬰，封穎陰侯。淮南

太守灌夫，後為太僕。臨汝侯灌賢，殺阮神祠碑陰有郡吏灌珠，字升明。

胤氏夏時諸侯國子孫氏焉。國名記氏族略

澍按羅泌以亂在利州，即周時出舞衣者。

戰氏漢有諫議大夫戰競。姓譜

賤氏漢有右北平太守賤瓊。又有曲阜人賤虞。廣韻氏族略容齋隨筆

孝氏齊孝公之後支孫以諡為氏。姓纂

到氏出彭城。本自高陽氏。楚令尹屈到之後，漢有東平太守到質。辯證容齋隨筆

澍按秦本紀有到滿助魏攻燕，正義云：滿或作蒲。秦將姓名也。

豹氏八元叔豹之後。廣韻



澍按魏志有騎將豹皮公焦度與魏豹皮公遇交槩門豹皮公墮地

暴氏暴辛公周諸侯也秦有將軍暴鳶漢有御史大夫暴勝之字公子河東人氏族

澍按廣韻引云商諸侯暴辛公之後漢有繡衣使者暴勝之又按世本云暴周圻內國文公八年會維戎盟于暴鄭詩箋謂周圻內無暴邑失之

播氏播鞞武商末賢人氏族

澍按播鞞官名非姓當作子孫以官爲氏

左丘氏魯左丘明之後陸德明經典釋文史記注

澍按左丘複姓其稱左氏者避孔子諱或謂爲楚人左史倚相之後者誤也

左行氏晉先蔑爲左行其後以官爲氏漢有御史左行恢急就

謝丘氏周宣王支子食采於謝丘因以爲氏古今人表漢有謝丘章魯人姓纂氏族略

澍按一引無丘字支子作第三子氏族略引云魯有謝丘章又引古今人表上有漢書二字

夜氏夜姓也漢靈帝時雒陽男子夜龍以弓箭射北闕龍有從兄陽辯證

澍按五行志光和中雒陽男子夜龍以弓箭射北闕吏收考問辭居貧負責無所聊生因買弓劍以射

近射祆也風俗通龍從兄陽求臘錢龍假取繁數頗厭患之陽與錢千龍意不滿欲破陽家因持弓矢

射乎武東闕。三發。吏士呵縛首服。帝詔惡惡止其身。龍以重論。陽不坐。

放氏。放齊之後。路史

暢氏。出姜姓。齊後有暢惠明。著論語義註十卷。辯證

澍按陳留風俗傳云。漢暢曾著水德經一卷。

匠氏。凡氏於事。巫卜陶匠是也。廣韻古有匠石。氏族略

澍按司馬彪莊子注。匠石字伯尙。文選注。字伯夔。

望氏。齊太公望之後。辯證氏族略

澍按春秋運斗樞。帝堯時有臨侯望博。是望姓。不始呂望也。

曠氏。師曠之後。氏族略

澍按羅泌云。曠卽鄭字。書鄭古國。是謂曠爲以國姓者。非師曠之後。

牟氏。新鄭人。揚牟邨。在縣西二十五里。牟音嘖。氏族略

澍按集韻。牟所嫁切。音嘖。姓也。出新鄭。

敬氏。陳敬仲之後。漢有揚州刺史敬歆。平陽人。廣韻通鑑注。

澍按說苑。齊有狂卒敬居。善畫。一作敬君。鄧元亞謂秦漢以前無此氏。妄矣。唐宰相表。歆作韶。又按歆。

有碑在正平縣北二十里墓側。碑略可辯者。嘗辟司隸從事。又爲治書侍御史。最後云。年五十三。光和四年閏月遭疾卒。

丙氏。齊大夫丙馱之後。漢貨殖傳。魯人丙氏。功臣表。高宛侯丙倩。廣韻

馱按廣韻引云。齊有大夫丙馱。又按丙氏宜爲齊懿公臣丙茂之後。百官表。太子太傅丙吉爲御史大夫。

令氏。楚令尹子文之後。漢有中大夫令勉。史記索隱

馱按漢書文帝六年。以中大夫令勉爲車騎將軍。屯飛狐。勉文帝紀作免。徐廣以爲中大夫令。是官名。非也。又按西南夷傳。青衣道夷邑長令田。百官表大司農令惠。

右行氏。晉賈華爲右行。因官爲氏。漢有御史中丞右行綽。急就章

馱按姓纂云。晉屠擊將右行。因氏焉。又按成十八年傳。右行辛爲司空。杜注。辛將右行。因以爲氏。正義云。僖二十八年。晉作三行。三十一年。卽罷之。彼云屠擊將右行。未知此人卽屠擊之子。爲是其祖父代屠擊也。又按右行辛。卽賈辛。僖十年傳。有左行共華。右行賈華。晉之有右行舊矣。昭十二年傳。有右行詭。

右師氏。宋莊公至公子申。世爲右師氏。漢有中郎將右師譚。後漢有博士右師細君。氏族略

澍按孫恂云左傳宋樂大心爲右師其後因官爲氏又按右師細君包咸師事之習論語楊震碑陰有右師子掾

救氏漢有諫議大夫救仁廣韻

澍按氏族略仁作乂誤又按劉向別錄易家有救氏史記淮南王從事救赫漢書作枚赫殺阮碑陰郡吏有救舉遂興救男文曜楊震碑陰有救辯卿

畫氏畫邑齊大夫之後因氏焉廣韻急就路史注

澍按姓纂氏族略引云齊大夫食邑於畫邑因氏焉又按卽孟子宿畫者水經注作濇中也

寇氏蘇忿生爲武王司寇其後以官爲氏漢有寇恂廣韻後漢書注

澍按姓譜康叔爲周司寇後人遂爲寇氏顧寧人謂康叔衛國之祖無以王官氏其支庶之理今據禮記疏則寇氏爲司寇惠子之後陳留傳寇氏自黃帝出寇恂字子翼潁川太守

竇氏夏帝相遭有窮氏之難其妃方娠逃出自竇而生少康其後氏焉廣韻通鑑注

澍按一引云夏后相遭有窮氏之難后緡方妊逃出自竇而生少康其後氏焉漢有魏其侯竇嬰

竇公氏魏文侯時樂人竇公氏獻古文樂詩書一篇證

澍按桓譚新論云魏文侯時樂人竇公年百八十歲兩目皆盲文帝奇之問曰何所服食至是對曰臣

年十三失明。父母教以鼓琴。無所服餌。

廖氏。古有廖叔安。左傳作麗。蓋其後也。漢有廖覬爲鉅鹿太守。氏族略注。

澍按一引末有云。今南劍衡山多廖氏。或言周文王子伯廖之後。漢書方術傳有廖扶。汝南人。蜀志有

廖化。卽廖淳。廣韻。後漢有廖湛。

穀梁氏。名赤。子夏弟子。魯人。陸氏釋文。趙氏損益義。

澍按桓譚謂名赤。王充謂名寅。顏師古謂名喜。阮孝緒謂名倝。字元始。仲瑗從桓氏說也。麋信云。穀梁

當秦孝公時。

卜氏。凡氏於事。巫卜陶匠是也。春秋魯有大夫卜齮。魯莊公車右卜國。辯證。

澍按路史云。夏啓後有卜氏。又叔繡後有卜氏。氏族略。周禮卜人。後以爲氏。莊子。卜梁倚有聖人之才。

韓子有卜皮。漢御史大夫卜式。太史令卜福。

服氏。周內史叔服之後。以字爲氏。漢有江夏太守服徹。一作徹。後漢九江太守服虔。注漢書。辯證。

澍按國策。客有見人于服子。漢藝文志。易家有服光。光。一作先。應奉傳。有巴郡人服直。

祿氏。紂子武庚。字祿父。其後以字爲氏。氏族略。

澍按蕭何之妻祿母同。高后二年封爲侯。見功臣表。祿宜爲妻姓也。

鹿氏趙大夫食采五鹿因氏焉漢有巴郡太守鹿旗子孫因家焉姓

澍按廣韻氏族略通鑑注容齋隨筆皆引云鹿氏漢有巴郡太守鹿旗又按趙宣作衛國策有鹿毛壽

魏志有將軍鹿磐

沐氏漢有東平太守沐寵廣韻注 氏族略通 容齋隨筆

澍按沐氏狀云端木賜之後避難改爲沐氏其說非沐水名在青州當以地爲氏也漢有市長沐茂上

書救李雲沐並字德信其子雲儀見魏志注又魏郡沐季興見楊震碑陰

述氏世本魯大夫仲述之後廣韻注 氏族略

澍按仲述卽仲遂也遂述古字通

宿氏伏羲風姓之後以國爲氏漢有雁門太守宿詳廣韻注 氏族略 容齋隨筆通鑑注 容

澍按宿地在東平無鹽縣左傳作戚字異音同也漢又有汝南太守宿仲談公孫淵校尉宿舒

鞠氏漢有尙書令平原鞠譚廣韻注 或爲麴氏音之譌也 氏族略

澍按姓纂后稷之孫鞠陶生而有文在手曰鞠因以名之支裔氏焉晏子春秋鞠語孔子之徒國策燕

太子丹太傅鞠武

牧氏黃帝臣力牧之後漢有越雋太守牧稂廣韻

澍按顏籀云枚根一作枚稂也。氏族略作牧良誤。路史云康妹後有牧氏。又按黃帝師牧德則牧姓遠矣。孟獻子友牧仲狂者牧皮。

牧師氏漢依周禮置牧師令主養馬後世因以爲氏。姓

祝氏鄭大夫祝聃之後漢有司徒祝恬。姓

澍按漢山陽太守祝睦碑云其先蓋高辛氏之火正以能淳耀天地曰祝融遂獲豐阜之胙煇裔昌遠大乃侯伯分仕諸夏鄭有祝聃者君其胤也。又按周有祝跪秦有祝懽晉有祝簡齊有祝佗父。又按祝恬字伯林中山人。

祝其氏宋戴公之子公子祝其爲大司寇因氏焉。漢有清河都尉祝其承先。姓

澍按海之懷仁故祝其也是祝其以地爲氏者。

鄒氏鄒晉邑楚雍子奔晉晉與之鄒以爲謀主因以邑爲氏。漢有東海太守鄒卨。證

澍按漢永平通褒余谷碑有鄒君鉅鹿人無名漢中郡太守也。

沃氏商王沃丁之後神仙傳沃焦吳人。氏族沃氏太甲子沃丁之後。廣

澍按一引云沃焦吳人著神仙傳疑誤。又按路史云微子後有沃氏。

曲氏晉穆侯封少子成師於曲沃後氏焉。漢有代郡太守曲謙。證貨殖傳有曲叔後漢有太常卿曲仲尼。

氏族略

澍按周書史記解有曲集氏自伐其智賢良伏匿榆州伐之而亡子孫必有以國為氏者又按桀臣有曲逆不必始成師也蒙恬傳秦御史曲宮

督氏宋大夫華父督之後晉有督戎欒盈之臣漢有五原太守督瓊氏族略容齋隨筆

澍按廣韻引末一句瓊一引作瓊又作瓚州輔碑陰有便長督匡仲英

僕氏周禮僕人之後漢有輝渠侯僕多廣韻

澍按左傳鄭有僕展楚有樸析父霍去病傳作僕朋此作多與表同功臣表云歸義侯僕多子電雷後

以屬國都尉擊匈奴封輝渠輝渠魯陽縣也表又有易侯僕黜師古曰黜音但

薜氏薜收氏之後路史注氏族略

澍按薜即辱鄒也所謂薜鄒俱在河南有鄒山又按左傳昭元年沈姒薜黃注四國臺駘之後與應仲

遠說異

遠氏遠秦邑也其大夫封於遠因氏焉前漢蒙鄉侯遠並王莽大司馬遠並先為左隊大夫漢書注氏族略

澍按廣韻引云漢有大司空遠並顏師古曰遠音錄字或作逮二姓皆有之又按遠並王莽篡位為大

司馬非大司馬別有遠並也並古普字應氏分為二人誤邛壽傳並好士為左隊大夫也統譜于棣字



下。又云。王莽司馬。棣並誤矣。又按。遼明。石勒十八隊之一也。見水經注。鄭氏引云。後漢有遼明。非矣。許慎說文。引遼安說。

室中。姓。索隱

澍。按。漢藝文志。有室中周。著書十篇。室。一作室。王莽時。室中公。避地漢中。漢初。有室中同。呂弩將破秦。封清簡侯。事在高帝八年。

子氏。河東子氏。楚有大夫子衡。辯證

澍。按。鄧元亞云。子。丑六切。

密須氏。姑姓之國。後以爲氏。史記周本紀注

澍。按。杜預云。淳于東北密鄉也。漢有尙書密忠。

濯氏。古賢人濯輯之後。廣韻

澍。按。宜爲子濯孺子之後。

栗氏。古栗陸氏之後。燕將有栗腹。漢有栗融。字容卿。又有富人栗氏。長安人。又景帝時。栗夫人。生臨江王榮。氏族略

澍。按。儒林傳。有泰山太守栗豐。授詩于食子公。英雄記。有鄴郡太守栗成。

乙氏漢有南郡太守乙世姓纂

樹桉漢有魯相乙瑛修孔子廟奏置百石卒史瑛字少卿平原高唐人魏畧樊城守將乙修

姑氏殷時候國也一作吉氏略

樹桉史記后稷元妃姑氏潛夫論周先姑氏封于燕邳與姑音同而字異前漢書音義邳音之日反

佶氏佶殷時候國後呂爲氏急就篇

樹桉佶與吉同詩謂之尹吉是也又與姑同詩惟韓姑相攸是也又卽邳字潛夫論佶與邳音同而字

異

邳氏邳商時候國也見毛詩漢有濟南太守邳都入酷吏傳國名記族略通鑑注

樹桉光武時有長沙太守邳惲字君章西平人子壽字伯孝官尙書僕射百官表執金吾邳元

闕氏承闕黨童子之後漢書藝文志縱橫家有闕子著書一篇後漢書注漢荊州刺史闕栩又有下邳賊闕宜

證釋

樹桉栩一作翊陶謙傳下邳闕宜自稱天子謙初與合從寇鈔後遂殺宜并其衆

謁氏古有謁者以官爲姓後漢汝南太守謁瓊一名煥見獨行廖扶傳又張湯小史謁居氏族略容齋隨筆

樹桉姓譜引云古有謁者官因以爲氏史記張湯有所愛史魯謁居是謁居姓魯否則謁居魯人廣韻

引云漢有汝南太守謁煥江津人又按華陽國志作謁煥塾江人汝南記江州人方術傳應氏以爲獨行傳誤張納功德敍碑陰有守屬江州謁恭

勃氏宋左師勃之後晉有寺人物鞮一名勃貂辯證氏族略

澍按勃鞮一作勃披字伯楚見晉國語

葛氏葛天氏之後漢有潁川太守葛興路史注後漢有汾陰令葛鬻有文集七卷氏族略

澍按郡國志高陽有葛城又亳城百里有葛伯國非嬴姓之葛列仙傳周成王時有葛由又按韓棧傳太守葛興中風病不能聽政棧陰代興視事也

滑氏漢有詹事滑典廣韻

澍按滑國爲晉滅子孫以國爲氏又按典一引作興左傳衛大夫滑羅莊子有滑介叔

屈侯氏魏賢人屈侯鮒史記漢有郎中屈侯景辯證

澍按氏族略路史俱引作郎中令屈侯豫一作屈侯原又按羅泌云屈武子瑕邑號屈侯後以爲氏其說誤宜云楚武王子瑕食邑于屈號屈侯因氏焉

頡氏有頡衛古之賢者廣韻

澍按路史頡氏倉頡之後氏族略引云頡衛古之賢人

赫氏古天子赫胥氏之後。又有赫胥氏。注。路史

列山氏古列山氏之後。一曰厲山氏。卽連山氏。鄭有列禦寇。著書十八篇。姓

澍按呂氏春秋有列精子高。齊潛王時人。列山一作烈山。

鷓冠氏。齊人以鷓冠爲姓。鷓冠子著書。略。氏族

澍按晉虞槃佑高士傳。鷓冠子。或曰楚人。隱居幽山。衣弊履穿。以鷓爲冠。莫測其名。因服成號。著書言

道家事。馮諼常師事之。後顯於趙。鷓冠子懼其薦己也。乃與諼絕。通志略引作褐冠。誤。今改正。亦見袁

淑真隱傳。

郭氏本自王季子郭叔之後。廣韻又云氏於居者。城郭園池是也。廣韻

澍按夏禹御郭哀。商有郭崇子。是郭不始郭叔也。漢有潁川太守郭伋。字細侯。

獲氏宋大夫猛獲之後。略。氏族

澍按廣韻引作尹猛。一作孟獲。俱譌。

作氏周公之子肸侯。子孫因避地。改爲作氏。漢有涿郡太守作顯。略。氏族

澍按路史云。祭公後有作氏。容齋隨筆止引末句。漢有涿郡太守作顯。

博氏。漢有博勞吉。善相馬。證。

澍按氏族略引云漢有博子勞善相馬廣韻云古有博勞

薄氏衛賢人薄疑漢高帝薄夫人生文帝夫人弟昭封軹侯官至車騎將軍子戎奴嗣氏族略通鑑注

澍按莊十二年盟薄杜預注梁國蒙縣北薄城是是薄以邑爲氏者又按衛賢人一作魏賢臣誤薄疑

一作蕩疑楊震碑陰有弘農蕩君明

幕氏虞幕之後愈就章

澍按氏族略引云舜祖幕之後也幕見左傳韋昭國語注爲舜後誤

鐸氏漢有廷尉鐸政氏族略

澍按宜是司鐸以官爲氏者魯有大夫司鐸射見昭公十三年路史鐸齊太公之後又按楚有鐸椒爲

威王太傅著春秋微三篇漢有廷尉則鐸政也鄭氏所引疑誤又按趙簡子殺竇犇國策作鐸犇索隱

云鳴犇犇字也

落氏皋落氏翟國也此亦翟別種也其地在今絳州垣縣漢有落下閔巴郡人纂太初曆後有落氏氏族略

略

澍按春秋傳齊地有落姑或云魯地魯大夫采落宜出于落姑氏不止赤翟一種也桓譚新論落下閔

姓黃名閔華陽國志閔字長公益部耆舊傳隱於洛下蓋洛下閔中之地名也諸書並以爲姓落下名

閔誤矣。劉艾漢紀。滎陽賊殺中牟令落皓。

笮氏。楚有笮倫。路史注。氏族略。通鑑。

澍按漢末丹陽人笮融。一作迮。音側格反。

伯氏。嬴姓。伯益之後。為氏。證。

澍按鄧名世云。姜姓。伯益之後。

柏氏。古帝有柏皇氏。其後稱柏氏焉。章。愈就。柏皇氏之裔。又柏亮父。顯帝師。柏招。帝譽師。柏景。為周太僕。柏

國。在今蔡州西平縣。為楚所滅。子孫以國為氏。漢有柏英。為大鴻臚。氏族略。

澍按柏招。一作伯昭。柏景。即伯問。一作伯驟。

柏成氏。堯時諸侯。柏成子高。墓。姓。

澍按柏成子高。一云即柏高。舊說岐伯名柏高。非也。柏成。疑非複姓。

柏侯氏。柏成子高。堯時諸侯也。因氏焉。漢有尚書令柏侯奮。管寧從柏侯子安受春秋。子安。南陽人。氏族略。

澍按柏侯。一作白侯。音之轉。吳張昭亦從白侯子安受左氏。

鬲氏。偃姓。皋陶後。國名。紀。

澍按夏諸侯有鬲氏。後姓書以為出膠鬲。

白象氏。白象先生。古賢人隱者。辯證

澗按漢藝文志。雜家有伯象先生一篇。應劭曰。蓋隱者也。故公孫敖難以無益世主之治。伯與白同。

白鹿氏。白鹿先生。古賢人著書。氏族略

白馬氏。微子乘白馬朝周。因氏焉。氏族略

樸陽氏。漢景舟封樸陽侯。丹曾孫汾避亂隴西。因封爲氏焉。氏族略

百里氏。秦百里奚之後。其先虞人。家於百里。因氏焉。後漢徐州刺史吉陽亭侯百里嵩。陳留人。氏族略

澗按嵩字景山。傳車所到。屬縣齊雨。慕在封丘。

赤氏。帝嚳師赤松子之後。見神仙傳。氏族略

澗按神農臣赤冀。作杵曰。卽赤奮若也。顓頊師赤誦。卽赤松。又黃帝木工赤將子輿。

射氏。出自晉大夫號射之後。以王父字爲氏。辯證漢有大鴻臚射咸。大典星射姓。纂

澗按三輔決錄。射咸本姓謝。名服。天子以爲將軍不祥。改之。咸。路史引作威。清河相射嵩。見天文志。射

姓。見律歷志。大字不與典星連。爲侍郎尊之名也。

昔氏。昔邑名。周大夫封昔。因氏焉。漢有烏傷令昔登。國名記。氏族略

澗按路史云。昔一作夕。故有夕侯。後有昔氏。夕氏。其說非昔。雖通夕。然夕爲蠻姓。蜀有之。昔則昔陽。以

地爲氏也。

析氏。衛公族大夫析朱鉏之後。朱鉏公子黑肩之後。以王父字爲氏。齊有大夫析歸父。後漢析像通京氏。易像者。鬱林太守析國之子也。廣漢雒縣人。入後漢方術傳。氏族略

澍按析。卽浙川。春秋白羽地。南陽析縣也。近人作折者。非。廣韻引云。齊大夫有析歸父。

職氏。周禮有職方氏。其後因官爲姓。漢有山陽令職洪。廣韻

食氏。食我。韓公子也。見戰國策。漢有食于公爲博士。音義

澍按廣韻引云。漢有博士食于公。河內人。又按儒林傳。作食子公。燕人。蔡誼受詩于同郡食子公。食生

爲博士。氏族略引。作食子公。河南人。誤。

息氏。息侯之後。子孫以國爲姓。漢有息夫躬。河內人。路史注

澍按息侯國。楚文滅之。蔡有古息城。

息夫氏。息公子邊爲大夫。因氏焉。漢有光祿大夫息夫躬。世居河內河陽。氏族略

裔氏。古裔夫子孫。因氏焉。氏族略

澍按路史。周桓王之後。有裔氏。

直氏。楚人直躬之後。漢有御史大夫直不疑。封塞侯。證



澍按呂氏春秋禹臣有直成一作真窺國語晉之先直柄蔡邕碑有直父一作真父誤

力氏黃帝臣力牧之後漢有魯相力題漢末有力子都為盜姓

澍按羅泌謂力牧宜作刀牧非也帝王世紀黃帝夢有人執千鈞之弩牧羊大澤占曰必有異力之人而能牧天下觀此則為力無疑力牧摘象輔作力墨力子都或作刁子都

翼氏晉翼侯之後漢有諫議大夫翼奉辯證

澍按翼奉字少君下邳人治齊詩尤精律曆陰陽之術藝文志孝經有翼氏說一篇

卽氏其先食采卽墨因以命氏漢有單父令卽賈氏族略廣韻容齋隨筆

澍按氏族略引賈作費疑誤

卽墨氏田單守齊卽墨有功因以命氏漢有城陽相卽墨成齊人受易於田何辯證

澍按卽墨成為城陽相受易于淄川楊何也見儒林傳

墨夷氏宋大夫有墨夷須墨夷鴻辯證

澍按世本宋襄公子墨夷須為大司馬其後有墨夷皋又按氏族略引鴻作皋

稷氏堯時棄為后稷子孫以官為氏漢有上津令稷嗣辯證

澍按列仙傳有稷丘君泰山道士又按漢王拜叔孫通為博士號稷嗣君徐廣云言其德業繼踪稷下

之風流也。漢書音義曰：稷嗣邑名。此上津令稷嗣當用叔孫通之號為名也。

墨胎氏。孤竹之國君。姓墨胎氏。姓

澗按路史引云：墨胎氏，伯夷、叔齊姓也。即墨怡、怡音眉。又按漢地理引應劭云：伯夷之國君，姓墨胎氏。

墨胎氏名初，字子朝，伯夷叔齊父也。見春秋少陽篇。又禹師墨如，或云墨台。

北唐氏。晉有高人隱於北唐，因為氏。漢有北唐子真，治京氏。急就章注

澗按氏族略引英賢傳：高人有越者二字，隱下有伏字。

北海氏。古有劉河者處於北海，其後以為氏。田和有大夫北海子高。姓

澗按氏族略引英賢傳：此文全同。惟田和句作吳大夫有北海子高。

襲氏。齊人七姓有襲氏。急就後漢有益州將襲蓋卿。證

立如氏。魯有賢人立如子著書。氏族

集氏。漢有外黃令集一。廣韻容齋隨筆通鑑注

汲氏。衛宣公太子汲之後居汲，因為氏。氏族漢有中尉汲黯為淮陽太守。姓

澗按汲太公故居有太公泉及廟。河南汲縣是矣。朱雋傳有彭城相汲廉。河渠志有汲仁黯弟。

納氏。急就章注引風俗通有納氏

沓氏。竇人七姓有沓氏。急就篇

捷氏。邾公子捷菑之後。漢藝文志有捷子二篇。六國時人。氏族略

澍按捷子。齊人。水經注。戰國之時。齊宣王喜文學游說之士。鄒衍、淳于髡、田駢、接子、慎到之徒。七十六人。皆賜列第爲上大夫。不治而議論。一作接子。云武帝時人誤。又按淮南子。黃帝臣捷劄。是捷姓。不始于捷菑也。

葉氏。楚沈尹成生諸梁。字子高。食采於葉。因氏焉。氏族略

澍按鄭樵云。葉音攝。後世乃與木葉同音也。

莢氏。莢成儔子。晉大夫也。見世本。漢藝文志有莢氏春秋。氏族略

澍按廣韻。莢字下引云。莢成儔子。菱字下云。菱字儔子。此又引作莢。未省孰是。

甲氏。太甲之後。一云鄭大夫石甲父之後。氏族略

澍按左傳。鄭大夫石甲父。姓甲父。名石也。鄧氏以爲甲父姓石。非矣。又按宣十六年。荀林父滅赤狄甲

氏及留吁。皆潞之屬也。或以國爲氏者。姓纂云。古諸侯以國爲氏。

輒氏。衛出公輒之後。氏族略漢有輒終古。氏族略

澍按漢有輒終古。兩粵傳。作輗終古。錢唐人。斬徇北將軍爲語兒侯。無輒終古也。應氏說誤。

鄴氏漢有梁令鄴風廣韻

澍按風辯證引作鳳鄴當以地爲氏者

習氏習國名傳有少習漢有陳相習響路史注氏族通鑑注

澍按襄陽記光武時有侍中習郁與光武同夢見蘇嶺山神者季漢有步兵校尉習隆表立諸葛亮廟

亦見襄陽記

法氏齊襄王法章之後秦滅齊子孫不敢稱田故以法爲氏宣帝時徙三輔代爲二千石後漢有扶風法

雄雄子真並有傳略氏族

澍按法章齊潛王子也法章子建立爲秦所滅見史記應氏說誤法雄字文彊南郡太守法真字喬卿

四徵不屈號予德先生

暨姓一切經音義

澍按道行般若經音義云暨風俗通有此姓又按漢書王莽傳有中常侍暨暉辯證作蒂暉非也



姓 氏 考 略

陳 廷 煒 著

本館據學海類編  
本排印初編各叢  
書僅有此本

# 姓氏考略

清 秀水陳廷煒昭遠著

伊尹 伊尹力牧之後。生於空桑。又呂氏春秋云。有佚女。採得嬰兒於空桑。後居伊水。命曰伊尹。正也。謂湯使之正天下。故曰尹。

接輿 姓陸氏。名通。

易牙 姓雍氏。名巫。能辨淄澠之水。齊桓夜半不寐。易牙調五味而食之。至旦不覺。噤不喜食也。

介子推 姓王氏。名光。從晉文出亡。歸隱緜山。

羊舌大夫 晉大夫叔向。時攘羊者。以羊遺向。母埋之。事發。檢羊惟舌存。國人異之。遂以羊舌大夫稱之。

文中子 姓王氏。名通。書列諸子中。

鬻桑餓人 史記。餓人示眯明也。注音爲祈彌。卽提彌明。左傳云。是靈輒提彌明。嗾獒者也。

伯樂 姓孫氏。名陽。善識馬。韓文云。伯樂一顧。而冀北之馬羣遂空。

扁鵲 姓秦氏。名越人。少時爲人舍長。善醫。

鬼谷子 姓王氏。名詡。受道老子。居清溪之鬼谷。因號。

計然 卽辛研也。號漁父。嘗曰。越王烏喙狼步。可與同患難。而不可與同安樂。遂去越。

赤松子 姓黃氏。名初平。少牧羊。遇一道士。隨入山得道。家人求得之。問羊何在。指白石叱之。皆起成羊。魯班 卽黃初起。初平兄。亦得仙術。又號公輸子。性巧極。作飛鳶攻城之具。近世效之。

呂公 漢高后父。魏人名文。字叔平。善相人。

甬里先生 姓周氏。名術。字元通。又號霸上先生。河內軹人。太伯之後。與東園公等稱四皓。輔漢孝惠。高帝曰。羽翼成矣。

東園公 姓韋氏。名庚。字宣明。又云。轅乘。襄邑人。一云。姓唐氏。字宣明。居園中。因以爲號。

夏黃公 姓崔氏。名廣。字少通。齊人。隱居夏里修道。故曰夏黃公。

綺里季 姓朱氏。名暉。

樗里子 姓嬴氏。名疾。秦惠王之弟也。秦人號曰智囊。其里有樗樹。故號曰樗里子。

陸羽 生大樹。釋氏牧養之。及長。自筮姓名。得鴻漸于陸。其羽可用爲儀。因姓陸。名羽。號鴻漸。品天下名泉。著茶經。又著毀茶論。

徐偃王 徐國君。宮人有孕。生一卵。棄之。有大鶴。鵠銜卵歸。母復媛之。生兒。宮人取爲己子。是爲偃王。孟明視 秦將百里奚子。

灌夫 字仲孺。父張孟。爲灌嬰舍人。得幸。故蒙灌姓。夫喜任俠。使酒罵坐。

酒禿 姓高氏。名元寂。葉家祝髮。博極羣書。脫略跌宕。無日不醉。醉則歌道中曰。酒禿酒禿。何榮何辱。但



見衣冠成古邱。不見江湖爲陵谷。後醉死石子岡。

揚雄 揚雄自序。手易別爲一卷。今皆誤爲木易。豈不考耶。

宇文 南單于之後。因獵得玉璽。其俗謂天爲宇。璽爲文。遂以爲姓。

五鹿充宗 居五鹿。因以爲姓氏。其先本齊田氏。

慕容 東北夷。徙遼西。爲鮮卑。至涉歸。爲單于。自云慕二儀之德。繼三光之容。爲慕容氏也。

獨孤 其先本劉氏。至後魏。在北有三十六姓。獨劉不與。因氏爲獨孤。

浮邱伯 姓李氏。居嵩山。作原道歌。相鶴經。

王喬 周靈王太子晉也。好吹笙。作鳳鳴。乘白鶴。揮手謝時人。數日方去。

釋迦 初姓刹利。名悉達。后捨國修行。受姓瞿曇。言王種也。本臨狃國王之子。祖名摩耶。父名屑頭耶。母

名莫耶。剖右脅而生。娶妻名耶轉陀。生一子。名摩侯羅。離家修道十二年。復歸本國。妻子散居。行教四

十九年。沒年八十一歲。一云。姓釋氏。故世之師。其教者。皆謂之釋。

東方朔 生三日。而父母俱亡。或得之。而不知其姓。以見時。東方始明。因以姓。既長。常望空中語。後遊鴻

濛之澤。有老母採桑。自言朔母。一黃眉翁至。指朔曰。此我兒。吾卻食伏氣。三千年。一反骨洗髓。二千年

一剝皮伐毛。吾已三洗髓。五伐毛矣。

西王母 姓何氏。字婉妗。一號太虛。九光龜母也。

李昇 南唐烈祖昇本潘氏湖州安吉人父爲安吉將嘗因淮將李神福侵吳興潘氏而去昇遂爲神福家奴徐溫嘗造神福見而異之求爲養子乃冒姓徐名知誥後改

錢孚 錢鏐第二十八子曰孚爲周錢府上士因去竹而稱錢寔受姓之始

劉繼元 北漢主本姓何北漢世祖女爲晉護聖營卒薛釗妻生子繼恩釗刺傷其妻卽自裁後改適何氏復生子繼元而何與妻皆卒世祖以孝和帝無子使養繼恩繼元皆冒姓劉氏孝和俎繼恩嗣才六十餘日爲霸榮弑又改立繼元

劉繼恩 北漢主本姓薛

劉繼業 本姓楊名重貴重勳兄幼事北漢世祖遂賜姓劉氏賜名繼業

漢興濟北王田安失國齊人謂之王家因以爲氏


夏侯嬰曾孫頗尙公主主隨外家姓號孫公主故滕公子孫更爲孫氏

周陽由 其父趙兼以淮南王舅侯周陽故因氏焉

麻姑 卽王方平之妹嘗降蔡經家經以姑爪長可治背癢方平鞭之曰姑神人也何敢乃爾

伯牙 姓俞氏善鼓琴

壺關三老 白夫人劇死姓令狐名茂



魏氏補證

萬光泰纂

陳氏補證

本館據藝海珠塵  
本排印初編各叢  
書僅有此本

# 序

史不志氏族。魏收魏書始以代北諸氏備列百官之後。名曰官氏志。然載太和定姓之詔。而改姓始末闕焉。不詳。又考周隋二書所載賜姓。多出于志之外者。豈伯起采輯原有所未盡耶。廣韻最詳姓氏。引代北姓多引河南官氏志。鄭夾漈亦言宋何承天姓苑與後魏河南官氏志二書。尤爲姓氏家所宗。隋唐二經籍志。唐宋二藝文志。俱不見載。意者河南官氏志仍卽魏書官氏志。今之魏書原係不全之本。故闕漏若斯耶。予向有元魏氏族說五篇。甲子夏在陽山。又隨氏證補得四卷。乙丑至天津。又增益得六卷。乙注龐雜。幾不成字。丁卯復至陽山。爲錄鈔一通。遂名曰魏氏補證云。乾隆十二年六月。秀水萬光泰重識于陽山縣齋之一樹軒。



# 魏氏補證卷一

萬光泰纂

光泰字循初秀水人乾隆丙辰舉博學鴻詞試罷旋中本省舉人佐修續通考卒年三十九著作甚富全祖望誌其墓盛推之與同里錢載汪孟銷爲文章性命之友汪

刻其詩集傳於世

魏書官氏志自古天子立德因生以賜姓胙之土而命之氏諸侯則以家與諡官有世功則有官族邑亦如之。

按家當作字官當作官。

姓則表其所生氏則記族所由出其大略然也至于或自所居或以國號或用官爵或用事物雖緣時不同俱其義矣。

魏氏本居朔壤地遠俗殊賜性命氏其事不一亦如長勺尾氏終葵之屬也。

按尾氏當作尾勺。

初安帝統國諸部有九十九姓。

序記黃帝子昌意少子受封北土裔始均入仕堯世積六十七世至成皇帝諱毛立聰明武略遠近所推統國三十六大姓九十九威振北方莫不率服崩節皇帝諱貸立崩莊皇帝諱觀立崩明皇帝諱樓立崩安皇帝諱越立。

隋書經籍志。後魏遷洛。有八氏十姓。咸出帝族。又有三十六族。則諸國之從魏者九十二姓。世爲部落大人者。並爲河南洛陽人。唐書儒學柳沖傳同。亦作九十二姓。

至獻帝時。七分國人。使諸兄弟各攝領之。乃分其氏。

序記。安皇帝崩。宣皇帝諱推寅立崩。景皇帝諱利立崩。元皇帝諱俟立崩。和皇帝諱肆立崩。定皇帝諱機立崩。僖皇帝諱蓋立崩。威皇帝諱儉立崩。獻皇帝諱隣立。

七分國人。卽下紇骨至侯氏七姓。

自後兼併他國。各有本部。部中別族爲內姓焉。

獻帝一傳爲聖武皇帝。詰汾。再傳爲始祖神元皇帝。力微。并沒鹿回部。三傳爲章皇帝。悉鹿。四傳爲平皇帝。綽。五傳爲思皇帝。弗。六傳爲昭皇帝。祿。官與桓帝。猗。韋。穆帝。猗。盧。各統一部。桓帝。西略。諸降附者二十餘國。後桓昭二帝俱崩。穆帝總攝三部。崩。傳普根。普根薨。傳平。皇帝鬱律。劉虎從弟。路孤。率部落內附。平帝崩。傳惠。皇帝賀。儻。崩。傳煬。皇帝紇那。尋爲烈皇帝。翳槐所代。傳昭。成。皇帝什。鷁。韃。東自激。貊。西及破。落。那。莫不款附。其後卽太祖道武皇帝珪。部中別族爲內姓。卽下邱。穆。陵。氏。至賀。蘭。諸部氏。

年世稍久。互以改易。興衰存滅。閒有之矣。今舉其可知者。獻帝以兄爲紇骨氏。後改爲胡氏。次兄爲普氏。後改爲周氏。次兄爲拓拔氏。後改爲長孫氏。弟爲達奚氏。後改爲奚氏。次弟爲伊婁氏。後改爲伊氏。次弟



爲邱敦氏。後改爲邱氏。次弟爲侯氏。後改爲亥氏。七族之興。自此始也。又命叔父之胤曰乙旃氏。後改爲叔孫氏。又名疏屬曰車焜氏。後改爲車氏。凡與帝室爲十姓。百世不通婚。太和以前。國之喪葬祠禮。非十族不得與也。高祖革之。各以職司從事。

庾信周使持節廣化郡開國公邱乃敦崇傳。魏道武帝以命世雄圖。飲馬河洛。兄弟十人。分爲十姓。辨風吹律。邱氏其一焉。按道武帝乃獻帝裔孫。乙旃車焜亦非兄弟。傳與志異。

唐書宰相世系表。沙莫雄爲南部大人。號拔拔氏。生嵩道武。以嵩宗室之長。改爲長孫氏。至孝文。以獻帝長兄爲紇骨氏。次兄普氏爲周氏。又次兄爲達奚氏。又次兄爲伊婁氏。改爲婁氏。又次兄敦邱氏。爲邱氏。又次兄俟侯氏。爲萬俟氏。叔父之後乙旃氏。爲叔孫氏。疏屬車焜氏。改爲車氏。是爲十姓。太和中詔自代北而徙者。皆爲河南洛陽人。按表亦多與志異。

神元皇帝時。餘部諸姓內八者。邱穆陵氏。後改爲穆氏。步六孤氏。後改爲陸氏。賀賴氏。後改爲賀氏。獨孤氏。後改爲劉氏。賀樓氏。後改爲樓氏。勿忸于氏。後改爲于氏。

以上六氏。并後北方紇奚氏。西方尉遲氏。謂之八氏。亦謂之八姓。八姓非帝族也。隋書經籍志及唐書儒學柳沖傳皆誤。

是連氏。後改爲連氏。僕蘭氏。後改爲僕氏。若干氏。後改爲苟氏。拔列氏。後改爲梁氏。撥略氏。後改爲略氏。若口引氏。後改爲寇氏。叱羅氏。後改爲羅氏。普陋茹氏。後改爲茹氏。賀葛氏。後改爲葛氏。是賁氏。後改爲

封氏。阿伏于氏。後改爲阿氏。可地延氏。後改爲延氏。阿鹿桓氏。後改爲鹿氏。他駱拔氏。後改爲駱氏。薄奚氏。後改爲薄氏。烏九氏。後改爲桓氏。素和氏。後改爲和氏。吐谷渾氏。依舊吐谷渾氏。胡古口引氏。後改爲侯氏。賀若氏。依舊賀若氏。谷渾氏。後改爲渾氏。匹婁氏。後改爲婁氏。俟力伐氏。後改爲鮑氏。吐伏盧氏。後改爲盧氏。牒云氏。後改爲云氏。是云氏。後改爲是氏。叱利氏。後改爲利氏。副呂氏。後改爲副氏。那氏。依舊那氏。如羅氏。後改爲如氏。乞扶氏。後改爲扶氏。阿單氏。後改爲單氏。俟幾氏。後改爲幾氏。賀兒氏。後改爲兒氏。吐奚氏。後改爲古氏。出連氏。後改爲畢氏。庚氏。依舊庚氏。賀拔氏。後改爲何氏。叱呂氏。後改爲呂氏。莫那婁氏。後改爲莫氏。奚斗盧氏。後改爲索盧氏。莫蘆氏。後改爲蘆氏。出大汗氏。後改爲韓氏。沒路真氏。後改爲路氏。扈地干氏。後改爲扈氏。莫輿氏。後改爲輿氏。紇干氏。後改爲干氏。俟伏斤氏。後改爲伏氏。是樓氏。後改爲高氏。尸突氏。後改爲屈氏。杏盧氏。後改爲杏氏。盟石蘭氏。後改爲石氏。解枇氏。後改爲解氏。奇斤氏。後改爲奇氏。須卜氏。後改爲卜氏。邱林氏。後改爲林氏。大莫干氏。後改爲邵氏。余繇氏。後改爲繇氏。蓋樓氏。後改爲蓋氏。素黎氏。後改爲黎氏。渴單氏。後改爲單氏。壹斗魯氏。後改爲明氏。叱門氏。後改爲門氏。宿六斤氏。後改爲宿氏。馱邗氏。後改爲邗氏。士難氏。後改爲山氏。屋引氏。後改爲房氏。樹洛干氏。後改爲樹氏。乙弗氏。後改爲乙氏。

東方宇文慕容氏。卽宣帝時東部。此二部最爲強盛。別自有傳。

南方有茂眷氏。後改爲茂氏。宥連氏。後改爲雲氏。

次南有紇豆陵氏。後改爲寶氏。侯莫陳氏。後改爲陳氏。庫狄氏。後改爲狄氏。太洛稽氏。後改爲稽氏。柯拔氏。後改爲柯氏。

西方尉遲氏。後改爲尉氏。步鹿根氏。後改爲步氏。破多羅氏。後改爲潘氏。叱干氏。後改爲薛氏。俟奴氏。後改爲俟氏。輾遲氏。後改爲展氏。費連氏。後改爲費氏。其連氏。後改爲綦氏。去斤氏。後改爲艾氏。渴侯氏。後改爲緜氏。叱盧氏。後改爲祝氏。和稽氏。後改爲緩氏。寃賴氏。後改爲就氏。盟盆氏。後改爲溫氏。達勃氏。後改爲寔氏。獨孤渾氏。後改爲杜氏。凡此諸部。其渠長皆自統衆。而尉遲以下不及。賀蘭諸部氏。北方賀蘭氏。後改爲賀氏。郁都甄氏。後改爲甄氏。紇奚氏。後改爲稽氏。越勒氏。後改爲越氏。叱奴氏。後改爲狼氏。渴燭渾氏。後改爲味氏。庫褥官氏。後改爲庫氏。烏洛蘭氏。後改爲蘭氏。一那婁氏。後改爲婁氏。羽弗氏。後改爲羽氏。

凡此四方諸部。歲時朝貢。登國初。太祖散諸部落。始同編民。

太和十九年。詔曰。代人諸胄。先無姓族。雖功賢之胤。混然未分。故官達者。位極公卿。其功衰之親。任居猥任。比欲制定姓族。事多未就。且宜甄擢。隨時漸銓。其穆、陸、賀、劉、樓、于、嵇、尉八姓。皆太祖已降。勳著當世。位盡王公。灼然可知者。且下司州吏部。勿充猥官。一同四姓。

孝文帝紀。太和十九年。詔遷洛人死葬河南。不得還北。于是代人南遷者。悉爲河南洛陽人。

通志氏族略。代北之人。從後魏遷河南者。後魏獻帝爲之定姓。爲複姓。或爲三字姓。或爲四字姓。其音

多似西域梵書。有二合三合四合者。皆指一字之音。故孝文革以華俗。皆改爲單字。惟賀若氏不改。及乙旃改爲叔孫。拔拔改爲長孫。按複姓三字姓不改者。又有吐谷渾宇文慕容三字改二字者。奚斗盧改索盧。又有單字不改者。庾氏那氏。又有單字改單字者。侯氏改亥氏。

地形志。洛州領洛陽。河陰。新安。中川。河南。陽城六郡。太和十七年改爲司州。

穆崇傳。穆亮爲侍中尙書。右僕射。于時復置司州。高祖曰。司州未立。未有寮吏。須立中正以定選舉。然中正之任。必須位望兼資者。世祖時。崔浩爲冀州中正。長孫嵩爲司州中正。可謂得人。公卿宜相推舉。必令稱允。尙書陸叡舉亮爲司州大中正。

唐書儒學柳沖傳。柳芳論氏族曰。代北則爲虜姓。元長孫宇文于陸源竇首之。

按孝文紀。太和十九年改拓拔氏爲元氏。其餘諸氏不知改于何時。陸俟傳。陸叡娶徐州刺史博陵崔

鑒女。鑒謂所親云。平原王才度不惡。但恨其姓名殊爲重複。時在太和初。未改姓也。韓昌黎集。集賢校理石君墓志銘注。

後魏孝文帝太和十八年。遷都洛陽二十年。盡改複姓。故烏石闕止爲石氏。以河南爲望。

四姓者。清河崔氏。范陽盧氏。趙郡李氏。滎陽鄭氏。

自此以外。應班士流者。尋續別敕。

原出朔土。舊爲部落大人。而自皇始以來。有三世官在給事已上。及州刺史。鎮大將。及品登王公者爲姓。若本非大人。而皇始已來。職官三世尙書已上。及品登王公。而中間不降官緒。亦爲姓。諸部落大人之後。

而皇始已來官不及前列。而有三世爲中散監已上。外爲太守子都。品登子男者爲族。若本非大人。而皇始以來三世有令已上。外爲副將子都太守。品登侯已上者。亦爲族。

皇始太祖道武帝年號。

太和著令。給事從第三品。列曹尙書第二品。中散散臣監第五品。令第四品。上州刺史第三品。中州刺史第三品。下州刺史第四品。上郡太守第四品。中郡太守第五品。下郡太守第六品。

舊制。緣邊皆置鎮都大將。統兵備禦。與刺史同城隍倉庫。皆鎮將主之。但不治。

凡此姓族之友親。與其身有總麻服已內。微有一二世官者。雖不全充美例。亦入姓族。五世已外。則各自計之。不蒙宗人之蔭也。雖總麻而三世官不至姓班。有族官則入族官。無族官則不入姓之例也。

凡此定姓族者。皆具列由來。直擬姓族以呈聞。朕當決姓族之首末。其次諸狀。皆須問宗族列疑。明同。然後句其舊籍。審其官宦。有實則奏。不得輕信其言。虛長僥僞。不實者。訴人皆加傳旨問。而詐不以實之。坐選官依職事答問。不以實之條。令司空公穆亮。領軍將軍元儼。中護軍廣陽王嘉。尙書陸琇等。詳定北人姓。務令平均。隨所了者。三月一列簿帳。送門下以聞。於是升降區別矣。

唐書儒學柳沖傳。柳芳論氏族曰。郡姓者。以中國土人。差第閱閥爲之制。凡三世有三公者曰膏粱。有令僕者曰華腴。尙書領護而上者爲甲姓。九卿若方伯者爲乙姓。散騎常侍大中大夫者爲丙姓。吏部正員郎爲丁姓。凡得八者謂之四姓。又詔代人諸胄。初無族姓。其穆陸奚于。下吏部勿充猥官。得視四

姓。太和以郡四姓爲右姓。今流俗獨以崔盧李鄭爲四姓。加太原王氏。號五姓。蓋不經也。按太和所同四姓。正指崔盧李鄭而言。若如柳芳所論。則以穆陸奚于上同齊梁華腴者。而竟下同于散騎常侍吏部正員郎。甯有是理耶。

又云。代北之人。武故尙貴戚。其泰可與也。及其弊。則尙貴戚者。狗勢利。亡禮教。

世宗。世代人。猶以姓族辭訟。又使尙書于忠。尙書元匡。侍中穆昭。尙書元長。等量定之。

于栗磳傳。正始二年。于忠爲衛尉卿河南邑中正。詔與吏部尙書元暉。度支尙書元匡。河南尹元萇等。推定代方姓族。

北史西魏文帝紀。十五年。詔代人太和中改姓者。並令復舊。

周書文帝紀。魏氏之初。統國三十六。大姓九十九。後多絕滅。恭帝元年。太祖以諸將功高者爲三十六國。後。次功者爲九十九姓。後。所統軍人亦改從其姓。

庾信周柱國大將軍大都督同州刺史段永神道碑。太祖文帝席卷關河。三分天下。頽川從我。並有鄉里之親。新豐故人。非無布衣之舊。更立九十九姓。還存三十六國。

又明帝紀。明帝二年三月庚申。詔曰。三十六國。九十九姓。自魏氏南徙。皆稱河南之民。今周室旣都關中。宜改稱京兆人。

又靜帝紀。大象二年十二月癸亥。詔曰。詩稱不如同姓。傳曰異姓爲後。蓋明辨親疎。皎然不雜。太祖受命。

龍德猶潛錄表革代之文。星垂除舊之象。三分天下。志扶魏室。多所改作。冀允上玄。文武羣官。賜姓者衆。本殊國邑。實乖胙土。不歆非類。異骨肉而共烝嘗。不愛其親。在行路而敍昭穆。且神徵革姓。本爲歷數有歸。天命在人。推讓終而弗讓。故君臨區寓。累世于茲。不可仍遵謙挹之旨。久行權宜之制。諸改姓者。悉宜復舊。

隋書高祖紀。大定元年春二月壬子。令曰。已前賜姓皆復其舊。

按大定元年卽大象二年之次年。

又經籍志。魏孝文列姓族牒一卷。

志。又有後魏皇帝宗族譜四卷。後魏辨宗錄一卷。魏元暉業撰。複姓苑一卷。又鮑宏傳。周武帝敕宏修皇族譜一部。分爲帝緒、疎屬、賜姓三篇。唐書藝文志。後魏譜二卷。後魏方司格一卷。

洪邁容齋三家。魏孝文自代遷洛。欲大革胡俗。旣自改拓拔爲元氏。而諸功臣舊族自代來者。以姓或重複。皆改之。其用夏變夷之意如此。然至于其孫恭帝。翻以中原故家。易賜蕃姓。一何以不循乃祖。葬憲也。是時蓋宇文泰顛國。此事皆出其手。遂復國姓爲拓拔。而九十九姓改爲單者。皆復其舊。秦方以時俗文敝。命蘇綽倣周書作大誥。又悉改官名。復周六卿之制。顧乃如是。殆不可曉也。





# 魏氏補證卷二

拓拔氏。

拓一作托一作託。拔一作跋。廣韻。拓他各切。

拓后拔氏。

元氏。

據拔氏。

廣韻。據都盍切。

拓王氏。

魏書序記黃帝有子二十五人。或內列諸華。或外分荒服。昌意少子受封北土。黃帝以土德王。北俗謂土爲拓。謂后爲拔。故以爲氏。

宋書索虜傳。索頭虜。姓拓拔氏。其先漢將李陵後也。陵降匈奴。有數百千種。各立名號。索頭其一也。托一作託。

託一作跋。

齊書魏虜傳。魏虜。匈奴種也。姓托拔氏。索頭猗廬入居代郡。亦謂鮮卑。被髮左衽。故呼爲索頭。隆昌元年。宏徙都洛陽。改姓元氏。初。匈奴女名托跋。妻李陵。胡俗以母名爲姓。故虜爲李陵之後。虜甚諱之。有言其是陵後者。輒見殺。至是乃改姓焉。

路史云。元氏之所出。書傳最難。宋齊二史則以爲降將李陵之後。魏書序紀則以爲后稷始均之後。

其說皆非。據北俗謂土爲拓，后爲跋，托跋者以黃帝土王而言，而宋書乃云索頭虜，其先李陵降匈奴，單于妻以女，字曰拓拔，因氏焉。蓋出崔浩之說。當時衆議已相斥不行，或竊以渡江約遂仍之。乃若魏書序記，則因山海經始均生北狄，而妄謂爲拓跋之先。又誤以始均爲叔均，而遂以爲稷後。其言始均事堯，則以爲叔均矣。俱妄也。又按黨項目有拓拔等氏，蓋其後盛于北土，故唐表謂邕後爲鮮卑君，而通典謂之東胡之別，是殆又以拓拔爲帝嚳厭後矣。愈非。

光泰按：羅氏之辨甚是。拓拔非有深義，當是部落名。其云匈奴女字拓拔，則又竊漢書昭君女須卜居次，而彷彿傳會之也。

通志氏族略：北人以土爲托后，受爲拔，故號托后拔氏，後從省爲拓拔。

魏書高祖紀：太和二十年春正月丁卯，詔改姓爲元氏。

元氏自魏書外，北齊書傳有元坦、元斌、元孝友、元暉業、元弼、元韶、元文遙、元景安、元蠻。周書傳有元定、元偉。隋書傳有元諧、元胄、元暉、元孝矩、元景山、元亨、元巖、誠節傳元文、都酪吏傳元弘嗣、儒林傳元善。唐書傳有元結、元稹、卓行傳元德秀、儒學傳元澹、文藝傳元萬頃，皆魏後也。惟元載本姓景氏，冒曹王明妃姓，亦爲元氏。

北齊書皇后傳：孝昭皇后元氏，開府元蠻女也。初爲常山王妃，天保末賜姓步六孤氏。北史作步瓜氏

是時齊盡滅元氏之族，故妃特改步六孤氏。

周書李穆傳。穆字顯慶。河西公賢弟。太祖時賜姓擒拔氏。北史作拓拔氏。

按齊書斛律光傳。稱周中國公擒拔顯敬。則穆賜姓擒拔無疑。北史誤耳。

氏族略代北複姓拓王氏。

周書王盟傳。盟其先樂浪人。父罷。以良家子鎮武川。因家焉。孝昌三年。賜姓拓王氏。北史王盟傳。盟明德皇后之兄也。大

統三年。賜姓拓拔氏。

北史王思政傳。思政太原祁人。漢司徒允之後也。子康。魏廢帝二年。賜姓拓王氏。

廣韻。周書王秉王興並賜姓拓王氏。

北史陽平王新成傳。義陽王子孝赴長安。以國運漸移。例降為公。復姓拓拔氏。

按元偉。隋書伊婁謙傳。作拓拔偉。又梁容傳。有上開府拓拔宗。皆複姓也。又陳書華皎傳。有周柱國

長胡公拓拔定。金石錄有保定元年三月。太學生拓拔府君墓志。周弘正撰。

唐書黨項傳。黨項。漢西羌別種。有細封氏。費聽氏。往利氏。頗超氏。野辭氏。房當氏。米禽氏。拓拔氏。而拓

拔氏最強。五代史作細封氏。費聽氏。折氏。野利氏。拓拔氏。隋書黨項傳。開皇五年。拓拔當叢等各率眾詣旭州內附。

按黨項拓拔。唐初有拓拔赤辭。賜姓李氏。又有拓拔細豆。拓拔朝光。拓拔乞梅。唐末有拓拔思恭。亦

賜姓李氏。西夏李彝興。即思恭之後。周太祖時。府州黨項尼也。六泥香王子。拓拔山等皆來朝賀。

五代史記四夷附錄。吐渾本號吐谷渾。唐處之河西。其大姓慕容。拓拔。赫連等族。隋書吐谷渾傳。開皇八年。名王拓拔木蘭。

請以千餘家歸化

按此則吐渾拓拔又與黨項拓拔異。又吐蕃傳長興四年涼州留後孫超遣大將拓拔承謙等至京師求旌節。宋史藥元福傳有靈武三族首長拓拔彥超。姓氏急就篇有五代楚天策學士拓拔恒。

紇骨氏。

胡氏。

元氏。

骨氏。

魏書官氏志。獻帝以兄爲紇骨氏。後改爲胡氏。

唐書宰相世系表。孝文以獻帝長兄爲紇骨氏。

按表誤。當云孝文以獻帝長兄紇骨氏之後爲胡氏。魏書酷吏傳有胡氏。代人也。又肅宗紀。正光五年。高平酋長胡琛反。

氏族略。紇骨氏居代北。又云紇骨氏改爲元氏。又云紇骨氏改爲骨氏。

隋書鐵勒傳。北傍白山。則有契弊薄落職乙啞蘇婆那曷烏謹紇骨也。啞於尼謹等。

按高東亦有護骨氏。紇護聲相近。

普氏。普乃氏。普魯氏。普周氏。

周氏。

車非氏。

魏書官氏志。獻帝以次兄爲普氏。後改爲周氏。唐書世系表同。

魏書傳有周幾周觀。皆代人。

隋書周搖傳。搖字世安。其先與魏同源。初爲普乃氏。及居洛陽。改爲周氏。周閔帝受禪。賜搖姓車非氏。

高祖受禪。復姓周氏。

氏族略。普氏。孝文帝改爲周氏。至金水公搖。周閔帝賜姓車非氏。

氏族略。普魯爲周。又云普周爲周。

托拔氏。

長孫氏。

拔拔氏。

拔氏。

魏書官氏志。獻帝以次兄爲拓拔氏。爲改爲長孫氏。

魏書傳有長孫嵩。長孫肥。孝感傳長孫慮。諸書紀傳內。長孫氏甚多。不具載。

周書長孫儉傳。儉。河南洛陽人也。本名慶明。其先魏之枝族。姓托拔氏。孝文遷洛。改爲長孫。

按庾信周柱國大將軍長孫儉神道碑云儉恒州高陸人嵩玄孫一作拓拔儉長孫作拓拔疑亦循周初復姓之令

周書傳又有長孫紹遠隋書傳有長孫平長孫覽

唐書后妃傳太宗文德順聖皇后長孫氏河南洛陽人其先魏拓拔氏後為宗室長因號長孫兄無忌別有傳

唐書宰相世系表長孫氏出自拓拔鬱律生二子長曰沙莫雄次曰什翼犍後魏法七分其國人以兄

弟分統之沙莫雄為南部大人後改名仁號拔拔氏生嵩道武帝以嵩宗室之長改為長孫氏傳唐書

忌傳無忌字輔機河南洛陽人其先出自魏獻文帝第三兄初為拓拔氏

按鬱律即平文皇帝也為獻帝五世孫又改長孫不曰孝文而曰道武表之失倫若此又平文長子

即烈帝翳槐亦非沙莫雄

又按漢書儒林傳韓詩王吉授淄川長孫順順為博士由是韓詩有王食長孫之學是長孫氏不始

拓拔也

氏族略孝文帝以拓拔為皇枝之長改為長孫氏

達奚氏

奚氏

魏書官氏志獻帝以弟為達奚氏後改為奚氏

魏書傳有奚斤奚眷奚康生皆代人近世典馬牧康生世為部落大人

北史奚康生傳。康生，河南陽翟人也。本姓達奚。陽翟魏書作洛陽，又宋書索虞傳奚斤作達奚斤。

周書傳有達奚武。達奚寔。隋書傳有達奚長儒。

魏書又有奚辱。太祖紀。奚觀。太宗紀。周書有達奚儒。靜帝紀。隋書有達奚通。韓擒虎傳。達奚善意。酷吏王女同傳。南史有

達奚隆。蕭摩訶傳。唐傳有達奚恕。馬周傳。達奚珣。逆臣安祿山傳。達奚觀。崔瓌傳。達奚摯。刑法志。宋史藝文志有達奚弘

通西南海蕃行記一卷。

唐書宰相世系表。孝文以獻帝又次兄為達奚氏。

氏族略。達奚氏。後魏獻帝第五弟之後。為十姓遠祖。長甯公革生司空斤。亦單姓奚氏。與于婁賀劉尉

為北人八族。斤玄孫武。後周太保大冢宰鄭國公。革魏書作單于婁。上脫程陸二字。

按達奚一氏。唐與魏似有不同。封常清傳。開元末。達奚部落皆叛。非鄭公之舊也。

伊婁氏。伊婁一作依樓。

伊氏。

婁氏。

魏書官氏志。獻帝以次弟為伊婁氏。後改為伊氏。

魏書傳有伊馥。代人。又有伊謂。太祖紀。伊蠶生。陽平王熙傳。

周書伊婁穆傳。穆字奴干。代人也。父靈善騎射。為太祖所知。太祖嘗謂之曰。昔伊尹保衡于殷。致主堯

舜卿既姓伊。庶卿不替前緒。於是賜名尹也。

周書又有伊婁訓。晉蕩公諱傳。隋書有伊婁謙傳。

唐書宰相世系表。孝文以獻帝又次兄爲伊婁氏。故爲婁氏。

舊唐書永王璘傳有伊婁球。

廣韻。後魏獻帝次弟爲伊婁氏。又有匹婁氏。後並改爲婁氏。

氏族略。獻帝第六弟爲伊婁氏。

路史。孝文以獻帝次兄依樓氏爲婁氏。

姓氏急就篇。後魏伊婁氏後改爲婁氏。

邱敦氏。凡邱字皆从今書

邱氏。

邱乃敦氏。

魏書官氏志。獻帝以次弟爲邱敦氏。後改爲邱氏。

魏書有邱堆傳。代人。庾信周使持節廣化郡開國公邱乃敦崇傳云。崇恆州代郡鼓城縣廣義鄉孝讓里人也。魏道武帝以命世雄圖。飲馬河洛。兄弟十人。分爲十姓。辨風吹律。邱氏其一焉。五代祖逸驃騎大將軍開府儀同三司營邱郡開國公。于時天道西北。旣稟謀謨。馬首東南。實資匡贊。因以封



名仍爲賜氏。

唐書宰相世系表。孝文以獻帝又次兄邱敦氏爲邱氏。邱敦一作敦邱。

舊唐書有邱和傳。和河南洛陽人。

廣韻。後魏獻帝次弟邱敦氏。後改爲邱氏。

氏族略。獻帝次兄邱敦氏。孝文改爲邱氏。

侯氏。

亥氏。

侯氏。

万侯氏。唐書釋音。万莫北切。侯渠之切。玉篇。侯音祈。

侯亥氏。

魏書官氏志。獻帝次弟爲侯氏。後改爲亥氏。

魏書有侯淵傳。神武尖山人。又恩幸傳有侯剛。河南洛陽人。其先代人。

北齊書。万侯普傳。普字普撥。太平人。其先匈奴之別種也。

魏書有万侯醜奴。万侯道洛。孝莊紀。万侯行醜。賀拔岳傳。周書有万侯幾通。孝閔帝紀。万侯作。賀拔岳傳。万侯阿寶。李

唐書有万侯承暉。楊慎矜傳。宋史有万侯高。森臣傳。姓氏急就篇有唐集賢主記万侯餘慶。德宗時万侯

著。

唐書宰相世系表。孝文以獻帝又次兄俟氏爲万俟氏。

氏族略。万俟氏。後魏獻帝季弟之後。又云後魏獻帝次弟俟亥氏。後爲俟氏。又云俟亥也。改爲亥也。

按万俟。北齊書以爲匈奴別種。唐書及氏族略俱以爲獻帝兄弟之後。二說北齊書爲長。

乙旃氏。

叔孫氏。

魏書官氏志。獻帝又命叔父之胤曰乙旃氏。後改爲叔孫氏。唐書世系表同。

齊書。高帝紀。虜安平公乙旃眷。魏書有叔孫建傳。代人爲外朝大人。又有北部大人叔孫普洛。太祖紀。

將軍叔孫拔。世祖紀。光州刺史叔孫瓚。高祖紀。

氏族略。乙旃氏。孝文改爲叔孫氏。

魏書高車傳。高車十二姓。三曰乙旃氏。

又西秦錄。乞伏國仁以乙旃童溼爲左相。童音書載。記作音。

周書文帝紀。魏恭帝元年。茹茹乙旃達官寇廣武。三族皆與魏乙旃氏異。

車焜氏。焜氏族略作焜。路史作輗。廣韻焜胡本切。車尺遮切。

車氏。

魏書官氏志。獻帝又名疏屬曰車焜氏。後改爲車氏。唐書宰相世系表及廣韻同。

魏書有車路頭傳代人。又有車伊洛傳焉。耆胡世爲東境部落帥。此車氏又與帝室疏屬異。氏族略。車焜氏。孝文帝改爲車氏。

邱穆陵氏。

穆氏。

邱目陵氏。

陰氏。

目陵氏。

魏書官氏志。邱穆陵氏後改爲穆氏。

魏書有穆崇傳代人。

北齊書皇后傳。後主皇后穆氏。名邪利。母輕霄。本穆子倫婢。莫知氏族。女侍中陸令萱。養以爲女。以國姓之。重穆陸相對奏。賜姓穆氏。

又佞幸傳。穆提婆。本姓略。漢陽人也。母陸令萱。穆昭儀。養之爲母。是以提婆改姓穆氏。

氏族略。邱穆陵氏代人。孝文改爲穆氏。又云陰氏之爲邱目陵氏。

齊書王融傳。爲祕書丞。上疏曰。虜師保則后族。馮晉國。總錄則邾姓。直勒渴。台鼎則邱頹。苟仁端。執政

則目凌鉗耳。

步六孤氏。

陸氏。

步六孤氏。步鹿如氏。

鹿氏。

步陸氏。

步孤氏。

部六孤氏。

步鹿孤氏。

魏書官氏志。步六孤氏後改爲陸氏。

魏書有陸眞傳。代人。又陸俟傳。亦代人。世領部落。周書有陸騰傳。代人。卽俟玄孫。

北齊書皇后傳。孝昭皇后元氏。開府元蠻女也。天保末。賜姓步六孤氏。北史作步孤氏。

又外戚傳。元蠻。魏太師江陽王繼子。肅宗元皇后之父也。天保十年。大誅元氏。肅宗爲蠻苦請。由是追

原之。賜姓步六孤氏。

周書陸通傳。通字仲明。吳郡人。大統九年。賜姓步六孤氏。北史作部六孤氏。

庾信有周太子太保步陸逞神道碑。卽通之弟。又有周譙國夫人步陸孤氏墓志銘。卽通之女。六皆作陸。可知史傳作六皆省文也。

廣韻。孤虜複姓有獨孤。溫孤。步鹿孤。步六孤。乙速孤氏。又云。後魏書步六孤氏。後改爲陸氏。

又云。步陸孤氏改爲鹿氏。又云。步鹿如爲鹿。

賀賴氏。

賀氏。

魏書官氏志。賀賴氏。後改爲賀氏。氏族略同。

後燕錄有魏川太守賀賴盧。

按賀氏有二族。一爲賀賴所改。一爲賀蘭所改。魏書賀迷諸人爲賀蘭無疑。惟世祖紀平東將軍賀多羅。高祖紀鎮南將賀羅之類。不知何屬人。智狄干傳。狄干。代人也。家本小族。世忠厚。爲將以平當稱。稍遷北部大人。考賀蘭係后族。賀賴係八姓之一。亦非小族。是狄干于二賀之外。又自爲一賀也。

獨孤氏。○按此下原本記云。鐵弗諸氏當附在此下。蓋未定之藁也。今仍其舊。

劉氏。

魏書官氏志。獨孤氏。後改爲劉氏。廣韻同。

又序紀建國十九年苻堅侵逼南境白部獨孤部禦之。

又太祖紀昭成帝崩國衆離散苻堅使劉庫仁劉衛辰分攝國事南部大人長孫嵩及元他盡將故民

南依庫仁帝于是轉幸獨孤部

按此則劉庫仁即獨孤氏也。

西秦錄乞伏國仁以獨孤匹蹄爲左輔。

魏書有劉庫仁傳庫仁本字沒根劉虎之宗也外戚劉羅辰傳羅辰代人父眷爲北部大人帥部落歸國劉仁之傳即羅辰玄孫。

又劉尼傳尼代人也本姓獨孤氏。

北齊書獨孤永業傳永業字世基本姓劉中山人母改適獨孤氏永業幼孤隨母爲獨孤家所育養遂從其姓。

周書獨孤信傳信雲中人本名如願魏氏之初有三十六部其先伏留屯者爲部落大人與魏俱起。

又高賓傳賓渤海蓊人其先因官北邊沒于遼左祖暹以魏太和初自遼東歸魏周世宗時賜姓獨孤

氏隋書高穎傳穎字昭玄一名敏自云渤海蓊人也父賓背齊歸周大司馬獨孤引爲寮佐賜姓獨孤

氏高祖受禪拜穎尙書左僕射兼納言進封渤海郡公朝臣莫與爲比上每呼爲獨孤而不名也。

又獨孤楷傳楷字修則不知何許人也本姓李氏父屯從齊神武帝與周師戰于沙苑齊師敗績因爲

柱國獨孤信所擒配爲士伍給使信家漸得親近因賜姓獨孤氏。

唐書宰相世系表。獨孤氏出自劉氏。後漢世祖生沛獻王輔。輔生定。定生丐。丐生二子廣廩。廩生穆。穆生度。遼將軍進伯。擊匈奴。兵敗被執。囚之孤山下。生尸利。單于以爲谷蠡王。號獨孤部。尸利生烏和。烏和二子去卑。猛生副論。副論生路孤。路孤生眷。眷生羅辰。從魏孝文徙洛陽。爲河南人。初以其部爲氏。氏族略。尸利六世孫羅長。從魏孝文徙洛陽。爲河南人。初以其族爲氏。姓纂云。後魏代北有三十六部。有伏留屯。爲部大人。居于雲中。和平中以貝人子弟鎮武川。因家焉。伏留屯之後。有俟尼生庫者。後魏司空。生信。又高護。自高麗歸。賜姓獨孤氏。又獨孤偕。本姓李氏也。

按唐書表。鄭志俱以獨孤爲氏。始于孝文。不知獨孤匹蹄已見乞伏之世。并不始于魏也。其云出沛獻王輔。尤屬傳會。諸書紀傳獨孤氏甚多不具述。

賀樓氏。

樓氏。

賀婁氏。婁氏。

魏書官氏志。賀樓氏改爲樓氏。

魏書有樓伏連傳。代人。世爲酋帥。周書有東魏都督賀婁烏蘭。裴果傳北史作賀婁焉。遼關。隋書有賀婁子幹傳。

代人。周書尉遲迥傳作樓。舊唐書有將軍賀婁餘潤。高仙芝傳。

庾信周車騎大將軍賀婁公神道碑。公諱慈。字元達。本姓張。清河東武城人。又云國家官族。君爲首姓。

氏族略賀婁氏代人本居漠北以國爲氏孝文改爲婁氏

勿忸于氏 萬于氏北史吐谷渾傳涼州城主萬于菩提注當移置本卷之末爲正文此隨時添補以致雜出今仍原本後仿此

于氏

万紐于氏万亦作萬紐亦作忸

魏書官氏志勿忸于氏改爲于氏

魏書有于栗磾傳代人外戚傳于勁郎栗磾孫節義傳有于什門于提酷吏傳有于洛侯皆代人周書有于謹傳栗磾六世孫于翼傳子謹隋書有于義傳亦謹子唐書有于志甯傳謹曾孫

周書唐瑾傳瑾字附璘魏室西遷賜姓宇文氏時燕公子謹勳高望重朝野所屬自文帝言謹學行兼修願與之同姓結爲兄弟庶子孫承其餘論有益義方文帝歎異者久之更賜姓萬紐于氏

又儒林傳樊深字文深河東猗氏人太祖時賜姓萬紐于氏

唐書宰相世系表于氏出自姬姓周武王第二子邗叔子孫以國爲氏其後去邑爲于氏後自東海郟縣隨拓拔隣徙代改爲萬紐于氏孝文時復爲于氏

氏族略勿忸于氏官氏志云改爲于氏疑與万紐于同

又云萬紐于亦爲于

廣韻于姓又望出河南者卽後魏書万忸于氏後改爲于氏



姓氏急就篇。後魏改萬紐于爲于氏。有栗磳什門。後周于謹。隋于仲文。唐于志甯、休烈、紹琮、頤。通鑑改勿紐于爲于氏。



魏氏補證卷三

是連氏。

連氏。

魏書官氏志是連氏後改為連氏。

氏族略是連氏自代北隨魏南徙。

僕蘭氏。廣韻僕蒲沃切

僕氏。

魏書官氏志僕蘭氏後改為僕氏。廣韻同

氏族略僕蘭氏改為僕氏今吳興有此姓望出河南。

若千氏。廣韻若人者切

苟氏。

魏書官氏志若千氏後改為苟氏。

北史苟頹傳頹本姓若千。魏書頹亦有傳

周書若千惠傳惠字惠保代郡武川人其先與魏俱起以國為姓。

氏族略若干氏出自代北以國爲氏。

北史后妃傳魏恭帝皇后若干氏卽惠女。又周書武帝紀保定四年以若干鳳爲徐國公卽惠子。宋

書索虜傳有永安侯若干內亦千。北齊書斛律金傳西魏大都督若干寶。

拔列氏。

梁氏。

拔列蘭氏。

拔烈蘭氏。

魏書官氏志拔列氏後改爲梁氏。

魏書太祖紀有故大人梁蓋盆子六眷高祖紀有鎮西將軍梁醜奴周書有梁椿傳代人祖屈朱魏

昌平鎮將。

氏族略拔列蘭氏改爲梁氏又云拔烈蘭爲梁。

撥略氏。

略氏。

拔略氏。廣韻拔蒲撥切。

蘇氏。

魏書官氏志撥略氏後改爲略氏。

氏族略官氏志拔略氏改爲蘇氏賀拔勝傳有都督拔略昶。廣韻同

若口引氏。廣韻若而灼切

寇氏。

若引氏。口引氏。

魏書官氏志若寇引氏後改爲寇氏。

周書寇洛傳洛工谷昌平人世宗二年賜洛子和姓若口引氏。北史作若引氏

又寇儁傳儁字祖儁上谷昌平人魏恭帝三年賜姓若口引氏。

氏族略若口引爲寇又曰口引氏改爲寇氏。

叱羅氏。

羅氏。

張氏。

魏書官氏志叱羅氏後改爲羅氏。

魏書有羅結傳代人其先世領部落爲國附臣西秦錄有部將叱羅侯平遠將軍叱羅健南史杜幼

安傳有侯景儀同叱羅子通。

周書晉蕩公護傳。叱羅協。恒州代郡太平縣人。魏恭帝三年。賜姓宇文氏。協既受晉公。護重委冀得婚。連帝室。乃求復舊姓。叱羅氏。高祖許之。

又張照傳。照字士鴻。河間鄭人。父羨。從魏武帝入關。周太祖引為從事中郎。賜姓叱羅氏。

庾信有周大都督陽林伯長孫瑒夫人羅氏墓志。銘即叱羅協之女也。

隋書郭衍傳。衍字彥文。自云太原介休人也。周建德中。賜姓叱羅氏。開皇元年。勅復舊姓為郭氏。

氏族略。叱羅氏改為羅氏。又云張氏後周改賜叱羅氏。隋復舊。

唐書宰相世系表。河間張氏。漢常山景王耳之後。世居鄭縣。後周有司成中大夫虞鄉定公張羨。賜姓

叱羅氏。生照。隨冀州刺史。復為張氏。

宋濂張氏圖譜序。宇文周之時。嘗命叱羅氏為張氏。

按張羨之復為張氏。猶之郭衍之復為郭氏也。宋氏之說不知何據。

普陋茹氏。茹一作如。

茹氏。

普六茹氏。茹一作如。

魏書官氏志。普陋茹氏後改為茹氏。廣韻同。又云普。魏三字姓。周書楊忠。賜姓普。大如氏。後魏書有普陋如氏。

周書楊忠傳。忠弘農華陰人。魏恭帝初。賜姓普六如氏。隋書高祖紀。作普六茹氏。齊王。憲王軌。皆稱高祖為普六茹堅。

隋書楊尙希傳尙希弘農人也受書長安入太學周太祖嘗親臨釋奠尙希年十八合請孝經詞旨可觀太祖奇之賜姓普六茹氏

氏族略普陋茹氏改爲茹氏又云周書楊忠賜姓普六茹氏疑與普陋茹同茹或作如

舊唐書李懷光渤海靺鞨人本姓茹其先徙于幽州以戰功賜姓李氏

賀葛氏

葛氏

魏書官氏志賀葛氏後改爲葛氏氏族略同

按賀葛地名周書段永傳天和四年永率兵北道講武卒于賀葛城

是賁氏

封氏

魏書官氏志是賁氏後改爲封氏廣韻氏族略同

北史封敕文傳敕文代人本姓是賁魏書敕文亦有傳

魏書序紀有文皇帝后封氏又世祖紀有尙書封鐵散騎常侍封撥高祖紀有將軍封匹

阿伏干氏廣韻阿烏何切

阿氏

阿伏氏。宋書索慶傳。慶將阿伏斤。

魏書官氏志。阿伏干氏。後爲阿氏。廣韻同。干作于。

氏族略。阿伏干氏改爲阿氏。又云阿伏爲阿。阿賀亦爲阿。

可地延氏。

延氏。

可地氏。

魏書官氏志。可地延氏。後改爲延氏。

氏族略。可地延氏改爲延氏。又云可地氏改爲延氏。

阿鹿桓氏。

鹿氏。

桓氏。

阿鹿元氏。

魏書官氏志。阿鹿桓氏。後改爲鹿氏。

氏族略。阿鹿桓氏改爲桓氏。又云阿鹿元氏改爲鹿氏。

他駱拔氏。廣韻他作佗。託何切。姓氏急就篇亦作佗。



駱氏。

地駱拔氏。

魏書官氏志他駱拔氏後改爲駱氏。廣韻同。

氏族略地駱拔氏改爲駱氏。

薄奚氏。

薄氏。

奚氏。

魏書官氏志薄奚氏後改爲薄氏。

氏族略薄奚氏改爲奚氏。

烏丸氏。

烏桓氏。

桓氏。

後漢書烏桓傳烏桓者本東胡也漢初匈奴冒頓滅其國餘類保烏桓山因以爲號氏姓無常以大人

健者名字爲姓。唐書斛薛傳烏羅渾比烏丸或曰古丸。

魏書官氏志烏丸氏後改爲桓氏。氏族略同。

又序紀始祖五十八年。始祖不豫。烏丸王庫賢親近任勢。受晉衛瓘之貨。沮動諸部。

周書王德傳。德字天恩。代郡武川人。魏孝武西遷。以奉迎功。賜姓烏丸氏。

又王軌傳。軌太原祁人。小名沙門。漢司徒允之後。世為州郡冠族。累葉仕魏。賜姓烏丸氏。鄭譯傳稱烏丸軌。

舊唐書王珪傳。珪字叔玠。太原祁人也。在魏為烏丸氏。曾祖神念自魏奔梁。復姓王氏。金石錄有天和七年三月溫州

刺史烏丸僧修墓志。即王僧辨之弟。

陳書高祖紀。有齊和州刺史烏丸遠。隋書豆盧通傳。有尉迴所署荊州刺史烏丸尼。北史作烏丸尼。廣韻急就篇俱

作烏丸泥。

廣韻官氏志。其諸方雜人來附者。總謂之烏丸。各以多少稱。曾庶長。分為南北部。

素和氏。

和氏。

魏書官氏志。素和氏。後改為和氏。

魏書有和跋傳。代人。世領部落。為國附臣。又有和其奴傳。代人。又太祖紀。有林官將和突。高宗紀。有

員外郎昌邑侯和天德。又爾朱榮傳。并州牧子素和。婆崙嶮作逆。榮討之。平。又後趙錄。有宜陽公素

和明。北齊書安德王延宗傳。有和阿干子。

北齊書佞幸傳。和士開。清河臨漳人。其先西城商胡。本姓素和氏。

氏族略。素和氏。鮮卑檀石槐之支裔。後魏有尙書素和跋弟毗。又將軍素和突。後魏書以本白部。故號素和。

按魏書序紀。始祖三十九年夏四月。祭天。諸部君長皆來助祭。惟白部大人觀望不至。徵而戮之。又穆帝三年。白部大人叛。入西河。帝使平文皇帝將騎二萬助晉。劉琨擊之。大破白部。此素和之所本也。然外國傳勿吉國。旁原自有素和國。氏族略之言。恐未足深信耳。

按隋書劉方傳。陳永貴。隴右胡人也。本姓白氏。唐書吐蕃傳。吐谷渾大臣素和貴奔吐蕃。

吐谷渾氏。廣韻吐他魯切。谷余蜀切。

渾氏。

魏書官氏志。吐谷渾氏。依舊吐谷渾氏。

又吐谷渾傳。吐谷渾。本遼東鮮卑徒河涉歸子也。涉歸一名奕洛韓。庶長曰吐谷渾。少曰若洛慮。涉歸死。若洛慮代統部落。別爲慕容氏。吐谷渾遂西附陰山。旋徙上隴。止于抱罕。子吐延。吐延子葉延。自謂曾祖奕洛韓。始封昌黎公。吾爲公孫之子。案禮。得以王父字爲氏。遂以吐谷渾爲氏焉。

西秦錄有吐谷渾握達。吐谷渾覓地。吐谷渾元緒。魏書高宗紀有相州刺史西平郡王吐谷渾權。高祖紀有白蘭王吐谷渾翼世。

氏族略。吐谷渾爲渾。又云吐谷渾止青海之西。或有歸中國。因氏焉。

胡古口引氏。

侯氏。

古口引氏。

古引氏。

魏書官氏志。胡古口引氏。後改爲侯氏。

廣韻。虜三字姓。後魏書有古口引氏。

氏族略。古引氏改爲侯氏。

賀若氏。廣韻。北俗謂忠良爲賀。若孝文以其先祖有忠直之稱。遂以賀若爲氏。

魏書官氏志。賀若氏依舊賀若氏。

周書有賀若敦傳。代人。隋書有賀若誼傳。卽敦弟。又賀若弼傳。卽敦子。北齊書。任延敬傳。有潁川長

史賀若徽。周書。王謙傳。有司錄賀若昂。隋書。梁睿傳。有將賀若震。唐書。高祖紀。有沙州總管賀若懷

廓。王涯傳。有客賀若夷。北史賀若敦傳。敦河洛陽人也。其先居漢北。世爲部落大人。

氏族略。賀若氏代居玄朔。隨魏南遷。北族謂志正爲賀若。因以命氏。孝文時代人咸改單氏。惟賀若不

改。遠祖達羅安樂王。

谷渾氏。

渾氏。

魏書官氏志。谷渾氏。後改爲渾氏。

唐書宰相世系表。渾氏出自匈奴渾邪王。隨拓拔氏徙河南。因以爲氏。唐書有渾城傳

氏族略。谷渾氏。吐谷渾歸化。因氏焉。

匹婁氏。匹一作正。

婁氏。

魏書官氏志。帥匹婁氏。後改爲婁氏。

魏書節義傳有婁提。代人。顯祖紀有吐谷渾什寅。渠帥匹婁拔累。北齊書有婁昭。周書婁昭俱作正。婁昭俱外戚。

傳有婁叡。卽昭兄子。

北齊書皇后傳。神武明皇后。婁氏。諱昭君。贈司徒內干之女也。嘗寢疾。衣忽自舉。用巫媼言。改姓石氏。

卽昭姊

氏族略。正婁千內女爲齊神武皇帝高歡后。生文宣等三帝。

俟力伐氏。廣韻俟牀史切

鮑氏。

俟力代氏。

俟氏。

俟力氏。

魏書官氏志。俟力伐氏。後改為鮑氏。

氏族略。俟力代氏。改為俟氏。又云俟力氏。改為鮑氏。

吐伏盧氏。廣韻吐他香切

盧氏。

吐盧氏。

魏書官氏志。吐伏盧氏。後改為盧氏。

魏書有盧魯元傳。昌黎徒河人。

又高車傳。高車十二姓。二曰吐盧氏。

廣韻。虜複姓。後魏書有吐盧、沓盧、呼盧、東盧等氏。三字姓有吐伏盧、奚計盧、莫胡盧三氏。

牒云氏。廣韻牒徒協切

云氏。

牒氏。

魏書官氏志。牒云氏。後改為云氏。廣韻牒徒協切

北齊書張保洛傳。牒舍樂武成初開府儀同三司營州刺史。封漢中郡公。亦見蓋容傳。氏族略作牒云樂。

是氏。

元氏。

是育氏。

魏書官氏志。是云氏後改爲是氏。

周書文帝紀有東魏將是云寶殺其東揚州刺史那椿。以州來附。北齊書魏雄傳作是育寶。

氏族略。是云氏改爲是氏。又云是云氏改爲元氏。

叱利氏。廣韻叱昌栗切。

利氏。

叱列氏。

叱伏列氏。

叱列伏氏。

叱呂氏。

魏書官氏志。叱利氏後改爲利氏。

周書楊紹傳。紹字子安。弘農華陰人。大統末。賜姓叱利氏。

北史楊愔傳。有都督叱利騷。

廣韻。後魏官氏志。有叱呂、叱門、叱利、叱列、叱盧等氏。亦三字姓。周有叱伏列龜。

氏族略。叱利氏。一云叱列。西部大人。世爲酋帥。後魏初。各依舊爲叱利氏。後周改爲利氏。又云代北三字姓。有叱伏列氏。

魏書有叱列延慶傳。代西部人。世爲酋帥。北齊書有叱列平傳。卽延慶子。周書有叱列伏龜傳。代郡西部人。世爲部落大人。魏初入附。遂世爲第一領民酋長。又魏書爾朱榮傳。有瓜肆敕勒。叱列步若。反于沃陽。榮滅之。北齊書任延敬傳。有都督叱列陁堯。雄傳有叱列延。周書韋孝寬傳。有小司徒叱列長文。卽平子。北史薛孝通傳。有叱呂延慶。卽叱列延慶周書藝術姚僧坦傳。有大將軍永世公叱伏列

椿。卽龜子。

副呂氏。廣韻。副數救切。

副氏。

呂氏。

魏書官氏志。副呂氏。後改爲副氏。廣韻同。

氏族略。副呂氏改爲副氏。又云副呂氏改爲呂氏。



那氏

破落那氏

魏書官氏志那氏依舊那氏

周書文帝紀有揚州刺史那椿後燕錄有魏遼西太守那頡

又序紀昭成皇帝建國三年春始置百官分掌衆職東自濊貊西及破落那莫不款附

氏族略破落那氏太宛之後改爲那氏

如羅氏

如氏

魏書官氏志如羅氏後改爲如氏廣韻氏族略同

乞扶氏

扶氏

魏書官氏志乞扶氏後改爲扶氏

魏書爾朱榮傳有秀容內附胡民乞扶莫干北齊書廣甯王孝珩傳有叛臣乞扶令和南史侯安都

傳有北齊儀同乞扶無芳

阿單氏

單氏。

魏書官氏志阿單氏後改爲單氏。氏族略同。

侯幾氏。侯機氏。魏書賀拔勝傳有侯機長貴。

幾氏。

侯幾氏。

幾氏。

魏書官氏志侯幾氏後改爲幾氏。

爾朱榮傳有万侯醜奴涇州刺史侯幾良貴。

氏族略侯幾氏改爲幾氏。廣韻同。

賀兒氏。廣韻兒汝移切與兒寬姓五稽切者異姓氏急就篇同。

兒氏。

魏書官氏志賀兒氏後改爲兒氏。廣韻氏族略同。

吐奚氏。廣韻吐他魯切。

古氏。

吐古氏。

魏書官氏志吐奚氏後改爲古氏。

魏書有古弼傳代人。宋書宋慶傳稱建興公吐奚愛弼。

氏族略後魏吐古弼大人本姓吐奚名華後魏司徒賜姓古名弼。華當作筆。

出連氏。

畢氏。

魏書官氏志出連氏後改爲畢氏。

西秦錄乞伏國仁隴西鮮卑人也其先有如弗斯引出連叱盧三部。晉書載記如弗斯引出連乞都征北將軍出連度。

西秦錄乞伏述延時有出連高胡爲左輔將軍乞伏乾歸時有南川侯出連乞都。

甯朔將軍出連輔政。氏族略胡作明又有雍州刺史出連本乞都作乞都尉。

氏族略西秦錄乞伏國仁之先如弗與出連斯引叱靈三部自漠北出陰山又云出連爲畢。

如弗斯引氏。

如弗斯氏。

如弗氏。

斯引氏。

西秦錄見上。

晉書載記見上。

氏族略見上。

西秦錄乞伏述延時有斯引烏溼爲左輔將軍。

庾氏。

魏書官氏志庾氏依舊庾氏。

魏書有庾業延傳代人世典畜牧稍轉中部大人太祖紀有安遠將軍庾悅建義將軍庾真。

賀拔氏。

何氏。

魏書官氏志賀拔氏後改爲何氏。

周書賀拔勝傳勝字破胡其先與魏同出陰山。魏書亦有賀拔勝傳神武尖山人。

魏書肅宗紀有柱洛周武川王賀拔文興北齊書有賀拔允傳卽勝兄又神武紀有賀拔焉過兒斛

律羨傳有中領軍賀拔伏恩安德王延宗傳作佛恩周書孝閔帝紀有宮伯賀拔提姓氏急就篇唐

有賀拔恕延嗣庾信周柱國大將軍大都督同州刺史段永神道碑有使持節車騎大將軍儀同三

司賀拔軌。

廣韻北方謂土爲拔爲其總有地土時人相賀因爲賀拔氏。氏族略北人謂地爲拔言總稱其地而人相賀因爲氏。

叱呂氏。呂氏。

叱呂引氏。

叱閭氏。

魏書官氏志叱呂氏後改為呂氏。氏族略同。

魏書有呂洛拔傳。代人。曾祖渴侯。昭成時率戶五千歸國。高祖紀。太和十三年。蠕蠕別帥叱呂勤率衆內附。

隋書觀德王雄傳。雄初名惠。高祖族子也。父納仕周。歷八州刺史。儻城縣公。賜姓叱呂引氏。北史楊紹傳。紹字子安。弘農華陰人。大統四年。賜姓叱呂引氏。

金石錄有神龜元年叱閭神寶修闕城銘。

莫那婁氏。

莫氏。

那樓氏。末那婁氏。末那樓氏。

魏書官氏志莫那婁氏後改為莫氏。

魏書有莫言傳。莫題傳。代人。

氏族略。莫那婁氏。代人。後魏中山太守高邑公莫那婁。題後無聞。

後魏錄支雄攻安次。斬其部大人那樓奇。

魏書序記。昭皇帝四年。末那婁大人倍斤八居遼東。後燕錄。襄城公末那樓富。

奚斗盧氏。

索盧氏。

奚什盧氏。

奚計盧氏。

盧氏。

魏書官氏志。奚斗盧氏。後改爲索盧氏。

按索盧本漢姓。後漢書。獨行列傳。索盧放。字君陽。東郡人也。注索盧姓也。

廣韻。虜三字姓。有吐伏盧。奚計盧。莫胡盧三氏。

氏族略。奚什盧爲盧。又云奚什盧氏。官氏志改爲索盧氏。

莫蘆氏。

蘆氏。

莫盧氏。

盧氏。

莫胡盧氏。

陽氏。

魏書官氏志莫蘆氏後改爲蘆氏。廣韻同

氏族略莫蘆氏改爲蘆氏後復去草又云莫盧氏改爲盧氏。

周書楊纂傳纂廣甯人太祖時賜姓莫胡盧氏。

氏族略莫胡盧氏代人孝文改爲陽氏。

出大汗氏。

韓氏。

步大汗氏。

步六汗氏。

大汗步氏。

步汗氏。

潘六奚氏。

破六韓氏。一作破六汗

破落汗氏。一作破落韓

魏書官氏志出大汗氏後改爲韓氏

氏族略步大汗氏出自塞北遷中土

北齊書有步大汗薩傳太安狄那人尉律金傳作大汗步薩暴顯傳作步汗薩南史梁元帝紀作步大汗薩姓氏急就篇作步大汗薩

北齊書破六韓常傳常字保平附化人匈奴單于之裔也右谷蠡王潘六奚沒于魏其子孫以潘六奚

爲氏後人訛誤以爲破六韓世領部落魏書孝莊紀作破落韓

魏書肅宗紀正光五年三月沃野鎮人破落汗拔陵聚衆反北齊書作破六韓拔陵周書作破六汗拔陵即常宗人北史爾朱

天光傳有沃野鎮賊帥破六韓怛寅北齊書上黨剛肅王渙傳有庫真都督破六韓伯昇周書尉遲

迴傳有侯正破六汗哀

按破落汗地名唐書地理志吐俱麟川傍水行經破落汗山賀悅泉百三十一里至步越多山

沒路真氏

曙氏

魏書官氏志沒路真氏後改爲路氏氏族略同

扈地干氏廣韻扈侯古切

扈氏

魏書官氏志扈地干氏後改爲扈氏氏族略同



莫輿氏。廣韻莫各切。

輿氏。

魏書官氏志莫輿氏後改爲輿氏。氏族略同。

紇干氏。

干氏。

魏書官氏志紇干氏後改爲干氏。

周書田弘傳弘字廣略高平人大統中賜姓紇干氏。廣信有周柱國大將軍紇干弘神道碑即田弘也北齊書斛律光傳稱周柱國紇干廣略。

周書宇文護叔母紇干舊唐書韋雲起傳雲起護突厥兵討契丹部軍中有犯約者斬紇干一人以徇。又恒山王承乾傳有刺客紇干承基吐蕃傳有御史大夫紇干遂刑法志有庫部郎中知制誥紇

干泉宋史藝文志有紇干俞賦格一卷。

氏族略紇干氏代人孝文改爲干氏。

侯伏斤氏。

伏氏。

斤氏。

侯氏。

魏書官氏志。俟伏斤氏。後改爲伏氏。

魏書王建傳有宜陽公伏樹。

氏族略。俟伏斤氏改爲伏氏。疑與候伏斤同。又云俟伏斤爲斤氏。又云俟奴爲俟。俟伏斤亦爲俟。

是樓氏。

高氏。

是婁氏。

魏書官氏志。是樓氏。後改爲高氏。

氏族略。是樓爲高。

廣韻。後魏書有是連、是婁、是賁三氏。

尸突氏。

屈氏。

屈突氏。

魏書官氏志。尸突氏。後改爲屈氏。

魏書有屈遵傳。遵字子皮。昌黎徒河人。隋書于仲文傳有始州刺史屈突尙。酷吏崔弘度傳有武侯驃騎屈突蓋。舊唐書有屈突通傳。其先蓋昌黎徒河人。又張行成傳有都督屈突仲翔。卽通孫。

氏族略。屈突氏本居玄朔。後徙昌黎。孝文改爲屈氏。至西魏復本姓。

沓盧氏。廣韻。沓徒合切。

沓氏。

魏書。官氏志。沓盧氏。後改爲沓氏。氏族略同。

嗛石蘭氏。廣韻。嗛烏沒切。

石氏。

溫石蘭氏。

溫若蘭氏。

烏石蘭氏。

烏氏。

魏書。官氏志。嗛石蘭氏。後改爲石氏。

氏族略。溫石蘭氏改爲石氏。又云代北三字姓有溫若蘭氏。又云烏石蘭爲石亦爲烏。

庾信周冠軍公夫人烏石蘭氏墓志銘。夫人樂陵人。晉司徒樂陵公苞後子孫就封。因家焉。祖行代郡尹。父魏司空蘭陵郡公司空佐命魏朝少傅丞。疑周室並爲大族。俱蒙賜姓。

唐書。烏重膺傳。石洪者字濬。以其先姓烏石蘭。後獨以石爲氏。韓愈集。以校理石君墓誌銘。君諱洪。字濬。其先姓烏石蘭。九代猛始從拓拔。

氏入夏居河南遂去烏與闕  
獨姓石氏而官號大司空

解枇氏廣韻解胡買切

解氏

解批氏 解拔氏

解毗氏

魏書官氏志解枇氏後改爲解氏

又高車傳其種有狄氏袁紇氏斛律氏解批氏護骨氏異奇斤氏

高車傳有解批莫弗幡豆建氏族略批作毗周書賀拔勝傳有費也頭解拔彌俄突亦見文帝紀

廣韻魏書有解批氏

氏族略解毗氏改爲解

奇斤氏廣韻奇渠基切

奇氏

異奇斤氏

魏書官氏志奇斤氏後改爲奇氏廣韻同

姓氏急就篇有後魏奇道顯

氏族略奇氏蠕蠕別帥歸中國後爲奇氏。

魏書高車傳見上。

袁紇氏。

叔袁紇氏。

魏書高車傳見上。

又太祖紀登國五年三月。虜高車袁紇部大破之。虜獲生口馬牛羊二十餘萬。

紀又有袁紇樹者。入蠕蠕。尋悔相率而降。北史陽平王新成傳。順陽王仲景前妻叔袁紇氏。

唐書回鶻傳。回紇其先匈奴也。俗多乘高輪車。元魏時亦號高車部。或曰敕勒。訛爲餗勒。其部落曰袁

紇。薛延陀契苾羽都播骨利幹多賢葛僕骨拔野固羅渾思結斛薛奚結阿跌白鬻凡十有五種。袁紇

者亦曰烏護。曰烏紇。至隋曰韋紇。

斛律氏。

魏書高車傳見上。

北齊書斛律金傳。金字阿六敦。朔州敕勒部人。高祖倍俟利道武時率衆內附。賜爵孟都公。

魏書肅宗紀有西部敕勒斛律洛陽反于桑乾西。又出帝紀有使持節車騎大將軍中軍大都督斛

律沙門。周書賀拔岳傳稱費也頭斛律沙門。北齊書又有斛律羌舉傳。太安人世爲部落酋長。又後主紀有司空斛律

阿列羅。又段榮傳有斛律彌娥突。又叱列平傳有斛律可那律。周書于謹傳有賊主斛律野穀祿。又楊綱傳有東魏行臺斛律俱。北史蠕蠕傳有領軍斛律桓。

氏族略斛律氏。代人世爲部落統帥。號斛律部。因爲氏焉。

須卜氏。

卜氏。

漢書匈奴傳。其大臣有呼衍氏、蘭氏、須卜氏。此三姓其貴種也。

傳又云復株累單于妻王昭君生二女。長云女爲須卜居次。小女爲當于居次。右骨都侯須卜當。卽王昭君女伊墨居次之壻也。又云當小男至長安。王莽拜爲卜單于。

後漢書南匈奴傳。匈奴異姓有呼衍氏、須卜氏、邱林氏、蘭氏四姓。爲國中名族。常與單于婚姻。呼衍氏爲左。蘭氏須卜氏爲右。

傳又云永平八年南部須卜管都侯等知漢與北虜交使。懷嫌怨欲畔。中平五年國人共立須卜骨都侯爲單于。

史記匈奴列傳。諸大臣呼衍氏、蘭氏。其後有須卜氏。此三姓其貴種也。須卜氏主獄訟。正義曰師古云呼衍卽今鮮卑姓呼延者也。蘭姓今亦有之。

晉書匈奴傳。其四姓有呼延氏、卜氏、蘭氏、喬氏。而呼延氏最貴。則有左日逐右日逐。世爲輔相。卜氏則

有左沮渠右沮渠。蘭氏則有左當戶右當戶。喬氏則有左都侯古都侯。

魏書官氏志須卜氏後改爲卜氏。略同族

邱林氏。

林氏。

邱氏。

後漢書南匈奴傳見上。

魏書官氏志邱林氏後改爲林氏。廣韻同

氏族略邱林氏改爲邱氏。

呼衍氏。

呼延氏。呼氏。

史記匈奴列傳漢書匈奴傳後漢書南匈奴傳晉書匈奴傳俱見上。

前趙錄劉淵母呼延氏劉豹劉淵劉聰妻皆呼延氏。又有呼延晏呼延翼呼延寔呼延顥呼延朗呼

延攸呼延謨後趙有呼延莫呼延晃。南燕錄有獄椽呼延年慕容超妻呼延氏

魏書太祖紀有離石胡帥呼延鐵尉元傳有胡人子都呼延籠達肅宗紀有涼州幢帥于菩提呼延

雄北齊書高乾傳高昂初以豪俠立名爲之羽翼者呼延族。

按呼延地名北齊書斛律金傳金為肆州刺史率所部于宜陽築楊志百家呼延三戌唐書地理志呼延都府貞觀二十年置領州三又中受降城正北如東八十里有呼延谷谷南口有呼延柵氏族略匈奴四族有呼衍氏入中國改呼延氏又云晉州稽胡初賜姓呼延居西州後魏正始中呼延勤為定州刺史

宋史有呼延贊傳

日知錄今有呼姓本呼延明初改

大莫千氏廣韻大徒蓋切千作于

郃氏廣韻郃侯聞切

莫干氏

魏書官氏志大莫千氏後改為郃氏廣韻同

氏族略周末尉遲迴傳大莫千元章生俊又云莫千為郃元廣韻作玄

余縣氏余一作爾

縣氏

魏書官氏志余縣氏後改為縣氏氏族略同

周書段永傳永字永賓其先遼西石城人晉幽州刺史匹磾之後永太祖時賜姓爾縣氏



庾信有周柱國大將軍大都督同州刺史余縣永神道碑。卽段永氏族略有後魏蠕蠕渠帥余縣他

拔。

蓋樓氏。

蓋氏。

樓氏。

蓋婁氏。

婁氏。

魏書官氏志蓋樓氏後改爲蓋氏。

魏書景穆十二王列傳蓋椒房生任城康王雲周書楊忠傳忠母蓋氏北海郡君。

氏族略蓋樓氏改爲蓋氏又云樓氏之後避仇改爲蓋又云蓋婁爲婁。

素黎氏。

黎氏。

素嵇氏。

魏書官氏志素黎氏後改爲黎氏。

魏書肅宗紀東蓋州刺史魏子建將黎叔和。

氏族略。素黎氏改爲黎氏。又云素稀氏改爲黎氏。

渴單氏。

單氏。

可丹氏。

魏書官氏志。渴單氏後改爲單氏。姓氏愈就篇同。

氏族略。渴單氏改爲單氏。又云可丹氏改爲單氏。

壹斗眷氏。

明氏。

壹鬲眷氏。

魏書官氏志。壹斗眷氏改爲明氏。

氏族略。壹斗眷氏改爲明氏。又云壹鬲眷爲明。

叱門氏。

門氏。

魏書官氏志。叱門氏後改爲門氏。氏族略同。

魏書節義傳。門文愛。汲郡山陽人。北史作文門愛。

宿六斤氏

宿氏

魏書官氏志宿六斤氏後改爲宿氏氏族略同

又宿石傳石朔方人赫連屈子弟文陳之曾孫也天興二年文陳歸闕祖若豆根太宗時賜姓宿氏後燕

錄有魏虎威將軍宿庫于庫一作吝即石之父

秘邗氏廣韻秘必切

秘邗氏

秘邗氏

邗氏

魏書官氏志秘邗氏後改爲邗氏

廣韻虜復姓後魏秘邗氏

氏族略秘邗氏改爲邗氏又云秘邗氏避仇改爲邗氏

土難氏

山氏吐難氏廣韻吐他魯切

魏書官氏志土難氏後改爲山氏

魏書有山偉傳。偉字仲才。河南洛陽人。其先代人。又爾朱度律傳。度律母山氏。北齊書。清河王岳傳。岳母山氏。周書。齊煬王憲傳。齊驍將山褥瓌。

氏族略。吐難氏改爲山氏。

屋引氏。

房氏。

屋氏。屋呂引氏。

魏書。官氏志。屋引氏。後改爲房氏。

西秦錄。秃髮傴檀臣屋引阿洛。又乞伏國仁以屋引出支爲右相。魏書。高車傳。彌俄突遣其莫何去汾。屋引叱賀真貢其方物。姓氏急就篇有西秦屋引破光。

北史房謨傳。謨字敬放。河南洛陽人也。其先代人。本姓屋引氏。

隋書。劉芳傳。房兆。代人也。本姓屋引氏。

唐書。宰相世系表。河南房氏。晉初有房乾。本出清河。使北留而不返。北俗謂房爲屋引。因改爲屋引氏。

乾子孫隨魏南徙。復爲房氏。而河南猶有屋引氏。唐雲麾將軍弘仁府統軍渭源縣公豐生。卽其後也。

氏族略。屋引氏本居玄朔。隨魏南遷。孝文改爲屋氏。周書。楊紹傳。紹賜姓屋呂引氏。隋初復舊。唐書世系表同。

按紹乃賜姓叱呂引。非屋呂引氏。

樹洛千氏。廣韻樹常句切千作于。

樹氏。

樹若千氏。

魏書官氏志樹洛千氏後改爲樹氏。廣韻同。

魏書蠕蠕傳太昌元年阿那瓌遣烏句蘭樹什代等朝貢。  
氏族略樹若干氏改爲樹氏。

乙弗氏。

乙氏。

魏書官氏志乙弗氏後改爲乙氏。氏族略同。

前燕錄有高句驪王乙弗利。

西秦錄永康四年乞伏熾盤討乙弗窟乾降其三千餘戶而還永康七年乙弗鮮卑烏地延率戶二萬來降。

南涼錄嘉平七年唾契汗乙弗等皆叛。

魏書乙瓌傳瓌代人也其先世統部落世祖時瓌父匹知慕國威化遣瓌入貢世祖因留之。又太祖紀登國元年五月護佛侯部帥侯辰乙弗部師代題叛走七月代題復以部落來降。

按乙弗部名亦地名。魏書、乙弗勿敵傳、吐谷渾北有乙弗勿敵國。隋書、劉芳傳、開皇初、馮昱以行軍總管屯乙弗泊以備胡。

北史、后妃傳、文帝文皇后乙弗氏、河南洛陽人也。其先世爲吐谷渾渠帥、居青海、號青海王。涼州平、后之高祖莫瓌擁部落入附、拜定州刺史、封西平公。自後三世尙公主、女多爲王妃。文帝紀作乙氏莫瓌卽乙瓌也。又乙弗朗傳、朗字通照、其先東部人也。世爲部落大人、與魏徙代、後因家上樂。

魏書、高宗紀、有東郡公乙渾。

北史作乙弗渾、又有內行長乙肆虎。

文成五王列傳、乙夫人生河間孝王若、陽平王熙傳、

武昌王和聘乙氏公主女爲妃。尉古真傳、有賀蘭部乙突。北齊書、循吏蘇瓊傳、有清河百姓乞普明、薛孤延傳、有韓樓尉帥乙弗醜。周書、賀拔勝傳、有州里豪傑乙弗庫根。尉遲迴傳、有開府乙弗亞。王謙傳、有乙弗虔。北史、外戚傳、有乙弗繪。封敕文傳、有廣川公乙烏頭。陽平王新成傳、有南武公敏培。柱國乙弗貴。舊唐書、方技傳、有乙弗弘禮。高麗人。宋史、宗室德彝傳、有儒生乙恕。

周書、趙貴傳、貴字元貴、天水南安人。太祖時、賜姓乙弗氏。

又趙肅傳、肅字慶雍、河南洛陽人。世居河西。大統十七年、賜姓乙弗氏。

# 魏氏補證卷四

宇文氏。

南氏。

侯汾氏。

破野頭氏。

費也頭氏。

也一作野 費也氏。

侯分氏。

尙氏。

後燕錄。宇文活潑。河南洛陽人也。其先南單于之遠族屬。仕慕容垂。爲唐郡內史。遼東公。魏平中山。入魏爲第一客。

魏書。官氏志。東方宇文慕容氏。卽宣帝時東部。此二部最爲強盛。別自有傳。又匈奴宇文莫槐傳。莫槐出于遼東塞外。其先南單于遠屬也。世爲東部大人。

魏書又有宇文福。宇文忠之二傳。

周書。文帝紀。太祖文皇帝。姓宇文氏。名泰。字黑獺。代武川人。其先出自炎帝神農氏。爲黃帝所滅。子孫

遷居朔野。至葛烏菟總鮮卑十二部落。世為大人。至晉回。得玉纁三紐。以為天授。俗謂天曰字。謂君曰文。因號字文國。并以為氏焉。

周書有宇文貴、宇文測、宇文虬、宇文盛、宇文神舉、宇文孝伯等傳。隋書有宇文忻、宇文慶、宇文弼、宇文文化及等傳。唐書有宇文士及、宇文融傳。宋史有文昌齡、宇文虛中、宇文紹節等傳。又隱逸傳有宇文之邵傳。餘字文氏在各傳者甚多。茲不載。

又按字文于周時為國姓。故賜姓獨多。非為繼三十六國九十九姓後也。今略記其人于左。

柳慶、王傑、李和、劉雄、韋叔裕、申徽、柳敏、唐瑾、趙昶、王悅、鄭孝穆。即北史崔謙。北史作崔士。即崔詵。

崔猷、薛善、合狐幣、劉志、張軌、李彥、李昶、韓雄。以上俱見周書本傳。 韋

瑱。北史本傳。 叱羅協。周書晉蕩公護傳。 李賢妻吳氏。李賢傳。 安定寮元。高寶傳。 鄭常。庚信鄭常神道碑。

隋書、宇文述傳。述字伯通。代郡武川人也。本姓破野頭。役屬鮮卑。俟豆歸。後從其王為宇文氏。

唐書、宰相世系表。宇文氏或云神農為黃帝所滅。子孫遷居北方鮮卑。俗呼草為俟汾。以神農有嘗草之功。因自號俟汾氏。其後音訛遂為宇文氏。

魏書、高車傳。高車十二姓。九曰俟分氏。

又云又有費也頭氏。臣伏鮮卑。俟豆歸。後其王主亦稱宇文氏。

魏書、高祖紀。延興二年八月。河西費也頭反。又出帝紀。永興三年正月。齊獻武王討費也頭于河西。



苦洩河大破之。又爾朱榮傳。敕勒斛律洛陽作逆。桑乾西與費也頭牧子迭相倚角。周書尉遲迴傳。東楚州刺史費也利進。

又尙可孤傳。可孤東部鮮卑宇文之別種。世處松漠閒。天寶末。隸范陽節度安祿山氏族。略南氏之爲宇文氏。又云費也頭氏與費野頭同。

慕容氏。

慕氏。

慕輿氏。

輿氏。興氏。

慕利氏。

豆盧氏。盧氏。

前燕錄。慕容廆曾祖莫護跋。昌黎棘城鮮卑人也。其先有熊氏之苗裔。世居北夷。邑于紫蒙之野。號曰東胡。其後與匈奴並盛。至廆始建國于棘城之北。見燕代少年多冠步搖。遂斂髮襲冠。諸部因呼之爲步搖。其後音訛。遂爲慕容焉。或曰慕二儀之德。繼三光之容。遂以慕容爲氏。魏志鮮卑傳注。魏書曰鮮卑東胡之餘也。別保鮮卑山。因號焉。從右北平以西至上谷爲中部十餘道。其大人曰柯最闕居慕容等。

魏書官氏志見上。

魏書有徒河慕容廆傳、慕容白曜傳、北齊書有慕容紹宗傳、慕容儼傳、隋書有慕容三藏傳、宋史有慕容延釗傳、梁書武陵王紀傳有麾下將慕容華、舊唐書薛舉傳有太宗大將慕容羅曠、屈突通傳有太僕卿慕容悉達、經籍志有慕容宗本五經類語十卷、又有慕容鍾、楊恭仁傳有右衛大將軍慕容寶節。

五代史記四夷附錄吐渾本號吐谷渾、或曰乞伏乾歸之苗裔、其大姓慕容、拓跋、赫連等族。又有慕容部人。

唐書吐谷渾傳、隋時其王慕容伏允、唐初有將慕容孝儁、又武衛將軍慕容實、貞元十四年以朔方節度副使左金吾大將軍慕容復爲長樂都督、青海國王襲可汗號、突厥傳有吐谷渾大會慕容道奴、吐蕃傳薛仁貴往定慕容氏、卽吐谷渾也、李靖傳吐谷渾伏允自經死、靖更立大甯王慕容順而還。

氏族略慕容氏音訛又爲慕輿氏、前燕錄有慕輿虎、領軍慕輿根、御史中丞慕輿干、司徒慕輿拔、又云慕利氏、後魏有吐谷渾主慕利延、與慕容氏同祖、又云慕容氏、後魏天賜末頗忌而誅之、時有免者皆以輿爲氏、延昌末始復舊姓。

周書賀拔勝傳、勝州里豪傑輿珍。

魏書慕容白曜傳。初慕容破後。種族仍繁。天賜末。頗忌而誅之。時有遺免。不敢復姓。皆以輿爲氏。延昌末。詔復舊姓。而其子女先入掖庭者。猶號慕容。特多于他族。北史以輿爲氏。作以輿爲氏。

前燕錄有領軍慕輿根。左衛慕輿于潛。南燕錄有尙書左僕射慕輿拔。

周書豆盧甯傳。甯字永安。昌黎徒河人。其先本姓慕容氏。前燕之支庶也。高祖勝以皇始中歸魏。授長

樂郡守。賜姓豆盧氏。或云避難改焉。庚信周柱國趙國公。州刺史。慕容甯神道碑。公諱甯。字永安。昌

姓豆盧。仍爲官族。○按原文云。高祖侍中使持節都督中外諸軍事。太保。錄尙書北地王。慕容超之世。屏藩王室。詳之燕錄。此引有脫誤。致不可通。

庚信周隴右總管長史。贈太子少保。豆盧公神道碑。公諱永恩。甯之字某。昌黎徒河人。本姓慕容。燕文

帝號之後也。尙書府君改姓豆盧。筮仕于魏。

唐書宰相世系表。豆盧氏本姓慕容氏。燕王廆弟西平王運生尙書令臨漳敬侯制。制生右衛將軍北

地愍王精。降後魏。北人謂歸義爲豆盧。因賜以爲氏。居昌黎棘城。氏族略。從此。

舊唐書。豆盧欽望傳。欽望。京兆萬年人也。祖寬。高祖以寬曾祖。魏太和。中例稱單姓。至是改寬爲盧

氏。永徽中。又復其姓爲豆盧氏。又有豆盧。珠傳。

隋書豆盧勣傳。勣字定東。昌黎徒河人也。本姓慕容。燕北地王精之後。中山敗。歸魏。北人謂歸義爲豆

盧。因氏焉。勣卽甯子。周書以爲永恩子。○按周書豆盧甯傳云。初甯未有子。養弟。永恩子勣及生。讓親屬請爲嗣。甯曰。兄弟之子。猶子也。遂以勣爲世子。

周書齊煬王憲傳。有開廣豆盧紹。賀拔岳傳。有侯莫陳悅。中兵參軍豆盧光。李賢傳。有原州民豆盧

獯隋書高祖紀有通直散騎常侍豆盧寔王世充傳殿中監豆盧達五代史記有豆盧瑑子革傳唐  
不具述  
盧氏甚多

舊唐書地理志唐河西節度使所統有豆盧軍

茂眷氏

茂氏

茂眷氏廣韻茂如融切

茂氏

眷氏

魏書官氏志南方有茂眷氏後改為茂氏

廣韻後魏書官氏志南方有茂眷氏改為茂氏

氏族略茂眷氏改為眷氏

宥連氏

雲氏

魏書官氏志宥連氏後改為雲氏

又太祖紀天興二年二月遣建義將軍庾真越騎校尉奚斤討庫狄部帥葉亦于宥連部帥竇羽泥于

大渾川大破之。

紇豆陵氏。

寶氏。

豆氏。

沒鹿回氏。

沒鹿氏。

魏書官氏志次南有紇豆陵氏後改爲寶氏。

又序記西紇入侵回民離散始祖神元皇帝依于沒鹿回部大人寶寶後寶從始祖率所部北居長川。

二十九年寶子陰謀爲逆始祖召殺之盡并其衆諸部大人悉皆款服。

魏書孝莊紀有紇豆陵步蕃北齊書蕃作藩出帝紀有費也頭帥紇豆陵伊利世祖紀有遼東寶漏頭北齊

書有寶泰傳大安捍殊人也本出清河觀津。

周書寶熾傳熾字光成扶風平陵人漢大鴻臚十一世孫章子統靈帝時爲雁門太守避寶武之難亡

奔匈奴遂爲部落大人後魏南徙子孫因家于代賜姓紇豆陵氏北史牛弼傳有神武公紇豆陵殺即熾兄子殺也煬信周趙國大人紇

豆陵氏墓志銘夫人趙國公字文楷之妻父織柱國大將軍人宗伯鄧國公即熾也。

又梁禦傳禦字善通其先安定人後官北邊家于武川改姓爲紇豆陵氏。

隋書吐萬緒傳有西河公紇豆陵洪。景王劭傳有亳州刺史紇豆陵恭。即熾北史尉遲迴傳有紇豆陵惠。

唐書宰相世系表寶統字敬道。雁門太守。以寶武之難亡入鮮卑。拓拔部。使居南境。代郡平城。以間窺中國。號沒鹿回部落大人。後得匈奴舊境。又徙居之。生寶。字刀延。襲部落大人。二子異他。他字建侯。亦襲部落大人。爲後魏神元皇帝所殺。併其部落。他生勤。字羽德。穆帝復使領舊部落。命爲紇豆陵氏。徙居五原。生子真。字玄道。率衆入魏。爲征西大將軍。至遼東。穆公巖從。孝武徙洛陽。自是遂爲河南洛陽人。子建昌。孝文帝之世復爲寶氏。

氏族略。紇豆陵氏代人。孝文改爲寶氏。又云。紇豆陵氏本沒鹿回部大人。或爲沒鹿氏。孝文改爲寶氏。

侯莫陳氏。廣韻陳直珍切

陳氏。

魏書官氏志。侯莫陳氏。後改爲陳氏。氏族略同

又太祖紀。天興二年。建義將軍庾真等破侯莫陳氏。獲馬牛羊一十餘萬頭。追殄遺迸。入大嶽谷。

魏書有侯陳悅傳。又有陳建傳。皆代人。又肅宗紀有杜洛周別帥侯莫陳升。北齊書有侯莫陳相傳。代人。祖伏頽。魏第一領民酋長。又安德王延宗傳有開府侯莫陳洛州。魏蘭根傳有歧州刺史侯莫

陳仲和。

周書侯莫陳崇傳崇字尙樂代郡武川人其先魏之別部居庫斛真水五世祖曰太骨都侯其後世爲渠帥

又劉亮傳亮中山人本名道德大統中賜名亮并賜姓侯莫陳氏庾信周驃騎大將軍開國侯侯莫陳道生墓誌銘君朔州武川人本系陰山出自國族降及于魏在秦作劉大統九年更姓侯莫陳氏

周書又有侯莫陳順傳卽崇兄也又齊煬王憲傳有柱國侯莫陳芮卽崇子又司馬消難傳有總管長史侯莫陳杲隋書有侯莫陳穎傳卽芮弟又庶人諒傳有諒大將軍侯莫陳惠李景傳有儀同三司侯莫陳又宋史佞幸傳有侯莫陳利用又藝文志女孝經一卷侯莫陳邈妻鄭氏撰舊唐書肅宗紀永王妃侯莫陳氏

庫狄氏廣韻庫苦古切

狄氏

鮮卑氏

魏書官氏志庫狄氏後改爲狄氏

又太祖紀天興二年二月遣建義將軍庾真越騎校尉奚斤討庫狄部帥葉亦千宥連部帥竇羽泥于大渾川破之庫狄勲支子沓亦千率其部落內附

又高車傳高車族有狄氏又肅宗紀有朔州城人庫狄豐樂

北齊書庫狄千傳千善無人曾祖越豆眷魏道武時以功割善無之西臘汗山地方百里以處之後率部落北遷因家朔方

北齊書又有庫狄迴洛傳庫狄盛傳懷朔人又慕容儼傳侯景麾下有庫狄曷賴僞署行臺狄暘又有代人庫狄伏連慕容紹宗傳有都督庫狄安盛

周書庫狄峙傳峙其先遼東人段氏匹磾之後因避難改焉後徙居代世為豪右姓氏急就

周書又有庫狄昌傳神武人又李賢傳有庫狄樂賢甥隋書有酷吏庫狄士文傳即千孫北齊書云千子又

張照傳有民部尙書代人庫狄嶽即峙子唐書裴行儉傳行儉妻庫狄氏又宇文融傳有勸農判官

假御史庫狄履溫又方技甄權傳有魯州刺史庫狄嶽

又按庫狄本地名北齊文宣紀天保六年討茹茹出塞至庫狄谷

氏族略鮮卑氏之後避仇改為庫狄又云庫狄氏後遷中夏

魏書序紀黃帝有子二十一人或內列諸華或外分荒服昌意少子受封北土國有大鮮卑山因以為

號後漢書鮮卑傳鮮卑者東胡之支也別依鮮卑山故因號焉元史有鮮卑仲吉傳中山人後涼錄有鮮卑思盤前燕錄有鮮卑木提

按鮮卑乃總號非鮮卑氏改為庫狄氏也北齊書神武紀稱庫狄千鮮卑老公斛律金敕老公

太洛稽氏

稽氏 大洛稽氏



大利稽氏。廣韻大徒蓋切。

郃氏。利稽氏。

魏書、官氏志。太洛稽氏。後改爲稽氏。

周書、蔡祐傳。祐字承先。其先陳留圉人。曾祖紹爲夏州鎮將。徙居高平。因家焉。大統十三年。賜姓大利

稽氏。

隋書、突厥傳有利稽察大。北史陽平王新成傳有大將軍大利稽祐。

氏族略。大利稽氏。官氏志改爲郃氏。

廣韻。後魏書南方大洛稽氏。後改爲稽氏。又云周書、蔡祐賜姓大利稽氏。

柯拔氏。

柯氏。

魏書、官氏志。柯拔氏。後改爲柯氏。廣韻同族略。

尉遲氏。廣韻尉紆勿切。

尉氏。

遲氏。

魏書、官氏志。西方尉遲氏。後改爲尉氏。廣韻同。

又太祖紀天興六年正月朔方尉遲部別帥率萬餘家內屬。

西秦錄討尉遲渴權于大非川時在前趙之前魏書有尉古真傳尉撥傳尉元傳世爲豪宗皆代人。又太宗紀有尉建世祖紀有赭陽子尉普文高祖紀有秦益二州刺史武都公尉洛侯孝莊紀有万俟醜奴大行臺尉遲菩薩。

北齊書尉景傳景字士真善無人也秦漢置尉候官其先有居此職者因以氏焉。

北齊書又有尉長命傳太安狄那人又張保洛傳有尉標代人又有尉瑾傳又平秦王歸彥傳長樂郡守尉普興

周書尉遲迴傳迴字薄居羅代人其先魏之別種號尉遲部因而姓焉。

又陳忻傳忻字永怡宜陽人魏恭帝二年賜姓尉遲氏。北史作陳欣

周書又有尉遲綱傳卽迴弟又有尉遲運傳卽綱子又賀拔勝傳有州里豪傑稽遲真檀。

隋書楊義臣傳義臣代人也本姓尉遲氏父崇仕周爲儀同大將軍尉迴作亂以宗族之故自囚于族高祖下書慰諭之後因賜義臣姓楊氏。

又鮑宏傳時有尉義臣者父崇不從尉迴後復與突厥戰死上嘉之將賜姓金氏訪及羣下宏對曰昔項伯不同項羽漢高賜姓劉氏秦真能死難魏武賜姓曹氏如臣愚見請賜以皇族高祖曰善因賜義臣姓楊氏。

唐書有尉遲敬德傳又曹確傳有樂工尉遲璋又吐蕃傳有左驍衛郎將尉遲環元史有尉遲德成

傳。

唐書于闐傳。王姓尉遲氏。名屋密。

傳。又有尉遲伏師戰尉遲珪等。皆王也。又有尉遲勝傳。本于闐王珪之子。天寶中入朝。玄宗以宗女妻之。

氏族略。尉遲氏與後魏同起。號尉遲部。如中國之諸侯國。孝文改為氏。又云尉遲改為遲。

步鹿根氏。氏族略。步鹿為步。又云步鹿斤為步。

步氏。步鹿斤氏。

魏書。官氏志。步鹿根氏。後改為步氏。廣韻。氏族略同。

破多羅氏。

潘氏。

羅氏。

魏書。官氏志。破多羅氏。後改為潘氏。廣韻同。

氏族略。破多羅氏改為潘氏。又云破多羅氏改為羅氏。

魏書。鐵弗劉虎傳。有姚興高平公破多羅沒奕干。

叱干氏。

薛氏。

魏書官氏志叱千氏後改爲薛氏。

夏錄魏殺劉衛辰勃勃奔叱千部叱千他斗伏送勃勃于魏。

夏錄又有御史大夫叱千阿利前涼錄張祚建號立叱千氏爲后。

魏書薛野豬傳野豬代人也父達頭自姚萇時率部落歸國。

北史有薛彪子傳卽野豬子魏書彪作虎北齊書作豹肅宗紀有賊帥叱千麒麟北史傳伏傳又有

儀同叱千苟生。

北齊書薛琰傳琰河南人其先代人本姓叱千氏卽豹子。

北齊書又有薛孤延傳代人也神武紀有幽州刺史叱千寶樂周書文帝紀有万俟普洛將叱千保

洛唐書張嘉貞傳張延賞將叱千遂。

氏族略叱千氏代人後魏獻帝定姓爲叱千氏居武川又云叱千氏改爲薛氏。

又按叱千地名明趙頡游九峻記乙速孤公碑在叱千村。

俟奴氏。

俟氏。

魏書官氏志俟奴氏後改爲俟氏氏族略同。

輓遲氏。

展氏。

魏書官氏志輓遲氏後改爲展氏。氏族略同。

費連氏。廣韻發扶涕切。

費氏。

魏書官氏志費連氏後改爲費氏。氏族略同。

夏錄有費峻。魏書有費于傳。代人祖峻。仕赫連昌爲甯東將軍。泰常末。率衆來降。北史有費穆傳。卽于孫。周書獨孤信傳。信母費連氏。常山郡君。又李賢傳。万俟醜奴黨費連少渾。

其連氏。

綦氏。

綦連氏。

魏書官氏志其連氏後改爲綦氏。

魏書有綦備傳。河南洛陽人。其先代人。

北齊書綦連猛傳。猛字武見。代人。其先姬姓。六國末。避亂出塞。保祁連山。因以山爲姓。北人語訛。故曰

綦連氏。

北齊書、安德王延宗傳、有武衛綦連延長。北史、尉遲迥傳、有開府綦連雄。隋書、庶人諒傳、諒大將軍綦良。舊唐書、武后紀、有綦連耀。元史、有綦公直傳。

氏族略、綦連氏、代人、號綦連部、卽以爲氏。又云綦連氏改爲綦氏。

姓氏急就篇、後魏改綦連氏爲綦氏。廣韻同。

去行氏。

艾氏。

魏書、官氏志、去行氏、後改爲艾氏。廣韻氏、族略同。

渴侯氏。廣韻渴、苦葛切。

緜氏。

紙氏。

魏書、官氏志、渴侯氏、後改爲緜氏。

齊書、王融傳、總錄則邾姓直勒渴侯。

氏族略、渴侯氏改爲侯氏。又云渴侯氏改爲紙氏。姓氏急就篇、後魏改渴侯氏爲紙氏。

叱盧氏。

祝氏。

叱靈氏。

魏書官氏志叱盧氏後改爲祝氏。氏族略

西秦錄乞伏國仁其先有如弗斯引出連叱盧三部。氏族略盧作靈。乞伏述延以叱盧那胡爲率義將軍。又有

建威將軍叱盧烏孤跋。

和稽氏。廣韻和戶戈切

緩氏。

如稽氏。緩稽氏。

魏書官氏志和稽氏後改爲緩氏。廣韻和稽氏後改爲緩氏。又云緩稽氏後改爲緩氏。

周書耿豪傳豪鉅鹿人其先仕于燕曾祖超率衆歸魏遂家于神武川大統十五年賜姓和稽氏。

氏族略和稽氏改爲緩氏。又云如稽氏改爲緩氏。

寃賴氏。就賴氏。氏族略就賴爲就

就氏。

寃賴氏。

魏書官氏志寃賴氏後改爲就氏。

魏書肅宗紀正光五年營州城人劉安定就德興據城反。

廣韻後魏書苑賴氏改為就氏氏族略同

唄盆氏廣韻唄烏沒切

温氏

温盆氏

温孤氏

温狐氏

魏書官氏志唄盆氏後改為温氏隋書康國傳康國者康居之後其王本姓温月氏人也

氏族略温盆氏改為温氏又云温孤氏改為温氏垂拱中有温孤元規又云温狐為温

達勃氏

襃氏一作

哀氏姓氏急就篇音裴

魏書官氏志達勃氏後改為襃氏

氏族略達奚氏改為襃氏

姓氏急就篇哀氏後魏達勃氏改

獨孤渾氏



杜氏。

魏書官氏志獨孤渾氏後改爲杜氏。氏族略同。

按獨孤渾氏當與獨孤氏同族。其改杜者亦猶獨孤之改劉。皆堯後也。故赫連氏亦改杜氏。



# 魏氏補證卷五

賀蘭氏。

賀氏。

魏書官氏志北方賀蘭氏後改爲賀氏。氏族略同。

又序記煬皇帝三年烈帝居干舅賀蘭部。

又太祖紀九年帝幸賀蘭部登國元年幸賀蘭部。

又外戚傳賀訥代人也太祖之舅獻明皇后之兄其先世爲君長四方附者數十部。

傳又有賀迷代人也清河王紹傳有肥如侯賀護。

周書賀蘭祥傳祥字盛樂其先與魏俱起有紇伏者爲賀蘭莫何弗因以爲氏。

又梁臺傳臺字洛都長池人大統中賜姓賀蘭氏。

又裴文舉傳文舉字道裕河東聞喜人魏恭帝二年賜姓賀蘭氏。

周書晉蕩公護傳有姑兒賀蘭盛洛。即祥。又藝術姚僧坦傳有大將軍襄樂公賀蘭隆又齊煬王憲齊

驍將賀蘭豹子又韋孝寬傳有大都督賀蘭貴又楊寬傳有開府賀蘭願德。

又蘇綽傳綽字令綽武功人弟椿字令欽大統初賜姓賀蘭氏。北史四魏文帝紀有暹昌太守賀蘭植即綽子。

唐書公主傳房陵公主下嫁竇奉。又嫁賀蘭僧伽。羅藝傳有守將賀蘭誼。玄宗紀有北海郡太守賀蘭進明。又后妃傳武士驥三女。伯嫁賀蘭越石。又李嗣真傳有賀蘭敏之。又侯君集傳。君集壻賀蘭楚石。宋書方技傳有賀蘭棲真。

唐書地理志夏州北經大非苦鹽池六十六里。至賀蘭驛。又王君奭傳有瀚海大都督賀蘭都督。隋書干仲文傳有總管賀蘭志。又趙才傳有武衛將軍賀蘭蕃。

郁都甄氏。

甄氏。

郁原甄氏。

魏書官氏志郁都甄氏後改爲甄氏。

氏族略郁原甄氏改爲甄氏。

魏書昭成子孫傳世祖初休屠郁原等叛常山王遵子素討之。

紇奚氏。

嵇氏。

奚氏。

拔氏。紇氏。

魏書官氏志。紇奚氏。後改爲嵇氏。

又太祖紀。登國五年。與慕容垂子賀麟討賀蘭。紇突鄰。紇奚諸部落。大破之。十一月。紇奚部大人庫寒舉部內屬。

又高車傳。紇突隣與紇奚世同部落。各有大人長帥。又萬安國傳。有奚技者。世爲紇奚部帥。其父根。始初率家歸魏。北史作嵇根。太祖紀皇始二年。賀蘭部附力眷。紇突鄰部帥。匿物尼。紇奚部帥。叱奴根聚黨反于陰館。安遠將軍庾悅討滅之。

魏書。太宗紀。獻懷長公主子嵇敬。又蠕蠕傳。正始三年。蠕蠕遣使。紇奚勿六跋朝獻。北齊書。王紇傳。有庫直。紇奚舍樂。北史。傅伏傳。有開府。紇奚永安。

氏族略。紇奚氏改爲拔氏。又云。紇奚氏改爲紇氏。

隣氏。

魏書太祖紀見上。又登國五年十二月。紇突隣大人屈地韃舉部內屬。

又高車傳見上。

氏族略。紇突隣氏改爲隣氏。

越勒氏。  
越氏。

魏書官氏志越勒氏後改爲越氏。

又太宗紀永興五年四月車駕西巡詔前將軍奚斤等先行討越勒部于跋那山七月奚斤等破越勒

倍泥部落于跋那山西跋那山奚斤傳作鹿那山越勒紀一作越勒

又高車傳高車有越勒倍泥部。

又閭大肥傳神瑞中大肥爲都將討越勒部于跋那山大破之。

魏書太武五王列傳越椒房生晉王伏羅北齊書斛律光傳周都督越勒世良北史魏敬宗紀文帝

元年以開府儀同三司越勒肱爲司空。

氏族略越勒氏後魏有越勒部因氏焉。

叱奴氏。

狼氏。

魏書官氏志叱奴氏後改爲狼氏。氏族略同又云四魏光祿大夫叱奴祐

又太祖紀登國五年九月討叱奴部于囊曲河大破之。

魏書庾業傳有紇奚部帥叱奴根北齊書上洛王思宗傳有叱奴世安周書孝閔帝紀有叱奴興武

帝紀武帝母曰叱奴皇后夏錄赫連勃勃將叱奴侯提。

渴燭渾氏。

味氏。

可朱渾氏。

朱氏。

可足渾氏。

渴燭氏。

魏書、官氏志、渴燭渾、後改爲味氏。

氏族略、渴燭渾氏、可朱渾氏、並改爲朱、又云渴燭渾、可足渾、疑與可朱渾同、而音轉矣。又云可足渾氏、白出代北、又居

朔玄、姓氏、急就篇、後魏渴燭渾氏改朱氏。

北齊書、可朱渾元傳、元字道元、自云遼東人、世爲渠帥、魏時擁衆內附。

前燕錄、慕容儁、后可足渾氏、尙書令豫章公翼從姊、後燕錄、有可足渾譚。氏族略、後燕有新汲侯、可足渾健、生譚平公。魏

書、世祖紀、太延元年三月、馮文通遣大將渴燭通朝獻、又節義傳、朱長生、代人也、北史、高車傳、員外

散騎侍郎、可足渾長生、陳書、吳明徹傳、齊扶風王、可朱渾孝裕、北齊書、燕子獻傳、可朱渾天和。即通、元弟

氏族略、前燕散騎常侍、可足渾澤常、姓氏急就篇、北齊、可朱渾道裕、唐、可朱渾定遠。廣韻、後魏并州、刺史、男、可朱渾

奴、買

唐書、地理志、夏州北渡烏水、經長澤、白城、百二十里、至可朱渾水源。

庫儻官氏。傳一作禪。廣韻庫苦故切。傳內沃切。

庫氏。

庫洛官氏。

魏書官氏志。庫儻官氏。後改爲庫氏。氏族略同。

後燕錄。有征南將軍庫儻官倬。北燕錄。馮跋別將有庫儻官斌。斌。魏書太宗紀稱徒何部落。幽州刺史漁陽公庫

儻官昌。征北將軍關內侯庫儻官提。又有庫儻官女生。魏書。太祖紀。有漁陽烏丸庫儻官韜。韜。王建傳作鳴。

氏族略。前燕錄。有岷山公庫儻官泥。生津。後燕。太師安定王魏大司農庫儻官乾。西河公庫儻官驥。

西秦錄。有安遠將軍庫洛官。魏書高車安遠將軍庫岳。

烏洛蘭氏。洛一作落。

蘭氏。

烏蘭氏。

烏氏。

烏洛侯氏。

魏書官氏志。烏洛蘭氏。後改爲蘭氏。

魏書高祖紀。有員外郎蘭英。又宗愛傳。有尙書左僕射蘭延。梁書武帝紀。魏建義城主蘭寶。



氏族略烏落蘭爲蘭。又云烏蘭氏改爲烏氏。廣韻魏書有烏落蘭氏。

唐書宰相世系表烏氏出自姬姓黃帝之後少昊氏以烏烏名官以世功命氏齊有烏枝鳴餘裔世居

北方號烏洛侯後徙張掖。北齊安德王延宗傳武衛關芙蓉隋書趙才傳仁壽大業間有蘭興浴。

魏書世祖紀太平真君四年烏洛侯遣使朝貢又烏洛侯傳烏洛侯國在地豆于之北去代都四千五

百里部落莫弗皆世爲之。

一那婁氏。

婁氏。

乙那婁氏。廣韻乙作一。

婁氏。

那婁氏。婁氏族略音婁。

魏書官氏志一那婁氏後改爲婁氏。

氏族略乙那婁氏改爲婁氏又云官氏志那婁氏改爲婁氏。宋書鮮卑吐谷渾傳慕容廆道遷父老及長史乙那婁追渾令還。

姓氏急就篇後魏改一那婁氏爲婁氏。

羽弗氏。

羽氏。

弗羽氏。

拂羽氏。

費羽氏。

黜弗氏。

燕弗氏。

魏書官氏志羽弗氏後改爲羽氏。廣韻同。

氏族略弗羽氏改爲羽氏。又云弗羽爲羽。拂羽亦爲羽。又云費羽氏改爲羽氏。又云黜弗氏改爲弗氏。

又云黜弗爲弗。燕弗亦爲弗。

魏書太祖紀登國六年三月遣九原公元儀陳留公元虔等西討黜弗部大破之天興四年十二月詔

材官將軍和突率騎六千襲黜弗素古延等部。

又高車傳黜弗素古延等部富而不恭。

魏書太武五王列傳弗椒房生臨淮王譚。

普屯氏。

普毛氏。

周書辛威傳威隴西人大統十三年賜姓普毛氏。北史作普屯氏北齊書斛律光傳有周柱國抱罕公普屯威庚信有周上柱國宿國公河州都督普屯威

神道碑皆指辛威也。廣韻引周書亦云辛威賜姓普屯氏。

按屯古多作毛。漢書儒林傳毛莫如少路。宋景文引蕭該音義案風俗通姓氏篇有屯莫如屯徒本反。溝洫志屯氏河。隋書誤稱毛氏河。置毛州。

侯伏侯氏。

侯伏氏。

侯氏。侯伏龍氏。

周書侯植傳植字仁幹。上谷人。大統元年賜姓侯伏侯氏。後又賜姓賀屯。北史作賜姓侯伏氏氏族略同。

魏書爾朱天光傳。万俟醜奴太尉侯伏侯元進。周書賀拔岳傳作侯元進。隋書經籍志國語物名四卷。國語雜物

名三卷。後魏侯伏侯可悉陵撰。

唐書宰相世系表侯植從魏孝武西遷。賜姓侯伏氏。又賜姓賀吐氏。其後復舊。

廣韻侯虜三字姓。周有大將軍侯伏龍氏名恩。

按侯伏侯龍恩即植從兄。廣韻誤也。

賀屯氏。

賀吐氏。吐賀氏。

周書侯植傳見上。

唐書宰相世系表見上。氏族略後魏有吐賀真。

侯呂陵氏。

侯呂陵氏。廣韻牀史切

侯呂隣氏。

呂氏。侯呂氏。

周書韓褒傳。褒字弢業。其先潁川潁陽人。徙居昌黎。太祖為丞相。引褒為錄事參軍。賜姓侯呂陵氏。廣

氏族略俱作侯呂陵氏。

魏書太祖紀。登國八年三月。車駕西征。侯呂隣部。夏四月。至苦水。大破之。

又高車傳。高車有侯呂隣部。

魏書蠕蠕傳。豆崙妻侯呂陵氏。北史馮子琮傳。有右衛大將軍侯呂芬。亦見祖珽傳。周書尉遲迥傳。

有開府侯呂陵始。

氏族略。侯呂陵氏改為呂氏。周賜韓裒姓侯呂陵氏。又云韓褒之為侯呂隣氏。又云侯呂隣為呂。

可頻氏。可叱氏。

周書王雄傳。雄字胡布頭。魏恭帝元年。賜姓可頻氏。廣韻同北齊書斛律光傳有周柱國庸國公可叱雄。即王雄。

氏族略。王雄子謙為隋文帝所滅。建中中。藍田尉可頻瑜。其後也。

徒何氏

徒河氏

周書李弼傳弼字景和遼東襄平人魏廢帝元年賜姓徒何氏北史作徒河氏

按徒何地名魏書徒何慕容廆傳廆以遼東僻遠徙于徒何之青山

庫汗氏

周書王勇傳勇代武川人魏恭帝元年賜姓庫汗氏

周書文閔明武宣諸子列傳武帝生七男庫汗氏生秦王贇曹王允氏族略唐貞元范陽判官殿中

御史庫汗勃史通唐史謝偃傳本姓庫汗氏

大野氏廣韻大徒蓋切

周書閻慶傳慶字仁慶河南河陰人曾祖善仕魏歷龍驤將軍雲州鎮將因家于雲州之盛樂太祖時

賜姓大野氏隋初復舊

舊唐書高祖本紀高祖神堯大聖光孝皇帝姓李氏諱淵其先隴西狄道人皇祖諱虎後魏右僕射封

隴西郡公姓大野氏至隋文帝作相復本姓

魏書前廢帝紀有武衛將軍大野拔北史薛孝通傳有大野胡也拔周書孝賢傳有都督大野樹兒

氏族略後魏有都督大野況又龍驤將軍謝懿賜姓大野氏

羽真氏。

高氏。

周書高琳傳琳字季珉其先高句驪人五世祖宗自燕率衆歸魏拜第一領民會長賜姓羽真氏。魏書顯祖紀皇興二年羽真國遣使朝獻又勿吉傳勿吉國旁有羽真侯國。

氏族略高麗羽真氏改爲高氏。

唐書宰相世系表宇文自原孫跋後魏羽真尙書居庸侯。

乙速孤氏。

北史節義傳乙速孤佛保北秀容胡曾也。

唐苗神容乙速孤昭祐碑昭祐名神慶本姓王氏太原人五代祖顯魏驃騎大將軍賜姓乙速孤氏遂

爲京兆醴泉人。碑見明趙燾石壘鐫華又有唐劉憲乙速孤行德碑行德神慶子也。

氏族略乙速孤氏代人隨魏南遷。金石錄有麟德元年乙速孤晟碑。

賀悅氏。

賀遂氏。

廣韻賀後魏書有賀葛賀婁賀兒賀遂賀悅等氏。

氏族略呼延勤爲定州刺史于定陽鎮賜姓賀遂氏因住南汾州件城縣音訛者又爲賀悅又云賀悅

氏。姓纂云。今關西有此姓。

周書。于謹傳。夏州賊賀遂有伐。北史。裴延儻傳。五城郡山胡賀悅回成。

唐書。地理志。吐俱麟川。傍水行。經破落汗山。賀悅泉。有三十一里。至步越多山。

吐萬氏。廣韻吐他魯切

廣韻。吐。後魏書有吐奚。吐難。吐萬氏。

氏族略。吐萬氏。代人。世爲部落酋帥。

隋書有吐萬緒傳。代郡鮮卑人。北史。薛孝通傳有吐萬仁。周文帝紀有吐萬兒。

統奚氏。

統嵇氏。

嵇氏。

廣韻。奚。後魏書有達奚。統奚。吐奚等四氏。

氏族略。統嵇氏改爲嵇氏。

呼盧氏。

廣韻。盧。後魏書有吐盧。沓盧。呼盧。東盧等氏。

東盧氏。

廣韻見上。

乙千氏。

廣韻後魏有乙千貴。

氏族略乙千氏代人隨魏南徙。

叱李氏。○按原本此條眉上記叱李氏宜附叱列氏下今仍其舊李氏。

廣韻後魏官氏志有叱呂叱門叱利叱李叱列叱盧等氏。

氏族略叱李氏改爲李氏。

隋書高祖紀開皇二年以上柱國叱李長又爲蘭州總管。疑卽叱列長文

斛斯氏。

廣韻後魏有斛斯延。

氏族略斛斯氏其先居廣莫世襲莫弗大人號斛斯部因氏焉。

魏書有斛斯椿傳。北史椿傳椿先世爲莫弗大人又出帝紀有車騎將軍揚州刺史斛斯敦豫州刺史斛斯壽周書

有斛斯徵傳卽椿子隋書有斛斯政傳卽椿孫又衛玄傳有通議大夫斛斯萬善北齊書方技皇甫

玉傳有舍人斛斯洪慶唐書馬周傳有斛斯正解調馬。

統萬氏。



萬氏。

氏族略。統萬氏改爲萬氏。

魏書。萬安國傳。安國。代人也。祖真。世爲酋帥。恆率部民從世祖征伐。

魏書。世祖紀。有散騎常侍成周公萬度歸。又顯祖紀。有駙馬都尉萬古真。

爾朱氏。

氏族略。爾朱氏。其先契胡部落大人。爾朱羽健從駕平晉陽。定中山。有功。割秀容三百里封之。以爲世業。

魏書。爾朱榮傳。榮。北秀容人也。其先居于爾朱川。因爲氏焉。常領部落。世爲酋帥。魏書爾朱氏甚多。今俱不載。

北齊書。有爾朱文暢傳。榮弟四子。又綦連猛傳。有爾朱京纒。河南康舒王孝瑜傳。有爾朱御女。名摩女。周

書。楊忠傳。有爾朱敏。隋書。有爾朱敏傳。榮族子。唐書。后妃傳。憲宗孝明皇后鄭氏。丹陽人。或言木爾朱

氏。又隱太子建成傳。有郎將爾朱煥。又列女傳。孝武德更娶爾朱氏。明登科錄。洪武三年。陝西解元

爾朱欽。富平人。辛亥進士。授蒲圻縣丞。

悅力氏。

悅氏。

氏族略。悅力氏。代北複姓。後魏有謁者悅力延。

魏書太宗紀神瑞元年八月遣謁者悅力延撫慰蠕蠕。又文成五王列傳悅夫人生安豐康王猛。齊書魏傳僞陵江將軍悅楊生。

俟亥氏。

亥氏。

氏族略俟亥氏改爲亥氏。

魏書文成五王列傳亥夫人生韓哀王若。

薩孤氏。

薛孤氏。

氏族略薩孤氏代人隨魏南徙。

北齊書有薛孤延傳代人又楊愔傳有薩孤康買。北史作薛孤康買。唐書高昌傳有薩孤吳仁。

莫多婁氏。

莫且婁氏。

氏族略莫多婁氏代人隨魏遷洛陽。又云莫且婁氏代人。

齊書莫多婁貸文傳太安狄那人。

破多蘭氏。

多蘭氏

木易氏

氏族略多蘭氏後魏初多蘭部大人因氏焉又云木易氏後魏有木易干為多蘭部帥

魏書高車傳高車有破多蘭部

又太祖紀天興四年十二月詔征西大將軍常山王遵等帥衆五萬討破多蘭部木易干

宿勤氏

氏族略宿勤氏後魏賊帥宿勤明達見爾朱天光傳夏州人

北史燕傳有慕容韜司馬宿勤黎又毛邁傳有賊帥宿勤買奴自稱京兆王隋書豆盧毓傳有開府

磐石侯宿勤武

谷會氏

谷氏

氏族略谷會氏官氏志改為谷氏後有谷會琨

替盧氏

替氏

氏族略替盧氏改為替氏

賀魯氏。

周氏。

氏族略代北賀魯氏、普氏、後魏並改為周氏。

唐書地理志呼延都督府賀魯州以賀魯部置。

可達氏。

氏族略可達氏代北武川人隨魏南徙。

姓氏急就篇唐有可達志。

庫若干氏。千氏。北史鄧彥海傳太武幸漠南高車莫弗盧若干率騎數萬餘驅鹿百餘萬詣行所。

氏族略庫若干氏改為千氏。

庫門氏。廣韻庫苦敬切。

門氏。

氏族略庫門氏改為門氏。

紇單氏。

單氏。

氏族略紇單氏改為單氏。唐有日者紇單璠。

隋書庶人諒傳諒將紇單貴。

越疆氏。

越氏。○按此條眉上原記附越實後今仍其舊。

氏族略河南官氏志越疆氏改爲越氏。

如先氏。

如氏。

兕先氏。

氏族略如先爲如。

魏書列女傳涇州貞女兕先氏。北史烈女傳作兒氏。

車折氏。

周書楊邈傳東魏建州刺史車折于洛。

車成氏。廣韻車尺遮切。

廣韻車成氏虜復姓。

是蘭氏。

北史畢義雲傳有舍人是蘭子暢又虜謨傳有建州刺史是蘭安定。

烏那羅氏。

廣韻烏虜三字姓。北齊有烏那羅受。魏書靜帝紀烏羅受。

也列氏。

北史陽平王新成傳。順陽王仲景娶故爾朱天光妻也列氏。

周書于謹傳。西部饒勒酋長也列河。

叱邱氏。呂氏。

氏族略。叱邱氏改爲呂氏。

叱門氏。

門氏。

氏族略。叱門氏改爲門氏。

是奴氏。

是氏。

氏族略。是奴氏改爲是氏。

悉雲氏。

雲氏。

氏族略。悉雲氏改爲雲氏。

安遲氏。

遲氏。

氏族略。安遲氏改爲遲氏。

丙氏。李氏。

唐書。宰相世系表。漢騎都尉李陵降匈奴。裔孫歸魏。見于丙殿。周有信州總管龍居縣公明。明生燦。唐

左監門大將軍應國公。以避世祖名。賜姓李氏。

若久氏。廣韻。若人者切。

廣韻。若虜復姓。後燕錄有步兵校尉若久和。氏族略同。

井疆六斤氏。

氏族略。井疆六斤氏。代北四字姓。

自死獨膊氏。

氏族略。自死獨膊氏。代人。

莫侯盧氏。

氏族略。莫侯盧氏。代人。

醜門氏。

氏族略。西魏將軍醜門弟子。

赤小豆氏。

豆氏。

氏族略。赤小豆氏改爲豆氏。

魏書有豆代田傳。代人。西秦錄有鮮卑豆留將。

那莫氏。

莫氏。

氏族略。那莫爲莫。

按氏族略又有折婁氏、婆衍氏、地倫氏、郁朱氏、鮑俎氏、鶻也氏、渠金氏、軍車氏、叱雷氏、駱雷氏、吐粟氏、都車氏、生耳氏、薄野氏、鶻奚氏、九盧氏、荷訾氏、李蘭氏、默容氏、三種氏、吐火氏、吐和氏、屋南氏、鶻野氏、皆云代北姓。見複姓錄。地倫氏亦見廣韻。廣韻又有地連氏。皆云虜複姓。

氏族略代北姓又有尸逐氏、何奈氏、先賢氏、唯徐氏、呼毒氏、渠復氏、皆漢時匈奴姓。吐突氏、麗飛氏、

阿史那氏、骨咄祿氏、阿史德氏、斛瑟羅氏、皆隨後突厥諸姓。可沓氏、日南王姓。又有高護爲李阿賀

爲阿。○按以上二條皆有氏無證。故不列爲目。然直置六卷之末。不應錯出於此。今姑仍其舊。



娥氏。  
鷲氏。

魏書有娥清傳。代人。宋書索隱傳作鷲清。又北齊書廢帝紀有武衛娥永樂。宋書索虜傳有南平公娥  
後延。



# 魏氏補證卷六

秃髮氏

源氏

魏書鮮卑秃髮烏孤傳。烏孤八世祖匹孤。自塞北遷于河西。子壽闡。母孕時。因寢產于被中。乃名秃髮。其俗爲被髮之義。

又源賀傳。賀。河西王秃髮儁檀之子。降魏。世祖謂之曰。卿與朕同源。因事分姓。今可爲源氏。

唐書宰相世系表。源氏出自後魏聖武皇帝詰汾長子疋孤。七世孫秃髮儁檀子賀。降後魏爲源氏。

北齊書有源彪傳。彪曾孫。隋書有源師傳。彪子。源雄傳。賀曾孫。宋書魯爽傳有虜長社戍主永平公秃髮幡。

唐書有源乾曜傳。師孫。又孝友傳有伊闕源榮璧。又逆臣朱訛傳有光祿卿源休。

唐書吐蕃傳吐蕃本西羌屬。蓋百有五十種。散處河湟江岷間。有發羌唐旄等。然未始與中國通居。析支水西。祖曰鶻提勃悉野。健武多智。稍并諸羌。據其地。蕃發聲近。故其子孫曰吐蕃。而姓勃宰野。或曰南涼秃髮利鹿孤之後。二子曰樊尼。曰儁檀。儁檀嗣爲乞佛熾盤所滅。樊尼挈殘部臣沮渠蒙遜。以爲臨松太守。蒙遜滅。樊尼率兵西濟河。逾積石。遂撫有羣羌云。舊唐書吐蕃傳。秃髮氏之後。訛爲吐蕃。胡掖氏。

南涼錄。秃髮烏孤母胡掖氏。廣韻南涼錄秃髮壽國之母姓胡掖氏。

折屈氏。○按此條眉上原記附乙弗後今仍其舊

折屈氏。廣韻折旨熱切

疊掘氏。

南涼錄。秃髮儂檀妻折掘氏。右衛將軍折掘奇鎮之姊也。又太元二十年。秃髮烏孤討乙弗折掘諸部。皆破降之。嘉平三年。疊掘麥田車蓋諸部盡降于沮渠蒙遜。

西秦錄有鮮卑疊掘河內。廣韻有南涼折屈氏皇后。

沮渠氏。廣韻沮子魚切。○按此條眉上原記附須須後今仍其舊

大沮渠氏。

魏書。胡沮渠蒙遜傳。蒙遜本出臨松盧水。其先為匈奴左沮渠。遂以官為氏。北史高恭之傳。恭之字道文。初賜爵關男。詔以沮渠牧健女賜潛為妻。封武威公主。封駱馬都尉。父崇。字積善。厚氏坐事誅。公主痛本生絕胤。遂以崇繼牧健後。改姓沮渠。景明中。啓復本姓。以恭之弟謹之繼沮渠氏。

北史。北涼傳。大沮渠蒙遜。匈奴左沮渠官蒙遜之先。為此職。羌之酋豪曰大。故以官為氏。以大冠之。

乞伏氏。○按此條眉上原記附乞扶後今仍其舊

乞佛氏。乞氏。

魏書鮮卑乞伏國仁傳國仁出于隴西其先如弗自漠北南出五世祖祐隣并兼諸部部衆漸盛宋書

皆作乞佛水經注亦作乞佛國仁

又孝感傳乞伏保高車部人也又高宗紀有并州刺史乞伏成龍又高湖傳有河州別駕乞伏世則

齊書魏虜傳有氏乞佛馬居北齊書張保洛傳有開府儀同三司乞伏貴和及弟令和四秦錄有乞伏

軻碑乞伏智運乞伏魁尼寅

隋書乞伏慧傳慧字令和馬邑鮮卑人也祖周父纂並魏第一領酋長金石錄有顯慶三年乞伏士幹墓志

北史吐谷渾傳有僕射乞伏觸狀又趙仲卿傳與突厥達頭戰追奔至乞伏泊

日知錄今有乞姓本乞伏明初改

氏族略乞伏國仁本鮮卑乞伏部酋帥也宋端拱登科錄有乞伏矩

鉞弗氏○按此條眉上原記附獨孤後今仍其舊

赫連氏

鐵伐氏

奴氏

劉氏

弗氏

杜氏。

魏書鐵弗劉虎傳。虎南單于之苗裔。左賢王去卑之孫。北部帥劉猛之從子。居于新興。慮虜之北。北人謂胡父鮮卑。母爲鐵弗。因以爲號。曾孫勃勃。恥姓鐵弗。遂改爲赫連氏。自云徽赫與天連。又號其支庶爲鐵伐氏。云其宗族剛銳如鐵。皆堪伐人。

前趙錄。光興元年。匈奴劉虎居朔方肆盧川。自號鐵弗氏。

夏錄。鳳翔元年。勃勃下書。朕之皇祖自北遷幽朔。改姓妣氏。音殊中國。故從母姓爲劉。而從母之姓非禮也。

氏族略。鐵弗氏改爲弗氏。又云赫連氏。劉去卑之後也。去卑。獨孤氏之祖也。

北齊書有赫連子悅傳。又堯雄傳有都督赫連儁。河間王孝琬傳有武衛赫連輔玄。隋書。于仲文傳有東郡人赫連僧伽。北史。尉遲迴傳有上儀同赫連士猷。

周書赫連達傳。達字朔周。成樂人。勃勃之後也。曾祖庫多汗。因避難改姓杜氏。太祖時。達爲濟州刺史。詔復姓赫連氏。金石錄有武定五年四月安州刺史赫連樹碑

五代史四夷附錄。吐渾本號吐谷渾。唐處之河西。其大姓。慕容。拓拔。赫連等族。

唐書。昭宗紀。雲州防禦使赫連鐸。五代史記有赫連海龍。

魏書。匈奴劉聰傳。聰字玄明。一名載。冒頓之後也。漢高祖以宗女妻冒頓。故其子孫以母姓爲氏。

莫者氏廣韻莫各切莫折氏

西秦錄右衛將軍莫者殺羝尙書郎莫者阿胡

氏族略莫折氏本西羌世居渭州襄武縣又云西秦錄有西安太守莫者幼眷

魏書肅宗紀正光五年六月秦州城人莫折大提據城反周書李賢傳有賊莫折後熾

莫侯氏

氏族略西秦錄有南涼州刺史莫侯弟眷今西秦錄有作鮮卑莫侯悌眷

段氏

魏書段就六眷傳就六眷本出于遼西其伯祖日陸眷因亂被賣爲漁陽烏丸太庫辱官家奴後使詣遼西逐食招誘亡叛遂至強盛

庾信周柱國大將軍大都督同州刺史爾綿永神道碑永字永賓東燕遼東郡石城縣零泉里人也本姓段昔者昌意陵居初分若水之姓共叔出奔始有京城之族西河居士藩魏而卻秦北岳將軍威胡而奉晉其後居于代北則先封遼水

廣韻段氏有出遼西者本鮮卑檀石槐之後姓氏急就篇同

越質氏

越質詰氏

越氏。

廣韻越虜三字姓。後秦錄越質詰歸。

氏族略越質詰氏改為越氏。

西秦錄鮮卑越質叱黎即歸父。又武衛將軍越質洛城。

武都氏。

廣韻武虜複姓。西秦錄有武都氏。

翟氏。後燕時有翟劍翟斌翟遠翟真翟檀皆丁零。

魏書太祖紀天興元年丁零帥翟同內附。

茹茹氏。

茹氏。氏族略茹音如。

蠕蠕氏。

郁久閭氏。

閭氏。

魏書蠕蠕傳蠕蠕東胡之苗裔也。神元之末掠騎有得一奴髮始齊眉忘本姓名其主字之曰木骨閭。木骨閭者首禿也與郁久閭聲相近故後子孫因以為氏。木骨閭子車鹿會雄健始有部衆自號柔然。



而役屬于國。後世祖以其無知，狀類于蠶，故其號爲蠕蠕。

魏書后妃傳：景穆恭皇后郁久閭氏，河東王毗妹也。又外戚有閭毗傳。本蠕蠕人。世祖時自其國來降。又有閭大肥傳。又高宗紀有濮陽公閭若文。安豐公閭虎皮。零陵公閭紇。零陵王閭拔。又蠕蠕傳有郁久閭彌娥。大肥蠕蠕人。太祖時與其弟大逵倍頤率宗族歸國。

北史道武帝紀：太平真君二年，封蠕蠕郁久閭乞歸爲朔方王。又后妃傳：魏文帝悼皇后郁久閭氏，蠕蠕主阿那瓌長女。又蠕蠕傳有吐若登郁久閭譬渾，吐若登郁久閭匿伏，吐若登郁久閭譬掘。郁久閭汗拔。又封敕文傳有安豐公閭根。又汝南王悅傳：悅妃閭氏，東海公之女。北齊書文宣紀有茹茹俟利郁久閭壯延，俟利郁久閭李家提。金石錄有天保七年五月郁久閭業碑。

氏族略：茹茹氏其先蠕蠕種類，爲突厥所破，歸中國。後魏蔚州刺史高平公茹茹敦生慎，周雷州刺史洋公生師寶，海寶，師寶，隋車騎大將軍安次公，生盛壽，海寶，唐右屯衛大將軍。又云官氏志：蠕蠕入中國爲茹氏。

賀術氏。隋書庶人諒傳：諒大將軍茹茹天保。又經籍志闕象傳二卷，閭先生撰。

魏書蠕蠕傳：蠕蠕主斛律北并賀術也。骨國東破譬歷辰部落。

氏族略後魏初賀術部居賀術山因氏焉。

警歷辰氏。

辰氏。

警歷辰氏。

魏書蠕蠕傳見上。

氏族略警歷辰氏代人改爲辰氏又云警歷辰氏。

植黎氏。

氏族略後魏有蠕蠕別帥植黎勿地來降。

達步干氏。達薄干氏。

達步氏。

周書齊王憲傳憲所生母達步干氏茹茹人也。氏族略作達步氏。

魏書高車傳高車十二姓六曰達薄干氏。

俟利氏。

氏族略俟利氏後魏正孤之後猶中國方伯也。

按俟利蠕蠕官名北史蠕蠕傳有俟利莫何俟利阿夷等。

高車氏。

魏書高車傳高車蓋古赤狄之餘種也。初號爲狄。歷北方以爲敕勒。諸夏以爲高車。丁零其語略與匈奴同。而時有小異。或云其先匈奴之甥也。其種有狄氏、袁紇氏、斛律氏、解批氏、護骨氏、異奇斤氏、太祖時分散諸部。惟高車以類麤獷不任使役。故得別爲部落。又有十二姓。一曰泣伏利氏、二曰吐盧氏、三曰乙旃氏、四曰大連氏、五曰窟賀氏、六曰達薄干氏、七曰阿崙氏、八曰莫允氏、九曰俟分氏、十曰副伏羅氏、十一曰乞袁氏、十二曰右叔沛氏。又有屋引部、紇突隣部、紇奚部、侯呂隣部、古延等薛干部、破多蘭部、黜弗素古延等部、越勒倍泥部。

又太祖紀登國五年十月討高車。豆陳部于狼山大破之。天興二年破高車雜種三十餘部。又破其遺迸七部。

氏族略高車卽九姓回鶻種類也。入中國者號高車氏。後魏有高車或如拔也氏。○按此條眉上原記拔也氏倍利氏。敕勒氏宜附在斛律後。今仍其舊。

氏族略拔也氏與斛律同祖。爲拔也部。因氏焉。

隋書鐵勒傳北傍阿得水。則有河唾曷嶽撥忽比干具海曷比悉何蠻蘇拔也末渴達等。倍利氏。

氏族略倍利氏斛律部別帥倍利奔後魏。封益都公。

敕勒氏。

直勒氏。謝氏。

敕力氏。

魏書、高車傳、高車北方以爲敕勒。

又世祖紀、神龜三年三月、雲中河西敕勒千餘家叛、尙書令劉潔追滅之。

周書、陳忻傳有開府敕勒慶。

舊唐書、文苑傳、謝偃、衛縣人也、本姓直勒氏、祖孝政、北齊散騎常侍、改姓謝氏。

宋書、索虜傳、有使持節都督洛豫州及河內諸軍事、鎮南大將軍、開府儀同三司、淮南直勒它大翰。

齊書、王融傳、虜總錄則邽姓直勒渴侯。

氏族略、敕力氏、後魏高車別帥敕力健、見太祖紀及高車傳

護諾氏。

氏族略、後魏西河胡護諾于內附。

魏書、太祖紀、天興六年、西河胡帥護諾于、丁零帥翟同、蜀帥韓襲、並相率內附。

者舌氏。

氏族略、者舌氏本唐居國人、朝後魏、因留中國。

魏書西域傳世祖時散騎侍郎董琬使破落那高明使者舌

白楊提氏

氏族略後魏有白楊提度汗吐谷渾別帥率尸附魏見魏書顯祖紀

鉗耳氏王氏

虔仁氏

氏族略鉗耳氏西羌人狀云周王季之後為虔仁氏音訛為鉗耳氏姓氏英賢傳曰本胡姓梁天監初有鉗耳期自河南歸化父同祖光並仕魏為三品

魏書恩幸傳王遇字慶時本名他惡馮翊李潤鎮羌也與雷黨不蒙俱為羌中強族自云其先姓王後

改為鉗耳氏宣武時改為王焉唐書哥舒翰傳屬將鉗耳大福

水經注太和中閹人宕昌公鉗耳處時立祇園舍于東暉姓氏急就篇隋鉗耳文徹見集古錄西魏鉗耳康買齊書王融傳虜執政則目凌鉗耳集古錄有大業六年隋恒山郡九門縣令鉗耳君清德

頌

蛭拔氏

魏書節義傳有敕勒部人蛭拔寅

安氏

魏書安同傳同遼東胡人其先祖曰世高漢初以安息王侍子入洛歷魏至晉避亂遼東遂家焉。

魏書劉潔傳有左僕射安原北史恩幸和士開傳安吐根安息胡人曾祖入魏家于酒泉。

唐書宰相世系表武威李氏本安氏出自姬姓黃帝子昌意昌意次子安居于西方自號安息國後漢時遣子世高入朝因居洛陽晉魏間家于安定後遼右以避亂又徙武威後魏有難陀孫婆羅周隋間居涼州。

又唐書李元諒傳元諒安息人本安氏。

悉居氏。

氏族略悉居氏古西域國人也。

魏書和平三年高麗徙王契噶思厭於師疏勒石那悉居半渴盤陀等國並遣使朝貢。

又西域傳悉居半國故西夜國也一名子合在于闐西去代萬二千九百七十里大延初遣使來獻自後貢使不絕。

阿逸多氏。

氏族略阿逸多氏西域人。

突黎人氏。

氏族略突黎人氏西域人。

阿那氏。

隋書梁睿傳有將阿那惠。

斫骨氏。

北齊書上洛王思宗傳有斫骨光弁。

武羣氏。

西秦錄乞伏國仁以武羣勇士爲右輔。

密貴氏。

西秦錄有鮮卑大人密貴裕、苟提倫等三部。又有左輔密貴周。